


DISSERTATIO
MEDICO - CHIRURGICA,
DE PARTU,
N E C - N O N
DE AUXILIIS ERGA PARTURIENTES
AC PUERPERAS.

AUCTORE JOANNE POCHÉ DE LAFOND, è Loco
Sancti Geniesii apud Santones, Liberalium Artium
Magistro, & jamdudum Medecinæ Studioſo.

P R O P U G N A T A

IN Augustiſſimo & Celeberrimo Ludovico Medico
Monſpeliensî, die 26 menſis Auguſti 1775.

Pro primâ Appollinari Laureâ conſequendâ.



M O N S P E L I I,

Apud JOANNEM MARTEL, NATU MAJOREM, Regis,
Univerſitatîſque Typographum Conſuetum.

M. D C C. L X X V.

318332





VIRO ILLUSTRISSIMO

ATQUE DOCTISSIMO

J. BROUSSARD DE SABLON,

IN ALMA MONSPELIENSI

UNIVERSITATE MEDICINÆ DOCTORI,

NEC-NON

IN URBE PONTIACA APUD SANTONES

MEDICO REGIO.

VIR ILLUSTRISIME,

*PRÆCELSA Principum nomina , splendidaeque
Magnatum Appellationes suis adscribat paginis favori &
patrociniis inhians Ambitio. Solo cordis affectu impulsus ,
ipse publicum tibi gratitudinis argumentum ob singularem ,
quæ nos nostrosque devincit consuetudinem , multiplicesque*

tuæ ergà nos benevolentia notas , defero. Verùm enim
verò cui potiùs consecrandæ venerant hæ studiorum primitiæ ,
quàm præstantissimo & admodùm venerando amico peritissimo ,
præterea Artis Medicæ Viro , cuius præceptis institutus ,
cujus adjutus consiliis ea quondam perficere , & condita
in praxim depromere licebit. Laudes hìc tuas VIR
ILLUSTRISIME impari calamo non attrectabo ; tua se
satis commendat doctrina , tua-met Virtus. Modestiam quin
etiam nosco tuam & te minus accipiendæ quàm promerendæ
gloriæ cupidum scio.

Si Propositum adæquaret opusculi elaborati ratio , libentiùs
tanquàm tui minus indignum tibi offerretur. Qualecumque
verò sit deditissimi Tironis donum pro tuâ benignitate
accipias , quæso , habeasque tanquàm minimè dubii studii
specimen , quod palàm profiteri gaudet.

VIR ILLUSTRISIME,

Devotissimus & addictissimus
famulus ,

J. POCHÉ DE LAFOND.

Dabam Monspelii die 24 mensis Augusti 1773.



P R O Æ M I U M.

AR S obstetricia circà ultimum generationis actum versatur ; qui quidem actus , nomine ortus insignitur si foetus , si verò matris habeatur ratio , nomine partus celebratur. Naturâ monstrante viam procedit eximia hæc ars , deviantem dirigit , reficit languentem , obstantia quæque removet & ipsius naturæ vices gerere novit si ipsa superando impedimento sit impar. Indè multiplex exsurgit agendi ratio : quantum ex arte nostrâ in genus humanum emolumentum emergat , cuilibet vel leviter attendenti obvium manet , nec opus habet Tyro vel encomia congerere , vel vulgatas promere de hacce re opiniones. Missa pariter faciam quæcumque proferri possent de Historiâ Chronologiâve artis : id tantum notare juvat quod ex observatorum serie concludere pronum evadit : nempe artis necessitatem pari passu ac ejus incrementa progressam fuisse.

Accessit quidem duobus ultimis sæculis , sedulâ quorundam Chirurgorum curâ , magnum arti decus : plura vel nova excogitata fuere , vel quæ tradiderant veteres emendata : nihilominus innumera adhucdum desiderarentur , nisi hujusce temporis acerrimi naturæ indagatores ,

tùm Medici tùm Chirurgi artem promovissent. Omissis-
que imò sæpè spretis & veterum & recentiorum formu-
lis, quidquid arduum occurreret, calidâ & ad id accom-
modatâ operâ superassent, condidissentque præcepta,
sagacis ingenii observatis innixa.

Verum undè desumi potest urgentior in hac ætate hu-
jusce artis necessitas? Anne partes molles feminarum
hujusce temporis exclusioni foëtûs evasere minùs aptæ?
Anne debiliùs sua munia implet vitæ principium? Anne
tandem pravæ ossium conformationi, vitiatæque compagi,
per quascumque affectiones quæ recentioribus temporibus
grassantur, adscribi potest necessitatis artis incrementum?
Ardua sanè quæstio: quamquam ex enumeratis causis
postrema mihi arrideat, cùm easdem vices passa sit hæc
ars, auctaque perpetuò, orto in dies, novasque susci-
piente vires infesto quodam morbo: hunc dico, qui osseam
structuram aggressus, pelvim præprimis vitiat, puerique
expulsioni obesse multiplici modo valet.

Scaturientium undique difficultatum concursu excitati
obstetricantes id tandem curarunt quod præsens suadebat
rerum status: Novo subdita est examini varia pelvis dimen-
sio: Ossea pueri educendi compages, ipsi est collata:
Indèque profluxere inconcussa principia normæque ex
quibus insolita prorsùs lux praxi affulsit: Egregia edita
sunt scripta; quodque vel dexterrimi obstetricantis manus
non posset, id machinæ & simplicitate conspicuæ, & attin-
gendo vario scopo aptæ præstitère.

Vix aliquid ex illâ disciplinâ libaveram, cùm auditor Parisiis extiti viri in artis incrementum nati : D. Solayrès dico, hujusce Universitatis Doctorem, aliunde Anatomiae peritiâ clarum : Ità aptè concinnata, ità dilucida erant quæ de arte publicè differebat summus Magister, ut præ oculis subjici viderentur, nec ubi viam faciliorem monstrabat, quàm latè paterret ars dissimulasse credas : Et perterere, & simul pellicere auditores gnarus, illecebris quibusdam animos demulcebat. Heu ! quare præpostero abreptum fato audire per annum tantùm licuit : Quare & amicum & magistrum lugere cita mors me adegit : felicem adhuc me, cui obtigerit discipulum * ipsius disciplinâ multis adhinc annis imbutum denuò audire, ejusque intimâ familiaritate, publicisque prælectionibus uti duorum decursu annorum.

Quanquam & aliò me vocaverint inclyti hujusce Ludovicei exercitationes, animum sæpè subiit artis adamatæ imago : Siquid otii superesset, volvendis antiquis præceptis, iterandæque multiplici operæ, vel etiam scriptis passim auctorum scrutandis incubui, quæ de Physiologia huc spectant avidè hausi; nec requievit animus, donec Augustissimorum Professorum hujusce facultatis sagacissimo ingenio explorata haberet quæ adipisci huc usque contigerat : Quæ passim manu scripta jacuerant, collegi, adunavi : Præcepta antiquitùs comperta, animo recolui; cætera, quæ

* D. Bodeloque.


faustos spectant partus eventus, ex claris. Auctorum scriptis deprompsi.

Totum hoc qualecumque est nomine dissertationis insigniendum si velis, tripartitum offero. Egi, 1°. De partu generatim spectato, de præfinito tempore, de signis, causis & mechanismo. 2°. De variis auxiliis, prout varii occurrunt casus, quos juvandæ memoriæ causa, juxta Botanicorum methodum, ad artem nostram feliciter à D. Solayrès detortam, distribui: His addidi peragenda in vulgatis casibus, praximque cuilibet accomodatam. 3°. Tandem passim reperta apud auctores de his quæ partum subsequuntur lustravi, quæ sentiam ipse, quemque operandi modum nonnumquam adhibuerim, candidè promens.





DISSERTATIO
MEDICO-CHIRURGICA,
DE PARTU,
 NEC-NON
DE AUXILIIS ERGA PARTURIENTES
AC PUERPERAS.



PARS PRIMA
DE PARTU IN GENERE.

S. I. (1). **G**ENITURÆ ex uteri cavo exitus varia sortitur Definitiones.
 Gnomina, juxta varium graviditatis stadium. *Effluvium*
 ex Moriceau [a] dicitur cum uterus, à die conceptionis ad septimum,
 semina cohesione & formâ carentia expellit aut emittit. Ex eodem
 detrusio à die septimo ad tertium mensem spurii germinis, *expulsio*.

[a] Traité des maladies des femmes grosses & de celles qui sont accou-
 chées, liv. 2. ch. 2.

audit : abortusque nuncupatur, si foetus conformatus quantuluscumque, & quocumque tempore antè septimum mensem edatur exanimis & vitæ incapax. Nos autem per partum latè sumptum, intelligimus expulsionem aut extractionem cujuscumque genituræ è cavo quocumque (sivè in illo increverit, sivè in illud transierit) modò ad septimum mensem pervenerit, imò etiam antè illud tempus, modò vitæ sit capax [a].

(2) Sensu verò stricto, designat partus exclusionem unius vel alterius maturi foetus ex uteri cavo, sivè maternis viribus, sivè alienis auxiliis absolvatur.

(3) Sub hoc posteriori respectu, hîc partum considerabimus. Ut autem innotescant præmissæ definitiones, de partûs termino, quanquam non esset locus, primùm differere satius visum est.

DE PARTUS TERMINO.

II. (1) TEMPUS quo ut plurimùm evenit partus, indubitanter nonus mensis est, & quidem absolutus : numquid autem adeò constans, fixusque est hic terminus ut quâcumque de causâ ad octavum septimumve mensem & citrà restringi nequeat, nec ad decimum undecimumve aut ultrâ protrahi ? Sæpissimè & jampridem exagitata fuit hæc quæstio, adhucdùmque etiâ Scriptores in varias scindit partes.

Rigidiorum
sententia.

(2) Alii juxtâ quos naturæ leges circâ ortum constantes, stabilesque sunt, *naturalem* partum censent in mulieribus perindè ac in brutis constanter determinari, easque nono præcisè mense exacto eniti. Hæc est *Varreti* sententia relata & propugnata à D. Louis [b]. *Amman* & *Diemberbroeck* nullum conformem naturæ partum ultrâ nonum mensem putant. Contendit *Dionis* [c] legem noni mensis exacti adeò constantem esse, ut nulla mulier eâ immunis sit ; nec si dicant gestatos *longiori* *breviorive* tempore infantulos, ullam eis adhibendam esse fidem. Hanc

[a] D. Petit dans sa consultation en faveur de la légitimité des naissances tardives. » A quelque terme que l'enfant vienne au monde, pourvu qu'il puisse vivre après être né, ce terme doit être regardé comme naturel ; il ne sçauroit y avoir de difficulté sur cet objet, pag. 23.

Lamote, Traité des accouchements, II. part. chap. V. pag. 202. » Cela posé, j'appelle un enfant né à terme, quand il est en état de se conserver la vie & de prendre le teton de la Nourrice, en quelque-temps que la mere accouche.

[b] Pag. 27, 28. de sa consultation contre la légitimité des naissances prétendues tardives.

[c] Traité des accouchements, liv. 3. chap. 2.

autem sententiam quæ nullum præcōcem nec serotinum admittit partum, quis adeò parum sanâ mente tueri aggrediatur?

III. (1) Quoad enim partus præcoces, omnium sæculorum experientia constat, inconcussumque manet, fuisse mulieres, quæ ante exactum mensem nonum, per octavi curriculum, septimoque & citrà pepere-
rint, de quo ferè omnes consentiunt, plerique etiã illorum qui serotinos partus non tuentur aut impugnant, in hoc tantum differunt, quod diversimodè suam adstruant sententiam; D. Petit [a] qui præcipuè inter recentiores varietatem circà partus terminum statuit, juxtà peculiarem theoriam probare contendit possibiles esse præcoces partus infantulorum & quidem vitalium, ut videre est in opere gallico, cui titulus, *Consul-
tation en faveur de la légitimité des naissances tardives.*

Præcoces partus,

(2) Septimestres partus agniti ab Hippocrate [b] & à plurimis tam vete-
ribus quàm recentioribus, non sunt tamen omnium qui accidere possint præcocissimi; censeo equidem quâcumque causâ id fiat, infantulum ex utero ante id temporis aliquoties expelli. Cùm autem rarissimè partus hujusmodi eveniant, assertionem observationibus quibusdam fulcire inutile visum non fuit, ex quibus constat infantulos ante septimum mensem editos fuisse & quidem vitales.

Septimestres partus non præcocissimi.

(3) Montanus quemdam novit quinto mense natum, qui ætatem virilem attigerat. — Refert Cardanus ab uxore vinarii mercatoris filiam sibi oblatam fuisse sexto mense medio in lucem editam. — Valesius puellam duodecimum annum degentem vidit mense quinto natam. — Spigelius Cursores tabellarium ad quadragesimum annum proVectum novit, ineunte sexto mense ortum, & secum hujus rei testimonia semper ferentem [c]. — D. Hoin [d] in dissertatione de infantulis vitalibus, vitales esse astruit ante septimum graviditatis mensem, novumque arguit argumentum ex historiâ foetus abortivi è loco de Marseillan, à Broussset relatâ.

IV. (1) Quoad serotinos partus, non solum impugnandi nobis sunt rigidiores primæ classis, qui præcoces & serotinos partus rejiciunt, sed ii etiã qui præmaturos admittentes partus, serotinos possibiles non putant, isti quibus constat secunda classis, inter se dissentiunt, quosdam etiã à se ipsis dissonos videri asserere non dubito.

Serotini partus

(2) Alii enim, sed numero pauciores, ne ullum quidem diem solito tempore addunt. — Alii contrà textu Hippocratis innixi (qui altero quidem evertitur) partum censent ad decimum diem protrahi posse ultra

Discrimen inter rigidiorum sententias

[a] Loco cit. pag. 13, 14, 15, 16, 17.

[b] Lib. de Septimestri partu.

[c] Observationes excerptæ è notis quæ leguntur in opere gallico, cui titulus *Traité des accouchements de Lamotte*, ch. 5. liv. 1. II. Part.

[d] *Mercur de Juin 1772*, pag 130.

nonum mensem. — D. Louis [a] qui à priori sententiâ non nisi difficile distrahi posse videtur, auctoritati demum Hippocratis cedens, contendit saltem infantulos non habendos esse legitimos, qui ultra latissimum hunc terminum in lucem eduntur. — D. Bouvart [b] eodem textu fretus Hippocratis quem rigidioribus secundæ classis præficit, eorum sententiam amplectitur, huncque nonnulli sequuntur.

Tempus Legibus
Rom. concessam.

(3) Romanæ leges, juxta Medicorum sententiam, gestationem ad decem menses exactos protulerant. Refert Aulus Gellius [c] enixæ in undecimo mense mulieri litem fuisse intentatam, quoniam decem viri in decem mensibus, gigni hominem, non in undecimo scripssissent. In Gallia lex ista recepta fuit cum Romano Jure, plures (diu saltem) huic steterè, hancque nonnulli nostris diebus inter quos D. Bouvart [d] propugnare non dubitant.

Sententia Medico-
Jurisperitorum

(4) Tandem Medico-Jurisperiti tempori à lege concessio decem dies addidere, qui terminus triginta diebus Hippocraticum, legalemque decem superat. Attamen sicuti iste pluribus pollet auctoritatibus; D. Bouvart [e],

[a] D. Petit in opere gallico, cui titulus est, Observations sur ce qu'a écrit M. Astruc sur les naissances tardives, hac pag. 275 habet. » M. Louis s'arrête à neuf mois précis, après ce terme tout accouchement est illigitime selon lui. » Ex contextu operis D. Louis Patet eum longius tempus non admittere & ad calcem, ut mulier adversus quam consulebat multò seriùs pepererat, ad eam tutiùs damnandam, & plures in eam convertendas auctoritates, decem in dies ultra nonum mensem partum protrahi posse admittit, ut sibi, inquit, Hippocratem conciliet, de quo suprâ, pag. 302, dixit; Hippocrate donne sans preuve huit jours de plus.

[b] Pag. 62. epist. ad D. Petit, de auctoritatibus loquens quas in tres classes paritur hac ait, » la premiere comprend les rigoristes, à la tête desquels est Hipp., fixe le plus long terme à 9 mois 10 jours; & pag. 108. ejusd. operis. Quoique M. Petit, en puisse dire, le terme de l'accouchement est invariablement fixé à 9 mois quelques jours plus ou moins.

[c] Aul. Gell. noct. attic. lib. 3. cap. 26.

[d] Pag. 27. operis jam citati. » Les Auteurs que l'on produit contre M. Louis, se trouvent manifestement pour nous, puisque nous accordons jusqu'à 10 mois 10 jours.

[e] Ibid. & praterea, pag. 37. pag. 62. epistola ad D. Petit Jam relatas tres simul admittit sententias. his verbis. » J'adopte, il est vrai, suivant ma manière de penser, le sentiment des rigoristes; mais, comme je n'ai pas la présomption, ainsi que d'autres, de croire mon opinion capable de faire loi, j'adopte aussi, puisque rien ne m'en empêche, & que j'y suis autorisé, la latitude accordée par le droit Romain & par les Médico-legistes.

ut sibi plures conciliet auctoritates, tutiusque probet legitimum non esse puerum adversus quem consulebat, utpotè ortum vigesimâ post mensem decimum die, hanc quoque opinionem expressè profitetur, licèt locis jam citatis manifestum sit ambas priores fuisse amplexum.

V. Cùm tres simul sententias tueri mens nostra non sinat, hanc admittendam censemus, quæ firmissimis nititur momentis, aut cunctas respuendas, si nulla nobis arrideat; posteriorem hanc viam sequimur. Ut autem penitus ruant, probare intendimus, 1°. Partum aliquandò ultrà varios limites hâc triplici sententiâ statutos contingere posse. 2°. Exstitisse admodum provectas graviditates quæ etiâ ad plures ultrà consuetum terminum menses sese extenderunt. 3°. Ex varietate terminorum, quos scriptores statuunt, & discrimine observationum, quibus nituntur, eruemus instabile esse ambiguumque tempus ad quod pertinere potest graviditas, nec partus terminum intrâ certos limites hære.

Quæ admittenda
Sententia.

VI. 1°. Hinc patebit partum ultrà varios limites præfatis sententiis adstructos provehi posse, probando scilicet illas à se invicem everti, primam nempe à subsequenti destrui; hancque à tertiâ, quæ impugnatur quoque auctoritatibus, quæ paulò longius concedunt tempus. — Antea verò quàm ulteriùs progrediamur, definire non inutile erit quid *serotini partus* audiant. Serotinos itaque partus dicimus, qui sensibili post decimam à nono mense diem, tempore absolvuntur; sicut præcoces appellavimus partus, qui citrà decem ante nonum mensem exactum dies accidunt; cum plurimis enim viginti dierum circà strictum terminum discrimen, nullius momenti habemus. — Hoc posito, cum primæ sententiæ affectis considerandum venit, utrùm serotini partus possibiles sint & utrùm etiam aliquandò contingant; breviter nisi obscure referre possem, quæ scriptores celeberrimi inter quos D. Petit de graviditatis prolixitate fusè dixerunt. Satis igitur mihi erit, si de serotinorum partuum existentia differam, de quâ constare debuit & Medicis ad Romanas condendas leges consultis, & Medico-Jurisperitis, qui limites à legibus definitos protraxere, & scriptoribus qui statuta hæc amplexi sunt; quòd hinc ruat prima, rigidiorum scilicet sententia, manifestè patet.

Ruunt relatæ
sententiæ.
Prima à secundâ
evertitur.

VII. (I) Nunc autem, quænam ex duabus posterioribus sententiis prævaleat, perpendamus. Opinio legibus romanis statuta, optima quidem videri debuit, dùm observationibus non constitit, partum ultrà decimum mensem protrahi posse; sed cum factis haud ambiguis manifestum evaserit, ortum ultrà definitos limites contingere posse, in *Aulugellio* [a] legimus *Adrianum* legi exceptionem tulisse erga puerum

Secunda à tertiâ

[a] Aul. Gell. noct. attic. lib. 3. cap. 26. pag. 103. Sic legitur se

undecimo mense natum post extinctum patrem. Non id ex favore aut mero arbitrio latum fuit, sed *requisitis veterum Philosophorum & Medicorum sententiis*. Prætor Papyrius [a] ex Medicorum sententiâ legitimum declaravit puerum decimo-tertio mense editum.

(2) Hæc & similia, nec non plures etiam scriptorum sententiæ, quorum alii usque ad undecimum, alii in undecimo partum collocant, Medico-Jurisperitos impulere, ad concedendum menses decem totidemque dies, indèque planè evertitur terminus partui à legibus romanis statutus.

Tertia per experientiam.

V I I I. Superest igitur evertenda Medico-Jurisperitorum sententia. Si autem hi, auctoritatibus, quibus constabat gestionem ultrà tempus ab *Hippocrate*, legibusque romanis statutum, provehi posse, limites ampliare potuerint; nonnè nobis, illos extendere licebit, quos ipsi definire, auctoritates gravissimas, factisque maximâ fide dignis suffultas proferendo, ex quibus probetur graviditatem in longius, breviusve tempus ultrà præstitutos ab ipsis fines protrahi? In his igitur nobis nunc incumbendum: auctoritates primùm edemus quæ graviditatem in brevius ultrà Medico-Jurisperitorum limites, tempus perferunt. — Quidam ex adversariis, licèt auctoritates, quæ in undecimo mense partum contingere posse astruunt, sibi vindicent; non tamen scriptores eis omnes dimittimus, qui in undecimo mense limites latissimos partus constituere: ex quibusdam enim circumstantiis eruitur plerisque de medio, extermine, potiùs quàm ineunte mense undecimo fuisse locutos.

Veterum sententia.

I X. Dignitate & vetustate præire deberet *Hippocrates*, ut autem spurius à quibusdam reputatur liber, in quo undecimestres & duodecimestres etiam partus memorantur, cum sint etiam qui [b] subtilitates quasdam excogitaverint ad probandum partu undecimestri *Hippocratem*

enimam bonis atque honestis moribus non ambigua pudiciâ in undecimo mense post mariti mortem peperisse: Factumque esse negotium propter rationem temporis quasi marito mortuo postea concepisset, quoniam decem viri in decem mensibus gigni hominem, non undecimo scripssissent, sed Div. Adrianum, in causâ cognitâ decrevisse, in undecimo quoque mense partum edi posse, idque ipsum ejus rei decretum nos legimus, in eo decreto Adrianus id statuere se dicit requisitis veterum Philosophorum & Medicorum sententiis.

(a) Plin. Hist. Nat. lib. 7. cap. 3.

(b) Intelligi enim volunt menses aut desinentes aut inchoatos, ita ut per undecim menses *Hippocratem* audisse velint quinque dies extremos primi mensis, novem menses integros subsequentes & dies alios quinque mensis alterius; undè juxta illos in undecimo quidem mense partus undecimestris Hippocraticus, absolvitur, sed reverâ novem tantum menses & dies decem perseveravit graviditas.

audiisse eum, qui nonum post mensem & dies decem absolvitur, ex eo propugnacula non sumemus. — Ad *Aristotelis* igitur sententiam deveniamus; censet enim juxta *D. Petit*, pręgnantes nonnisi post mensem undecimum parere posse. — Idem censebat *Plinius* [a], exemplumque *Vestilia* refert, quę nunc septimo mense, nunc undecimo, iterum septimo, alterā vice octavo mense enixa est (& quidem revo-
lutis). — Accedunt nunc Medici & Philosophi ab *Adriano* con-
sulti, qui infantem undecimo mense post extinctum patrem nasci
potuisse definierunt; undē Imperator legitimum declaravit talem pue-
rum. — Nec reponant adversarii eos de initio mensis undecimi fuisse lo-
cutos; si enim totum mensem non intellexissent, cū pręvidere possent
consilium suum in legem abiturum, sanē aliter suam dixissent senten-
tiam, tempusque mensis designassent. Lex enim apertis & clarissimis ter-
minis ferri debet, sumiturque secundum totam suam extensionem.

X. Recentiores veteribus consentiunt auctoritates. *Maningham* [b] sic
docet; *fieri potest ut mulier utero gerat à septem ad undecim menses.* —
D. de Buffon (c) hæc de partu scripsit: *lorsque le fœtus n'aura pas ac-*
quis dans le temps de neuf mois, ce degré de perfection & de force, il
pourra rester dans la matrice jusqu'à la onzième & même douzième période,
c'est-à-dire, ne naître qu'à dix ou onze mois, comme on en a des exemples. —
Facultas Gießenæ a magistratibus consulta ann. 1689, die 29 Augusti
statuit puerum mense undecimo post extinctum patrem natum, legiti-
mum esse posse. — *Hallensis* definit pariter legitimum posse esse puerum
duodecimo mense ortum. *Heidelbergensis* de facto pari par tulit judi-
cium. — Relatę auctoritates non quidem ad certum tempus stabiliendum
consentiunt, sed saltem coeunt ut limites a Medico-Jurisperitis statutos
removeant, undē sequitur partum non restringendum esse intra statu-
tum ab illis tempus. Ut autem id ipsi diffiteri non possint sic ex ipso-
rummet principiis ratiocinabimur.

Recentiorum.

XI. Si plus, minusve præcox partus concipiatur pendere a quibus-
dam causis (quęcumque admittantur); partus etiam plus minusve fero-
tinus concipi debet a causis quibusdam contrariis oriri posse. Nos v. g.
qui cum *D. Petit*, nimiam uteri sensibilitatem, defectum extensivę fa-
cultatis relativę, incrementum præceps veloxque infantuli, quasi to-
tidem causas agnoscimus, quę sive seorsim, vel simul agant, fœtus antē
consuetum tempus exclusionem promovere possunt; nos, inquam, pu-
tare cum eodem non dubitamus, causis contrariis juxta earum actio-
nem & gradum, partum plus, minusve protrahi posse. Id etiā censet

Ratiocinium a
causis ductum.

(a) Loco jam citato.

(b) *Artis obstetric. compend.*

(c) *Histoire Nat. tom. 4. pag. 115. Edit. in-12.*

D. Lamotte [a] qui hujus moræ terminum habet tempus quo desinunt causæ : sic quoque Riolanus ; pluresque partuum præcocium serotinorumque causas affert [b]. Cur ergò , ut adversarios alloquar , cur , inquam , ritè admodum & causâ cognitâ , graviditatis tempus ampliantes & quidem multò , huic tamen limites assignatis , quos prætergredi potest juxtâ gradum vis , quæ causis inest à vobis admissis ; etenim extrâ dubium est parem non semper esse earum vim : cùm ergò juxtâ vos aliquoties partum in quadraginta dies , aliquoties in tempus brevius remittant , nobis licet putare illum interdum ultrâ potrahi posse , dum id aliundè experienciâ constat. Fatebimini ergò malè positos à vobis limites , removendosque. Utrum verò admodum ultrâ producendi ? De hoc nunc differendum venit.

Partus protrahi
& quidem in longum posse videtur

XII. II^o. Videtur , si partus quâcumque causâ potrahi posse admittatur in aliquot hebdomadas , indè inferendum esse , si hæ causæ (quæ necessariò juxtâ temperamenta , & circumstantias variant) sint v. g. duplò validiores , partum in duplo longius tempus distractum iri. Nec ultrâ urgebimus argumentum , sufficitque nobis graves referre auctoritates quæ partum in tempus amplum ultrâ vulgarem latitudinem differri posse astruunt.

Sententia quæ
in 12 mensem partum provehit.

XIII. (1) Neque hîc etiâ concordēs sunt scriptores. Eos primùm proferemus , qui minùs recedunt ab iis quos Medico-Jurisperitis objecimus ; primò Teichmeyer [c] qui ex professo de hac quæstione differens , duodecim concedit exactos menses his verbis : *patet ex his jam allatis argumentis partum undecimestrem & duodecimestrem ex principiis Medicis legitimum pronuntiari posse , certis positis circumstantiis*. Huic scriptori assentimur , prout scilicet res requirunt , non putantes sicut nec defensores provectorum graviditatum improvidè & temerè fidem esse adhibendam

[a] *Traité des accouch. II. part. liv. 1. ch. 5.*

[b] *In opere cui titul. est instit. Medico-Leg.*

[c] Joannis Riolani Ambiani , *lib. de Hominis procreatione , cap. XI. pag. 114* sequentia leguntur ad partum tria concurrunt : Mater , uterus & infans : Mater cohibito spiritu & musculos abdominis comprimendo juvat partum , uterus à fundo ad os se provolvit , ut onus excutiat : Infans appetit exitum coactus necessitate aeris , cibi , loci : nam grandior ad caloris ventilationem eget respiratione , alimento solidiore & copiosiore , loco capaciore : si ergò fœtus fuerit parvus , frigidus , imbecillus , quæ erit exeundi necessitas ? Quòd si partus respondeat conformationi (fœtus) , caloris autem & formatricis impotentiâ necnon humoris contumaciâ , conformetur tantum 50 aut 60 die , exhibit undecimo aut duodecimo mense : contrà si calor fuerit tam potens , conformatrix adeò robusta , materia tam obsequens ut die 20 dearticuletur , nascetur quinto mense.

mulierum sermonibus, quæ ultrà consuetum terminum præcipuè extincto marito pariunt.

(2) Facultas Lipsiaca majorem adhuc latitudinem impertitur, anno enim 1638, quartâ Decembris die statuit puerum ultrà annum ab extincto patre natum legitimum esse posse. — Statuto vigesimæ - sextæ diei Februarii anni 1674. Ingolstattenſis Medicinæ Facultas legitimum pariter declarat partum duodecimi mensis octavo die absolutum. — D. *Lamotte* [a]. Exemplum mulieris profert quæ duodecimo exacto mense enixa est.

XIV. Sunt etiã qui graviditatem ad decimum-tertium mensem extendi volunt. Medici à Prætorè *Papyrio* consulti possibiles sanè agnoscebant hujusmodi graviditates, easque certè observaverunt cum, ut suprà dictum fuit, statuerint puerum decimo-tertio mense in lucem editum legitimum esse. — *Cardano* id quoque constare debebat, *Pater meus*, inquit, *decimo mense se natum prædicabat* [b] D. de *Lamotte* partum quoque ad decimum-tertium mensem & quidem exactum perferri posse putat. . . . *J'appelle l'enfant être à terme depuis le commencement du septième mois jusqu'au dix, douze & même au treizième* [c] idque unicâ astringit observatione [d]. In thesi quam D. *Wagner* de partu serotino propugnavit, factum legitur de quo D. *Heister* qui thesi præerat sedulò inquisiverat, uxorem scilicet Bibliopolæ ex urbe Wolfenbüttel, enixam ter esse decimo-tertio mense. Refert idem Facultatem Helmstädiensem de puero decimo-tertio graviditatis mense orto consultam, legitimum eum censuisse.

In decimum tertium,

XV. [1] Complures ad quatuordecim quoque menses gestationem produxerunt, quibusdam innixi observationibus, unam tantum inter recentiores desumemus ex opere gallico, cui titulus, *Mercur de France* mensis Novembris anni 1717, in quo, pag. 218, de muliere legitur per quatuordecim menses gravidam faustè tandem marem vitalem edidisse — *Riolanus* filius (e) partum in quintum-decimum mensem, & ultrà incidere statuit.

In decimum quartum & decimum quintum,

[a] *Traité des accouchements*, part. II. liv. 1. chap. 5. p. 110 & 111, observ. LXXXVIII.

[b] *Cardan.* lib. I. tract. 3. contradict. 8.

[c] *Traité des accouchements*, part. II. liv. 1. ch. 4. pag. 301.

[d] *In eodem opere observ.* XCI, pag. 323.

(e) *Joannis Riolani filii, Anthropographia*, lib. VI. cap. IX. pag. 640. frequentissimum & ordinarium pariendi tempus est nonus mensis, si tamen in decimum aut undecimum protrahatur, nihilominus legitimus erit partus, quamvis *Hipp.* statuit decimum mensem, vel principium undecimi terminum generationis longissimum, at videmus aliquando naturales partus in 22, 24, 25 menses usque ad biennium incidere, ut innumeris historiis demonstrat *Schenkius in observat. med.*

In Decimum
sexturn.

(2) D. *Lieutaud* (a) graviditatem censet usque ad decimum-sexturn mensem perdurare posse. Observationes quibus fulcitur hæc sententia præbet *Schenkius*. Juxta *Bellocatum* Medicinæ Professorem Patavii refert *Spigelius* (b), sororem D. *Burcel* viri scientiâ in urbe celebris, decimo sexto mense peperisse. *Harveus* ut refert *Verduc* (c), narrat visam à se mulierem quæ cum infantis motum à mensibus decem & ultra persensisset, decimo-sexto mense feliciter enixa est.

In octavum deci-
mum, aut etiam
in vigesimum,

XVI. Tandem D. *Petit* in opere gallico jam citato, observationibus probat graviditatem in aliquot ultra menses protrahi posse; laudat *Bodinum*, qui refert Senatorem Supremæ Rothomagensis Curie in actis publicis conscribi jussisse de muliere quæ decimo-octavo mense enixa est. — *F. Bayle* (d) Tolosanus Professor Medicus de *Ant. Girault* mentionem facit, quæ nono mense passa dolores parturitorios, doloribus sedatis, decimo-octavo filiam vivam edidit. D. *Bertin* matronam novit quæ per octodecim menses gravida prolem fausto partu dedit. — *Sennertus*, juxta *Fabertum* refert mulierem sæpius consueto tempore enixam, decimo octavo mense & rursus vigesimo peperisse.

Hinc serotini
partus possibiles
saltem eruuntur.

XVII. Indubitatum mihi post tot & tanta testimonia videtur, partum aliquoties in longum tempus proferri. Serotinos igitur partus libenter possibiles admitto, fortuitoque partus ejusmodi extitisse fateor. Non me quidem fugit nonnullos plerasque auctoritates, & facta quædam relata in dubium vocare; sed apud æquam & veritatis amicam mentem præstare non debent paucissimi quidam ingenti Scriptorum agmini, qui facta illa tuentur, quæ, ut scitè ait D. *Lieutaud* (e), ratiociniis solis hucusquè impugnata sunt. Nunc tantum quædam attendenda supersunt.

(a) In opere gallico cui titulus. Précis de Médecine pratique, liv 3. sect. 1. maladies des femmes, pag. 471. *Sequentia leguntur*: » le terme » de l'accouchement est, comme tout le monde sçait, à la fin du neuvieme » mois: cependant il est quelquefois prématuré; c'est-à-dire, qu'il » arrive au huitieme, au septieme & quelquefois même au cinquieme » mois, comme plusieurs observations semblent l'affurer; ou tardif, » comme au dixieme, au douzieme, & même au seizieme mois; ce » dont il est très-important d'être prévenu. Je n'ignore pas que cette » opinion, fondée sur les histoires qui sont entre les mains de tout le » monde, a été fort attaquée; mais, il me semble qu'on n'a opposé à » des faits que des raisonnements.

(b) In opere de foetus formatione.

(c) *Verduc*, usag. des part. tom. 1. pag. 60.

(d) In opere gall. cui titul. Histoire d'une grossesse de vingt-cinq ans, in lucem edito an. 1678.

[e] Loco citato.

XVIII. III^o. (1) Quid ex variis Scriptorum de graviditatis diuturnitate opinionibus, factisque, quibus nituntur, concludendum, nisi tempus partûs instabile esse, & usque ad certum gradum variare; itaque *Spigelius* (a) juxtâ innumeras à *Schenkio*, aut à se collectas observationes, incertum esse terminum partûs definit. Fatendum tamen est non frequentes esse serotinos partus, & eò rariores esse quò diuturniores sunt.

Quid ex varietate
sententiarum
concludendum?

(2) Cùm igitur constet de infrequentia hujusmodi partuum, qui à consueto naturæ ordine discedunt, ad eos quàm maximè attendere debet prudens Medicus. Hâc de causâ sententiam referemus *Hervei*, qui serotinorum partuum notus affecla est his verbis: *Certissima quoque graviditatis signa non modò ignaras mulieres, sed obstetrices expertas & peritos etiam Medicos atque attentos fefellerunt: quapropter cùm præter dolos muliebres varia sint prægnationis falsa indicia, de partu inordinato haud temerè statuendum est.* — *Alberti* [b] Professor in Hallensi Facultate, quàmplures ponderandas proponit circumstantias, ut veritas serotini partûs dignoscatur: eas memorare inutile videtur, utpotè ratione subjectorum variantes & ferè innumeras.

XIX. Cùm verò quidam ex adversariis ad demonstrandum inutile esse & non sufficiens examen de quo hîc agitur, contendant illud falso inniti principio immotis naturæ legibus adversanti: nobis liceat quædam breviter proponere de immutabilitate legum naturæ quam rigidiores nobis objiciunt, in quo etiâ eos impugnant, qui vel minimam varietatem admittunt, dissertationes phycas eorum qui ex utrâque parte de præsentî quæstione ex professo egêre, non aggrediemur. Eis reponere satis erit, si non disjungerent generalem legem de progeneratione entium juxtâ genus suum, à generali quoque & non minùs certâ lege, quâ singulæ causæ suum generant effectum, futurum ut conciliare nobiscum certè possent exiguas variationes legum peculiarium (aliquâ occurrente causâ) cum stabilitate naturæ legum in genere sumptarum.

Nûm legibus
naturæ adversa-
tur in termino
partûs varietas?

XX. Sic spectatis naturæ legibus rectè non solum serotinos partus admittimus, imò etiâ limites quoscumque præfinitos rejicimus, hominem existimantes naturam observare posse, non verò ei leges imponere. Nam ut scitè, ait *Seneca*, *non respondet ad propositum, nec ad certum diem fecunditas: sui juris rerum natura est, nec ad leges humanas componitur; modò properat, modò vota præcurrit, modò lenta est, & demoratur.*

Certi limites non
præfiniendi.

[a] In opere jam citato, cap. XX. de partûs tempore, modo & causâ.

[b] In opere cui titul. *Systema Jurisprudentiæ Medicæ*, pag. 238.

DE PELVIS DIMENSIONIBUS AD PARTUM SPECTANTIBUS.

XXI. (1) Hic non intempestivum fortè erit quædam breviter de anatomicis relativè ad partum notitiis præmittere. primò de Matre ; secundò de Infantulo.

(2) Partes quæ apud feminas generationi , foetus incremento , exclusionique inserviunt , aliæ duræ , aliæ molles sunt. Harum posteriorum cognitione præsuppositâ , de his tantùm dicendum veniet , ubi de curis , quas tùm ante partum , tùm perseverante labore , tùm post puerperium , expostulant.

(3) Sub titulo durarum venit cavitas illa ossea in quam desinit truncus , *pelvis* dicta , quæ licet directè generationi non inserviat , non exiguam tamen ei operam navat , fulcimentum præbendo partibus mollibus , quæque , ratione conformationis , facilem , difficilemve , aliquandò etiam impossibilem , viâ solitâ , partum efficit.

Pelvis duplex.

XXII. (1) Juxta prominentem marginem dividitur pelvis in duplicem cavitatem , cavitas superior ; pelvis magna nuncupatur ; inferior parva pelvis dici solet. In efformandâ magnâ pelvi concurrunt vertebræ lumbares , & pars superior ossis sacri ; latera efformantur partibus duabus ossium ilium superioribus ; terminatur autem anticè minimâ parte ossium pubis.

(2) Etiam si quædam habenda sit ratio magnæ pelvis relativè ad graviditatem & partum ; attamen nostra præcipuè in pelvim parvam verti debet attentio ; hæc quippè primas partes in partu absolvendo gerit. Posticè constituitur maximâ ossis sacri parte & osse coccygi : anticè ossibus pubis & ad latera tertiâ quartâve inferiori ossium ilium parte & ossibus ischiis.

(3) Tria in pelvi parvâ consideranda veniunt , ejus scilicet aditus , sive apertura superior ; ejus exitus sive apertura inferior , ejusque capacitas excavationis nomine insignita.

Superior apertura.

XXIII. (1) 1°. In feminâ ritè conformatâ ferè circularis esse debet aperturæ superioris figura , in modum tamen cordis lusiorum foliorum definens.

(2) Figuram aperturæ superioris dimetiuntur obstetricantes lineis tribus ab uno circumferentiæ puncto in oppositum per centrum ductis , quas vocant diametrum anteriorem , transversam & obliquam. — Diameter anterior à symphyssi pubis ad usque partem superiorem ossis sacri pergit : longitudo illius à tribus pollicibus & semi ad quatuor & semi extenditur. — Diameter transversa ad angulos rectos anteriorem secans , in utroque latere aperturæ terminatur , vulgò pollices quinque & aliquot lineas continens. — Tandem diameter obliqua duplex à marginibus internis utriusque cavitatis cotiloideæ , ad usque unionem ossis sacri cum

cum ossibus ilium decurrit. Hæc licet diameter transversa aliquot lineis brevior sit in pelvi carnibus denudatâ, attamen major illa est in parturiente.

XXIV. (1) 2°. Exitus sive apertura inferior anticè incisa est angulo intrò recedente; posticè verò & ferè juxtâ latera duobus angulis pariter intrò recedentibus, quorum angulorum latera totidem prominentes angulos efformant. Apertura inferior

(2) Hæc quoque apertura suam habet diametrum anteriorem, transversam & obliquam. — Diameter anterior à margine inferiori symphysis pubis ad usque coccygis apicem decurrit. — Diameter transversa spatium emetitur quod inter binas ischiorum tuberositates interjacet. — Diameter obliqua duplex à ligamentorum sacro-ischiaticorum divisione extenditur, usque ad mediam & sub anteriorem partem ischiorum.

(3) In ritè conformatâ pelvi hæ diametri ferè æquales sunt, illarumque longitudo à tribus pollicibus cum semisse ad quatuor pollices & semipertingit; juxtâ flexibilitatem coccygis diameter anterior pluribus lineis crescere potest.

XXV. 3°. In parvâ pelvi considerandum venit spatium quod intrâ duplicem aperturam jacet, ab obstetricantibus excavationis nomine donatum. Hujus latitudo utramque aperturam superat; ejusque profunditas, pro vario loco quo instituitur ejus mensura, variat. — Vulgò à parte superiore ossis sacri ad coccygis extremum hæc assurgit ad quatuor aut quinque pollices: si verò à superiori margine anteriore & laterali ad usque partem ischiorum inferiorem mensuretur, altitudo trium & semipollicum, quatuorve invenietur. A superiore autem symphysis pubis parte ad inferiorem ejusdem symphysis partem ea pollicem unum & semipollicem, aliquandò pollices duos explet. Excavatio

XXVI. (1) Notandum est, circa extremum graviditatis tempus, substantiam ligamento-cartilaginosa pelvis ossa connectentem, aliquandò adeò fero imbui, ut præfatarum diametrorum sensibiliter increascit longitudo, ossaque quâdam mobilitate donentur, quod imprimis prodest in casibus quibus moles capitis foetus partui officit. Cartilaginorum
mefactio.

(1) His posthabitis, cuncta tam absolute quàm relative discrimina in expositis pelvis dimensionibus, vitia conformationis audiunt. — Pelvis coarctari potest à posteriori parte in anteriorem; ab anteriori in posteriorem; à superiori in inferiorem; ab inferiori in superiorem, & in omnem sensum.

XXVII. (1) Si ossis sacri cum columnâ vertebrali conjunctio juxtâ pelvis axem nimis progrediatur, apertura superior arctior, inferiorque latior erit: si hæc contrâ retrorsum projiciatur, coccyge necessario antrosum cedente, inferior tunc apertura arctior, superiorque latior erit. Harum conformationum prior, partus initium & progressum moratur.

Vitia pelvis.

ejusque terminum periculose accelerat: posterior è contrà celeres præbet progressus, sed mox tardiores.

Transversè oc-
clusa pelvis.

(2) Si pars pubis anterior plana sit, vel si cùm introrsum concava deberet esse, convexa sit, viciniorque parti superiori ossis sacri; vitium illud à nonnullis pelvis transversè occlusa (*gallicè barré*) dictum, laboris principium veluti in priori casu suprà enarrato, multò difficilius efficit, partuique etiàm penitus obstat, si adeò coarctetur ejus aditus ut manum immitti non sinat. — Obstetricantes quidem hoc nomine pelvim donarunt cum symphysis longior est, crurave pubis viciniora inter se quàm ut posteriora capitis foetus intermeare sinant. Hocce vitium licet maximum, superiori tamen minus est, ratione scilicet habitâ & flexibilitatis coccygis & tumefactionis juncturarum. — Nostrâ verò sententiâ [a], pelvis transversè occlusa dici debet, quoties apex anguli intrò recedentis anterioris, seu incisionis pubis non duobus pollicibus distat à coccygis apice, pelvi horizontaliter impositâ.

Tumefactio sym-
physis pubis.

XXVIII. (1) Pelvis alio laborat vitio orto à tumefactione substantiæ ligamento cartilaginosa post aliquot partus apud quasdam mulieres symphysim pubis transcendentis in excrescentiæ modum, quæ, diametro anteriore tantulò brevior, lapsui capitis foetus officere potest.

(2) Prominentia cavitatis cotyloideæ in claudis quibusdam aliquam novam parit difficultatem, quâ sæpè obstetricans inducitur ad partum absolvendum arte, alioquin fortassè solis viribus maternis terminandum.

(3) Causa coarctationis pelvis minus rara, rachitis est quo à tenerâ infantiâ tentari coepit mulier. — Contendunt quidam hunc metuendum esse effectum in pueris tantum infra tertium quantumve annum. Alii periculum secundo tantum anno adscripserunt.

DE UTERI RELATIVE AD PARTUM SITU ET PRÆCIPUE DE EJUS OBLIQUITATE.

Fulmenta uteri
ejusque situs.

XXIX. (1) De partibus licet mollibus differendi mens nostra non fuerit, hic tamen quædam de respectivo ad pelvim uteri situ intermittere non absolum erit, multum enim ad absolvendum partum confert. — Adhærent ligamenta propè fundum vacui uteri cujus orificium adhæsiōne vaginæ, vesicæ, & recto firmatur; indèque eruendum est uterum equilibrium servare quod vix amitti posse videtur; horum verò ligamentorum respectivus situs diversus est per graviditatem (fundo enim præcipue evolutionem uteri suppeditante, ut infra dicendum.) N. dum ut antea fundo vicina sint, eò magis ab eo distant, quò pro- vectior est graviditas.

(a) Simul & D. Solayrès.

(2) Ità ut circà ultima tempora , distantia quæ ab insertione ligamentorum ad extremum uteri punctum , fundum scilicet , habetur , duplò major sit distantiâ quæ ab eâdem insertione ad decliviorè partem , id est orificium , ducitur ; dùm hæc contrà initio graviditatis erat non solum in ratione inversâ , verùm etiam quadruplò major priori , [non solum superior ligamenti pars altior est , sed etiam multò latior , graviorque inferiori.

(3) Notandum molem hanc in ovi modum conglomeratam , quæ partibus dùm taxat mollibus deorsum adhæret , & ex utroque latere fulcitur (tunc tantum & inferius) tenui & extensionis maximè capaci ligamento , facile titubare & in alterutram partem deflecti posse , idque non rarò mulierum varios motus præstare.

XXX. (1) His positis facile concipi potest uterum in gravidis varios fortiri posse situs , cum ultra superiorem aperturam progressus est , vel in abdomine jacet. Situm quippè naturalem aut servat aut amittit : si servat , rectum uterum habeo , hujusque tunc apex ad axim cavitatis pelvis , fundusque ad umbilicum directè inversi sunt. Si non servat , & in quandam partem inclinetur , obliquum dico uterum , ideòque pravo fruentem situ , de quo hic præcipuè quæstio est. Obliquitas multiplex.

(2) Pluribus modis peccare potest uteri situs ; circà quatuor dùm taxat pravi situs species versabitur quæstio ; aliæ enim ex his prioribus constant & ad illas referuntur.

XXXI. (1) Prima species fit cum corpus uteri ad columnam vertebralem nimis propè adjacet , fundusque diaphragmati innititur , tunc orificium altiùs directè ossibus pubis adversatur ; undè accidit , ut , cum fundus corpusque in foetum agunt , is capite ossa impetat , quod contractionis vires frangit , orificiique dilatationi obstat. Vel , & hoc quidem pejus , capite supra ossa gliscente , ità situs est infantulus , ut averso corpore , brachium , manusve orificio occurrat. Præter quàm ex directione præcipuâ uteri quæ fit juxta abdominis directionem , tunc antrorsum exiguam projectionem præbentis , sed tantum in altitudinem patentis ; præter quàm etiàm ex positione anteriori , superiori que ossis tincæ ; ex difficultate , quæ in prædicto casu oritur , os illud tangendi , erui potest iste uteri situs , qui licet rarò admodum eveniat , possibilis tamen , multumque tunc molestus est. Prima obliquitatis species.

(2) Præter rationes jam allatas , maximè pendere videtur à musculorum abdominalium resistentiâ & deflexione retrorsum columnæ vertebralis supra ipsius juncturam cum osse sacro (in hoc casu nimis antice projectam).

(3) Huic situi positione aptâ mederi potest obstetricans , quod meâ sententiâ facile præstabitur , muliere in genua astante ; parte superiori flexâ , cubitis innixis pulvinaribus , eâque hunc situm servante , donec uterus proprio pondere accesserit ad positionis optatæ lineam horizontalem ,

quæ, muliere stante aut jacente, perpendicularis erit. Si etiâ fieri possit, exiguis motibus contendendum est ut orificium ad axim pelvis redeat, quod spontè præstabit si fundus aptam positionem recuperet. Tunc mulier, femoribus divaricatis, in illo situ obstetricari potest, hunc mutando, mutetur etiâ uterus & in priorem reducatur positionem.

Secunda species.

XXXII. (1) *Secunda species* est cum corpus uteri antrorsum incidit, quod fit in mulieribus quibus voluminosum nimis abdomen est, in iis quoque quæ licet volumine solito graventur, sese premunt, ut elegantiae studeant: denique & sæpissimè in iis apud quas recta nimis columna vertebralis, & apud quas fasciculus intestinalis directè propè columnam vertebralem adjacens uterum dejicit, juxtà tegumenta, quæ sicut ligamenta adeò laxa sunt, ut ponderi uteri resistere non possint. Licet de obliquo utero ex professo non differuerit *Moriceau*, neque ad hunc attendere visus fuerit, quædam tamen exempla suppeditat istius sitûs & inter alia uteri antrorsum supra modum obliqui [a].

(2) In præsentī specie orificium eò magis posticè versùs sacrum projectum est, eòque altiùs in quibusdam casibus ut fundus antrorsum inclinetur; tactu, visuque deprehendi potest vitium illud, quod, sicuti prædictum, partûs absolutioni obstat, cum infantulus sacri concavitatem impetit capite, ubi immotum stat, cumque contractionis vires, ossium resistentiâ franguntur. Undè fit ut frustra contendat prægnans. In hoc casu convenit mulierem dorso incubare in plano horizontali, & manibus abdomini adhibitis frictionibus, levibus quoque orificio impressis conaminibus ut alterum anticè; alterum posticè reducatur: huic ita pravo situi succurritur.

Tertia species.

XXXIII. *Tertia species* est, cum fundus uteri plùs, minùsve à perpendiculari recedens ad sinistram vertitur, & eâdem proportionē orificium ad dextram juxtà os ileum aut pubim. In hocque casu infantuli caput ossa ista impetens frangitur aliquoties, & in hoc situ permanet; aut capite superante prominentem marginem superficiei ossis ilii, ramumve pubis dextri, foetus transversè venit.

Quarta species.

XXXIV. (1) *Quarta species* est tertiæ inversa, frequentissima est, & iisdem subjacet incommodis, ac prædicta, si gravis sit. Plerique uteri conatus absumuntur partium durarum resistentiâ, multùmque ipsius parietes exindè patiuntur incommodi. Succurritur præcipiendo ut prægnans lateri incubet huic adverso, in quod obliquus incidit uterus. Sed cum seriùs animadvertitur, ut in superioribus, periclitatur infans; saltem obstetricantis ope venit extrahendus.

[a] *Observation sur la grossesse, l'accouchement des femmes, & sur leurs maladies; Observ. 18.*

(2) Ad id referri potest uteri ad dextram inclinatio frequentior, quàm ad sinistram, quòd mezentrium, cui tenuia intestina alligantur, potius ad sinistram tendat. Undè uterus ad dexteram sese componit, prætereà primis graviditatis mensibus intestinum rectum plerumque uterum cogit, ut pondere in latus dextrum feratur. — Ex vario obliquitatis uteri gradu major, minorve partûs difficultas oritur.

XXXV. Quamvis D. Deventer non primus [a] de utero obliquo locutus sit, huic tamen debemus, quòd veritatem illam quasi in lucem protulerit, aut saltem quòd indè praxi congrua eruerit. Hic denique primus ex professo de obliquo utero differuit.

DE COGNITIONIBUS ANATOMICIS RELATIVÈ AD FŒTUM.

XXXVI. (1) Sunt cognitiones ad fœtum relativæ, quas tenere non parvi obstetricantis interest. — Fœtus in utero consideratur relativè ad habitum, seu formam, vel relativè ad situm. — Talis est forma ut in ovoideam figuram conglomeretur. Hæc configuratio oritur à flexione trunci in partem anteriorem, mentum suprâ pectus jacet, femora abdomini, crura femoribus, pedes cruribus, calces clunibus, brachia partibus lateralibus & paulò anterioribus pectoris, ulnæ brachiis, manus, pugnis factis, malis hærent.

Habitus seu forma fœtus in utero.

(2) Fœtus figura sic flexi tres habet diametros, quarum prima trium longissima à capitis apice ad partem inferiorem trunci protrahitur. Secunda, media scilicet, à medio dorso ad partem superiorem crurum extenditur. Tertia demùm brevissima ab hypocondrio dextro ad sinistrum sumitur.

Ejus diametri.

XXXVII. (1) Quoad fœtus situm videtur, favente præfatâ formâ, in omnem sensum moveri posse in uteri cavo, quando visceris hujus parietes aquarum copia servavit hinc & indè ità distantes, ut nullum circumferentiæ punctum majori corpusculi diametro repagulum ponat.

Ejus situs.

(2) Plerique obstetricantes posuerunt generatim caput fœtus fundo uteri hærerè, clunes orificio, ejusque partem anteriorem abdomini; huncque servare situm, alii usque ad septimum mensem, alii usque ad octavum, alii usque ad laboris initium; quo tempore ejus inversionem fieri tuentur.

Sententia inversionis fœtus in utero.

XXXVII I. Alii numero pauciores caput fœtus niti orificio uteri putant à conceptionis initio ad usque tempus parturitionis. — Hæc sententia mihi videtur verisimilior, ut potè sanæ physicæ legibus consentanea, ex quibus corpus omne liquido immersum situm sortitur relativum ad pondus specificum partium. Porro quò minùs distat à mo-

Sententia opposita & verisimilior. — ultimæ sententia physica.

(a) Thomas Bartholinus, *Anatom.*, liv. 1. c. 23. pag. 162; Graaf *de mul. org.* c. 8. pag. 125, de utero obliquo expressis verbis locuti sunt.

mento conceptionis, eò majus est discrimen intra pondus capitis & trunci, eò idcirco declivior in uteri partem caput cedere debet. Præterea cum in majori aquarum copiâ relativè tunc natet, quàm circa partus tempus, facilius esse debet capitis diversio ad orificium uteri, initio conceptionis, quàm circa ultima gestationis tempora.

Observationes
in ejus sententiæ
gratiam.

XXXIX. In quibusdam partibus abortivis, secundo, tertiove mense, cum foetus membranis involutus prodit, in aquis natans, primo aspectu, nullum proprium situm habere videtur. Certior tamen sum, si lynceis oculis trans membranas congruè suspensas, foetus observari posset, caput ejus, ut potè pars gravissima, hærens fundo videretur. Quod confirmatur eo quod exanimis infans funiculo umbilicali in aquâ suspensus capite fundum petat.

Objectiones &
resp.

XL. Si objecerint adversarii caput foetus septimo tantum, vel octavo graviditatis mense occurrere tangendum orificio uteri. Respondeo oriri illud ex modo evolutionis uteri: ad id temporis fundus & corpus soli ferè dilatationi suppeditant, plus minusve pervicaciter resistit collum, densitatemque non exiguam servat, undè fit, ut caput foetus licet ad orificium versum ab exploranti digito longius distet, quàm ut deprehendi valeat; post septimum verò mensem apex coni quem efficit collum magis atque magis patulus evadit & caput digito, vel alia corporis infantuli pars occurrere potest.

Observ. pro utrâ-
que parte,

XLI. Si afferantur observationes, quibus constet apud quasdam mulieres ante septimum mensem caput infantuli fundo uteri jacens fuisse repertum; alias & numero plures referre fas erit, in quibus caput situm contrarium fortiebatur [a]. Ex tali discrimine sequetur tantum foetus situm aliquando variare posse; quod non magis nostram, quàm adversariorum sententiam impugnat. Illis enim sicut & nobis super est solvendum argumentum.

Obs. quibus ruit
Prima sententia,
Conclusio.

XLII. Fulciri autem potest nostra sententia experienciâ, quâ constat, partibus ante septimum, sextum, quintumve mensem advenientibus, plerumque caput infantuli primum occurrere. Itaque vel juxta adversarios, quolibet tempore admittendæ sunt foetus inversiones, aut nobiscum sentiendum, caput semper, plerumque saltem & constantissime orificio hære. — Cæterum, ut foetui ille aut iste situs æquè commodus est, minimi momenti in praxi hæc disputatio.

Conform. fœ-
tus, ejusque par-
tium dimensio-
nes.
1°. Ejus capitis.

XLIII (1). Præter formam omnimodam, situmque foetus in uteri cavo quædam observare non absolum erit relativè ad conformationem, dimensionemque quarundam ejus partium, nec non ad ejus articulos.

(2) Caput foetus modò in lucem edendi crassius est, si cum cæteris partibus conferatur, solidumque minus quàm sit reliquo vitæ tempore;

[a] Lamotte traité d'accouchements: Obs. LII. LIII. LIV.

in figuram evadit ferè conicam, sed in duplicem sensum : itàut basis duplex, apicesque gemini observentur. Prior basis facies est cujus apex pars capitis posterior : posterior basis est pars capitis collo hærens cui vertex apex est.

(3) Caput quoque considerari potest tanquam præbens figuras multas ovoideas ; facies, anterior figura ovoidea nuncupabitur, occiput posterior, vertex superior, parietalia, figuræ laterales ovatæ dicentur.

XLIV. (1). Tot quoque diametri capiti fingi possunt, quot figuræ ovoideæ ; ad quatuor tamen reduci possunt. Recta à basi cranii ad bregma, hujus levis momenti est cognitio. Secunda in longitudinem patens à facie ad posteriorem capitis partem. Tertia transversa ab aliâ parietali eminentiâ ad alteram : obliqua tandem à symphyssi menti ad verticem parùm posticè, seù ad punctum juncturæ occipitis cum parietalibus, hæcque longissima.

Capitis diametri

[2] Cum major, minorve facilitas partûs plerùmque pendeat à concordantiâ diametrorum capitis infantuli cum maternæ pelvis diametris, quantæ, ad absolutionem partuum, qui obstetricantis opem desiderant, utilitatis sit earum cognitio, patet.

XLV. Ossium capitis structura non ubiquè æqualis est. Ossa cranii non penitus ossificata futuris ; quod voluminis capitis diminutionem præstat ossium parietalium transcensu, futuræ sagittales & coronales, simul parva futura, quæ in infantulis os frontale bipartitur, in eorum juncturam spatium relinquunt membraneum quadrangulare *bregma* dictum, fontanellave anterior nuncupata, ut distinguatur ab altero spatio triangulari pariter *inossificato & membraneo*, orto à conjunctione futuræ sagittalis cum lambdoidea, cuique nomen fontanella posterior. — In quibusdam etiâ exigua duo apparent vitia ossificationis in lateribus, inferiorique parte utriusque fontanellæ.

Ossium capitis structura.

XLVI. (1). Ossa faciei vulgò majori soliditate pollent, arctiùsque secum quàm ossa cranii cohærent.

Faciei ossium connexio.

[2] Ossa trunci, extremitatumque modò magis, modò minus flexibilia, non tamen nimis eorum flexilitati confidendum ; sæpè enim, præsertim longa, ruptionis periculo exponerentur.

Annotationes circa alias partes.

[3] Notandum cunctas foetûs apophyses, epiphyses esse, caput quoque & ossium condilia, cavitatumque margines mollissimas esse cartilagineas.

[4] Quin etiâ partes cunctæ tam carneæ quàm ligamentosæ, quæ simul ossa foetûs jungunt, parùm solidæ sunt, sed multùm extensibiles.

[5]. Notandum deniquè cum in utero invertendus est foetus in partem anteriorem facile flecti posse ; in posteriorem verò nonnisi difficilè, imperfectissimè, periculosèque.

*DE SIGNIS QUÆ GRAVIDITATIS TERMINUM ET LABOREM
PARTURIENTIUM PRÆNUNTIANT.*

Signa rationalia.

XLVII. Hæc vel rationalia sunt, sensuve capiuntur. — Rationalia ex iis habentur, quæ experitur prægnans & quæ percipere potest obstetricans, vel aspectu vel sciscitationibus, ad hæc reduci possunt, 1°. Tempus, ex quo mulier catamenia non est passa, ex quo infantuli motus sentire coepit — 2°. Circà extremum graviditatis tempus, gravida corpore posterius eò magis reclinato incedit, quò uterus gravior & ad pubem declivior; idque ut gravitatis centrum in pedum basim coincidere cogat — 3°. Abdomen præcrassum ad summum pertingens sensibiliterque apud quasdam mulieres decrescens aliquot ante partum diebus — 4°. Dolores leves in posteriorem lumborum regionem tendentes, non autem in renes ut quædam dicunt. — 5°. Apud quasdam mulieres ultimo graviditatis tempore frequens & facilis est urinæ emissio, dum apud alias hæc adeò difficilis ut necesse sit uterum, uretram, collumve vesicæ prementem, digito sublevare. — 6°. Effluxus humoris glutinosi, plùs aut minùs aquarum, quæ spurixæ vulgò dicuntur. — Hæc autem signa valdè incerta sunt, concursuque dùmtaxat aliquid certitudinis asferre possunt.

D E T A C T U.

XLVIII. (1) Hæc voce audiunt obstetricantes unius, amborumve digitorum, in mulieris, puellæve vaginam immisione, detegendi causâ utrum gravida & ex quo fermè tempore, quandoque etiâ utrum morbus vaginæ incubet, &c. — Regulas tactui varias, ad varios relativè usus assignârunt obstetricantes. Hic dùmtaxat eum considerabimus quatenùs ad dignoscenda varia graviditatis tempora, terminum hujus, quæque in labore aguntur, inservit.

(2) Tactus, resupinâ vel stante muliere capitur, digitum indicem perunctum intrâ vaginam adigendo (juxtâ posteriorem, inferioremque regionem, ne jucundior clitori procreetur sensus) pollice monti veneris incumbente, medioque digito perinæum suprâ posito; indicem immisum sic pellet obstetricans ab anteriori in posteriorem partem, ferèque ab inferiori in superiorem, exiguis à dextra ad sinistram & vice-versâ motibus os tincæ quærens juxtâ coccygem fermè, semper jacentem. Attendendum est præterea ad partium durarum conformationem, præsentemque mollium statum.

DE SIGNIS QUÆ TACTU CAPIUNTUR.

Signa sensibilia.

XLIX. (1) Notandum 1°. Utrum vaginæ parietes sint turgidæ, co-

sires

teris enim paribus, eò magis tumefactæ ac glutinosæ sunt, quò proximior partus instat. 2º. Digitum promovendo ad usque uteri orificium, attendendum est utrùm os tinæ omninò obtusum sit, plùs, minùsve patulum, an limbi orificii leves aut magis densi, & plus, minùsve pressioni facilè cedant: notando tamen orificium sæpè magis patulum & crassum esse in muliere pluries enixâ quàm in primùm gravidâ.

(2) Hinc in primo partu orificium facilè cedens pressioni, si limbi leves, sed molles facilè dilatentur; si plus minùsve pertractentur membranæ, conjecturam licet inferre enixuram fore mulierem octo ante dies, quod sæpè quintum, quartumve antevertit. Si apud mulierem jam pluries utero gravatam orificium non externum solum, sed internum quoque æquè patulum inveniatur, ità ut immissionem digiti permittat, si occurrant membranæ, limbique licèt crassi, ubique pari ratione cedant, prænuntiare potest obstetricans paucos intra dies mulierem enixuram.

L. (1) Sæpè fit in primo partu prægnantem dolores experiri priùs quàm orificium intromissioni digiti pateat. Tunc verò limbi adeò leves ut spontè ferè dilatentur, undè nullâ habitâ ratione dilatationis, partus proximus declarari potest. In quibusdam tandem graviditatibus orificium satis dilatatum est, ut digito membranas occurrere finat, quamvis à quintâ decima die ad exactum mensem partus remittatur. Quamobrem tanquam axioma in arte obstetriciâ posuit *Manningham* his verbis. *Apertis oris uteri mulieris gravida non semper parturitionis est signum certum: nonnunquam enim orificium adeò patefactum in quibusdam invenitur ut digitum inferri finat mensem ante partum [a].* Ne falsum circa graviditatis terminum judicium ferat; concursus etiàm rationalium signorum tunc desideratur.

Varietas signorum sensibilium.

(2) Tactu rarò utendum initio veri laboris; moderatè in progressu & infrequentissimè vel minimè circa terminum, cum omnia benè se habent, & cum mulier jam enixa est, & præcipuè in casu quoque sanguinis ejectionis, ante terminum non adhibendus est tactus, ne laborem excitet.

Annotationes generales relative ad tactum.

DE SIGNIS QUÆ INCEPTUM LABOREM DESIGNANT ET DE IIS QUÆ PERACTUM INDICANT.

LI. (1) Initio veri laboris observatur ad exiguos dolores quos mulier instante labore experiebatur, acerbiores accedere in coxas, pubem, quandoque femora tendentes. Mulier primùm de pondere aliquo sedem premente queritur, effluxus glutinosi crescunt, plerumque sanguine tinguntur, quod vulgò gallico sermone (*la femme marque*) de-

Signa incuntis laboris.

[a] *Ant. obstetr. compend.*

signatur. Hâc tempestate limbi oris tincæ densiores, solidioresque tactu deprehenduntur; ejus orificium minùs patulum & in altum, retrorsumque magis tendens.

Decursus laboris
signa.

(2) Secundo tempore, sive durante labore, dolores vehementer augentur, aliique ad alios accedunt, pulsus altior apprehenditur, facies rubeo suffusa colore, interdum leves præcipuè in femoribus tremefactiones, gravis æstus in corpore, qui in uvorem ubique mox desinit. Cs tincæ penitus deforme tactu capitur, plerumque partem uteri posteriorem in quam ascenderat, deferens ut locum suum iterum, sese magis ac magis dilatando, occupet.

De aquarum formatione & membranarum rump-
turâ.

LII. (1) Tunc, vel serius, pars membranarum orificii vicinior illud procedit singulo doloris stimulo cum majori, minorive aquarum copiâ, simulque eminentiam in vaginâ constituunt, cum illud signum abest, veritati laboris non adhibenda fides; argumentum saltem est aquas ante tempus effluxisse, vel minimam esse earum copiam, quod difficilis partûs metum inducere debet.

(2) Tandem cum dolores vividiores, acutiores, diuturniores & frequentiores fiunt, prægnansque quasi acta, his conatur uti potentiis contrahendo scilicet validè musculos abdominales, ut tandem capacitas abdominalis minuatur. Tunc finis laboris parturitii adesse intelligi potest.

(3) Orificii tunc dilatatione majoris nummi argentei circumferentiam superante, vividissimo doloris acu rumpuntur membranæ & aquæ effluunt. Recreatur mater, quieteque eò longiori potitur, quò cæteris paribus, major, minorve in utero erat aquarum copia. Insequenti verò doloris stimulo caput foetus progreditur, orificium uteri magis ac magis dilatatur, omnesque vaginæ partes huic excipiendò præstò sunt.

Signa desinentis
laboris.

LIII. (1) Si tunc nihil laboris legibus obstat, intra brevissimum tempus partus absolvitur; si verò caput ruptis membranis non extrà vulvam promineat, plerumque quædam aquarum copia interdum ante & post singulum doloris stimulum elabatur.

(2) Effluxis aquis, caput dilabatur, gravatque plus minùsve sedem: ita ut parturiens ventre levare credat necesse. Quantulocumque tempore caput moretur, parietalia in se parum transcendunt.

(3) Vomitus quandoque occurrentes, levisque tremores, faustum omen portendunt, partûsque terminum mox adfuturum. — Postquam de signis, quæ terminum graviditatis, instantem laborem, variosque ejus status declarant, differuimus, agendum nunc de illis quæ laborem parturitium discernunt à spurio qui longiori breviorive ante graviditatis terminum tempore oritur.

DE LABORE SPURIO.

LIV. Hâc voce designantur dolores, qui gravidam in utero, lum-

bis, vesicâ, intestinis, stomacho, cæterisque partibus abdominis torquent; etiâ si non adsit, vel non tunc præcisè adfuturus sit partus, sed qui laborem tamen determinare possunt, nisi caveatur: mater, prolesque periclitantur, si obstetricans pro labore parturitio habeat dolores spurios interdum excitatos à quibusdam causis accidentalibus partûs de quibus infra, sæpius verò immediatè à plethorâ, flatibus, pravisque succis in stomacho degentibus, colicâ aut ventris fluxu, dysenteriâ vel tenesmo, sive etiâ ab inflammatione in quibusdam abdominis visceribus procreatos.

DE SIGNIS QUIBUS LABOR PARTURITIUS A SPURIO DISTINGUITUR.

LV. (1) Labor spurius tempore graviditatis magis, minusve pro-
vecto proferre sese potest: hujus autem graviditatis terminus habetur
ex signis suprâ allatis. Cum igitur obstetricans accersitus ad laboran-
tem, omnia aut saltem maximam signorum horum partem non de-
prehenderit, laborem spurium præsumere potest.

(2) Absentibus signis graviditatis terminum denotantibus, addi
possunt alia præsentia, tum rationalia, tum tactu capienda.
1°. Notitia variorum accidentium quæ laborem antecessere. 2°. Natu-
ra & species dolorum qui gravidam angunt. 3°. Variorum symptomata
morborum, ex quibus sæpè oriri spurium laborem prædiximus, toti-
dem signa rationalia sunt, de quibus inquire decet.

Signa spurii labo-
ris affirmativa.

LVI. (1) Varia accidentia, quæ laborem præcessere, obstetricanti nota
sint necesse est, non solum ut judicium de laboris naturâ ferat, sed etiâ
ut quantum in ipso est, ei succurrat; idque eò magis, minusve facile
præstabit, quò plûs, minusve grave fuerit accidens, major, minorve
ejus impressio, graviditas quoque magis minusve protracta.

Varia accidentia.

(2) Naturâ & specie dolorum, quibus angitur mulier, labor spu-
rius à labore parturitio discerni potest. Spurii nonnunquam constantes
sunt, plerumque continui; nullo intervallo (constanti saltem) dis-
juncti, ferèque semper mala quâdam affectione comitanti. Quique
prætereà à se invicem singulari quâdam notâ differunt: qui à colicâ
procreantur, his medemur, vel saltem levantur linteolis calefactis ad
ventrem adhibitis, interiori olei amygdalini usu, venarum sectione,
clysmatibus emollientibus: hæc contra omnia laborem excitant partu-
ritium. Qui ab aëre in tubâ intestinali hospitante oriuntur, vagi sunt
& flatibus ore vel ano editis levantur. Qui ab inflammatione non so-
lum continui sunt, sed etiâ parti affectæ hærentes, dum laboris par-
turitii dolores alterni sunt, progressionem crescente, cunctique in uterum
tendentes.

Dolorum natura.

Morborum sympto-
mata.

(3) Spurius tandem labor à quodam morbo procreatus, variis huius symptomatibus dignoscitur. Altus, plenusque pulsus, capitis pondus, tinnitus aurium, membrorum torpor, faciei, oculorumque vividus color, à plethorâ provenire designant laborem ante terminum accidens. — Borborigmi stomacho orti, flatus ex ore, anove prodeuntes, indicant dolores, quos suspicari licet, ab aëre in tubo intestinali degente, procreari. — Ructus verò nunc acidi, nunc nidorosi, putridive, eos à pravis succis in primis viis hospitantibus oriri denotant. — Acuti in abdomine dolores plūs, minūsvē patentes, plūs minūsvē stabiles, sæpē vagi, quēis sæpē constrictionis sensus adjungitur simul cum cæteris symptomatibus variis colicæ speciebus idoneis, spurium laborem nuntiant. — Materiarum dejectio fluidarum à fluxu ventris, commixtio sanguinis cum fecalibus à dysenteria, frequens ventris evacuationis sollicitatio à tenesmo, spurios procreari dolores denotant.

Signa affirmati-
va quandò certa.

LVII. Signa ista rationalia satis per se ambigua sunt (saltem pleraque); quia labori vero adjungi possunt, ferè certa evadunt, cum absunt signa, quæ graviditatis terminum, instantemque laborem parturitium prænuntiant. — Obstetricanti verò nullus dubitandi locus remanet cum gravidam tangens ut de signis sensibilibus parturitii laboris (S. XLIX.) certior fiat, ipsis adversa capit; idest cum vaginæ parietes nec glutinosos reperit, orificium externum penitus clausum, aut saltem internum in jam enixis mulieribus & etiā si parum patulum sit; si tamen membranæ laxæ, mollesque sint, stimulante dolore; si orificii parietes duri & crassi pressioni difficilè cedant; si denique nullus fuerit effluxus humoris glutinosi, laborem spurium rectè pronuntiare potest & quacumque viâ comprimendus est.

Spurii laboris in-
dicatio curatoria.

LVIII. Indicationi quæ magis urget primùm succurrere decet (ratione tamen habitâ causæ & naturæ dolorum spuriorum), enitque ut dolores desinant laborque spurius cedat; quod venarum sectione præstabit obstetricans, clysmatibus emollientibus interdum si casus postulet plūs, minūsvē *sedantibus*, pituitanis lenitivis & diluentibus, præcipuè quietem & accubationem gravidæ inspirando. Denique conferendo curationem spurii laboris cum curatione singulari morbi antecedentis qui hunc procreavit, sequè juxta temperamentum & circumstantias gerens, talibus facilè laborem spurium placabit.

DE PARTUS MECHANISMO.

LVIII. (1) Explicatio huius phænomeni multis hypothesebus occasionem præbuit, quarum pleræque ab imaginatione potius ortæ, quàm veritati consentaneæ sunt. Hic meam tantum sententiam dicturus, non eas referendas puto, multò minùs de iis differendum. Cl. Petit fusè illas impugnat

impugnat ubi de mechanis. & caus. pag. 29. ad 49. inclusivè [a].

(2) In duas igitur classes partûs causas distinguendas esse censeo, Causarum partûs distinctio.
accidentales nempe, naturalesque sive ordinarias.

(3) Accidentalium nomine intelligo varios morbos, quibus angi potest Causæ accidentales.
prægnans, nimiam lassitudinem, debilitatem, exinanitionem, mœrores, animi pathemata, ictus, prolapsus, violenta remedia, aliasque impro-
visas causas quæ partum ante tempus promovent, quæque idoneis re-
mediis levandæ sunt.

LX. (1) Causæ ordinariæ, de quibus hîc agitur, dividi, ut opinor, Causæ ordinariæ.
possunt in determinantes, efficientes, auxiliareque scilicet opus Chi-
rurgicum.

(2) Fœtus perfectionem assecutus prima est causa partûs, sive pon- Causæ ordinariæ determinantes.
dere & motibus plûs minûsve uterum irritando, sive, ut quidam cen-
sent, ratione molis & ponderis id solùm præstet. Fœtus animati
extinctæ matris utero egressi, vel causâ delapsûs uteri inertis editi,
priorem sententiam adstruunt. Expulsio fœtûum exanimatorum, mo-
larum, &c., posteriorem confirmare videntur. Celeb. Petit qui motus
infantuli impares putat excitandis uteri contractionibus, & qui nullam
aliam admittit causam præter uteri irritationem, cûm graviditas ter-
minum attingit, mihi posteriorem sententiam ferè amplecti videtur,
cûm mole dûmtaxat nimis distenduntur fibræ spirales contractilef-
que, quibus indui censet collum, corpusque uteri, quæ nimia disten-
tio contractiones excitat per quas expellitur fœtus.

(3) Nos verò censemus fœtus viventes posse motibus suis laborem
determinare quoties irritabunt uterum. Censemus quoque id non parùm
præstare posse mole, pondereque uterum fatigando, cujus exten-
sio certos inter limites hæret, quos prætergredi non potest, nisi do-
lorem visceri huic pariat primæ contractionis causam.

LXI. (1) Modus evolutionis uteri causa est etiã constantissima par- Modus evolu-
tionis uteri par-
tum determinans.
tum determinans. Oritur hæc à fundo, medium circà graviditatis tem-
pus, protrahi incipit corpus, magisque ac magis pergit. Tandem col-
lum, quod usque ad septimum mensem successivè longius, crassius,
molliusque evaserat, restringitur: dûmque magis ac magis patet, ut
ultimis temporibus, incrementum utero præstet, paulatim desinit circà
extremum gestationis tempus, præbens tantùm circulum plûs, minûsve
crassum uterino corpori hærentem.

(2) Uterus ad summum dilatatus, ut fœtum & attinentia capiat, in
parte inferiori vacuum relinquit, eò majus quò generalis major exten-
sio: vacuum illud infantuli pondus sustinendo impar aperitur, latius-

[a] In oper. gall. jàm cit. cui titulus. Consultations en faveur des
naissances tardives.

que patet, Pars illa inferior demittitur, hincque uteri fundus coarctatur. — Uterus hoc eodem tempore (fessus sive motibus, sive mole aut pondere foetus, sive quia ultra patere nequeunt fibrae à Di Petit admissae). Ad contractionem tendit, eoque facilius, quò fundus ultima colli dilatatione levatus plus minusve progressus est, quod ad contractionem illum idoneum praestat.

Causae ordinariae
efficientes.

LXII. (1) Labor parturitiis producitur à quibusdam potentiis, quarum aliae ex supra dicta causa ortae, ab obstetricantibus dicuntur contractiones uterinae, & à vulgo dolores. Aliae, quas quodam modo determinant priorum stimuli, sunt contractio musculorum abdominalium, & gravidæ inspiratio ad coarctationem tendentis.

Priores causae
efficientes.

(2) Contractiones uterinae sunt series actionum hujus visceris: actiones illae brevissimae sunt, sed frequentissimae, inter se distantes majori, minorive intervallo: illarum vis major minorve est relativè ad varios status laboris. Variat etiam earum virium gradus ratione regionis uteri in quam agunt: initio laboris contractiones uterinae non valde agunt; earum vis sensim crescit, & extremum circa tempus adeò validae sunt, ut vulgò absolutionem partus praestent.

(3) Partes uterinae non omnes pariter in contractionem tendunt, corpus hujus visceris validius coarctatur; fundus verò minus, (initio contractioni generali resistit, tantum, & circa medium laborem, actionis contractivae consors); collum & orificium aliarum licet partium vi cedant, attamen plus minusve, initio praesertim resistunt, itaut dici possit, omnes uteri partes coarctari, sed in vario gradu: undè fit ut pars fortior superet debiliorem, alioquin si pariter cuncta uteri puncta resisterent in contractionis generalis instanti, foetus in lucem non ederetur, nisi lacerato utero, corpus aliquodve infantuli membrum in cavitatem abdominalem delaberetur.

Posteriores cau-
sae efficientes.

LXIII. (1) Dolor à contractione ortus praegnantem impellit ad utendum potentiis quae partum adjuvant, quas contractionem musculorum abdominalium, matrisque inspirationem praediximus; absque consilio, inattentaque muliere, his potentiis aliquandò utitur. Una simulque istae agunt, & ferè aequaliter, nec earum variat natura; absoluto enim partu, in eodem statu perseverant.

(2) Sunt casus in quibus, utero inerti, obstetricantes ultrò contractiones excitant, digitum ligamentis sacro-ischiatricis inferendo. In his casibus praestit dolor, praegnantemque inducit ad potentiis utendum auxiliaribus, sive ad musculos abdominales contrahendos, quod gallicè dicunt *Pousser*; ultimò tandem uteri contractio agit.

DE AGENDI MODO ORDINARIARUM PARTUS CAUSARUM EFFICIENTIUM IN CASIBUS NATURALIBUS.

LXIV. (1) Ex iis quae supra diximus de evolutione uteri, patet ori-

ficium & collum per totum graviditatis tempus corpori & fundo hujus organi esse adversaria: contra verò tempore laboris, corpus, fundusque (ratione superius allatâ minùs distenta & ad contractiones magis idonea), rùm adversantur collo & orificio, quorum vis gradatim minuitur ratione dilatationis quam patiuntur.

(2) Primo igitur instanti, quo uterus primo dilatationis colli gradu parùm levatur, eâ proportionè coarctatur, foetum & attinentia expellit, juxtâ regionem uteri minùs resistentem, id est juxtâ orificium (quod licet coarctetur instanti contractionis generalis, multò minùs tamen agit, quàm corpus & fundus, meramque ferè, tunc tantùm præbet resistentiam) orificium huic contractioni iterùm cedens, novâ dilatatione vacuum auget circa fundum.

(3) Hoc vacuum magis ac magis fibras fundi & corporis agere finit in corpora inclusa, ad ea juxtâ viam minùs resistentem pellenda. Hâc viâ iterùm sedente, novæ oriuntur contractiones, validiores magis ac magis evadentes, & eo minori intervallo à se distantes, quò vicinior partus. Musculares uteri fibræ quiete hâc novas vires recuperant, quibus acriùs in latus resistens agunt, itaut post iteratos conatus sufficienter dilatatur orificium, ut percipi possint membranæ aquis tensæ, & distinguatur situs infantuli cessante dolore.

LXV. (1) Progressus dilatationis orificii eò celeriores sunt, quò partus propius ad terminum accedit. Orificio pressò undique; hinc pondere infantuli & aquarum quæ adhuc in membranis inclusæ in ipsum botuli in modum delapsæ sunt, & cunei partes gerunt; indè utero (fundus cujus eò validior evasit, quò debilius orificium), majori circumferentiæ parte, infantulum pullante, dimidiâ horâ proles longius incedere debet, quàm antè intrâ duas horas.

Dilatationis progressus.

(2) Sic, cæteris paribus, longius tempus, pluresque dolores requiruntur ad orificium juxtâ nummi argentei minoris circumferentiam dilatandum, quàm requirantur ut ab hoc dilatationis gradu, ad illum gallicè *couronnement* dictum. Tunc denique dolores validissimi deprehenduntur, nec non signa desinentis laboris, de quibus infra agemus; tunc vi contractionum dilacerantur membranæ, si nondùm ruptæ fuerint.

LXVI. (1). Quidam de positione capitis foetus suprà aperturam superiorem, per ejusdem intrâ inferiorem aperturam situm dijudicantes, indistinctè afferuerunt optimum esse illum situm, quo facies directè retrorsum posita est. Affirmare nos è contra non dubitamus positionem hanc suprà aperturam superiorem, nedàm optima sit, maximè noxiam esse; sed admodum rarò accidit, ut infra dicendis patebit. Illud fortè eos in errorem induxit, quod caput reapsè vulvæ occurrit, facie retrorsum versâ, in plurimis & faustissimis casibus; minimè autem indè probatur hoc in pelvis parvæ excavationem in hunc modum descendisse.

Capitis positio suprà aperturam superiorem.

(2) Projectura enim rotunda, quam præstat junctura columnæ vertebralis cum osse sacro non solum minuit, ut supra dictum est, diametrum anteriorem superioris aperturæ, sed etiam caput infantuli circumlatum quoque excipiendo, in hoc vel illud latus repellit juxta uteri obliquitatem. Hocque experientiâ confirmatur, si enim digitus caput assequatur, situs ejus in hunc modum, plerumque deprehenditur. Hinc caput diametrum obliquam attingens facilius in parvæ pelvis excavationem labitur.

DE PROGRESSU CAPITIS.

Caput in excavatione ejusque exitus.

LXVII. (1). Corona capitis juxta inferiorem partem ischiorum pellitur, frons versùs partem superiorem ejusdem ossis jacet, & per quartam inversionis partem facies in concavitatem ossis sacri pellitur, dum vertex, occiputque infra symphysin pubis aguntur, dilatando continuo & sensim orificium externum. Furcilla, perinæum, sedes, partesque cunctæ quæ intra illam & os sacrum interjacent, exterius tum distenduntur in modum largi tumoris, retrorsum coccyx repellitur, & interea corona capitis, seu regio, ubi futura lambdoïdea trajicit extremam futuræ sagittalis partem, continuo labitur, magis ac magis dilatando orificium.

[2]. Cum caput attigit punctum quo scilicet pars colli posterior pubis arcum subit, frons pellit coccygem, sedem & perinæum retrorsum & deorsum; tunc posterior capitis pars sese pubi subducit, & simul per quartam inversionis partem, frons pariter se à partibus extricat quibus pretebatur. — Hæc quartâ inversionis parte ad dextrum sinistrumve femur prægnantis, parum tamen obliquè inversâ facie, maxima humerorum diameter necessario ad obliquam pelvis diametrum respondet, quam diximus maximam esse in pelvi carne non denudatâ. Porro dum caput prædictum pergit iter, seseque à vulvâ extricat, humeri in obliquum siti facile in pelvis parvæ cavitatem descendunt. Humeri in pelvim parvam lapsi confestim sese produnt, cæteræque mox partes eduntur.

DE SECUNDINARUM EXPULSIONE.

Expulsionis secundinarum mechanismus.

LXVIII. [1] Statim ut infantulus in lucem prodiit, collum uteri & orificium quæ multò minùs distenta & breviori tempore passiva cæteris partibus remansere, corpori & fundo superiora mox evadunt, celerius scilicet vires recuperant, primaque coarctantur. Notandum tamen hîc illorum contractionem [in plerisque saltem casibus] non ad hunc evehi gradum, quem quidam obstetricantes adstruunt.

(2) Longius, breviusve post tempus, corpus fundusque uteri, rursum collum orificiumque superant ad secundinas expellendas, quæ plus, minusve celeriter sine sensu eyelluntur novis contractionibus uterinis.

vinis quas excitant; placenta penitus deglutinata versùs orificium pellitur, quod facilè cedit, indèque in vaginam. Cum placenta & attinentia ex utero prodière, fundus, corpus & orificium vires coadunant, simulque provocant liquorum, qui parietes ipsorum ingurgitant, effluxum.

LXIX. A majori, minorive liquorum resistentiâ, plus minùsve acuti oriuntur dolores, tormina uterina dicti. Intereà contractiones in cuncta uteri puncta agentes in his casibus penitus orificium occudunt; undè fit ut nihil perseverante dolore prodeat — Si liquores vasibus uteri inhaerentes facilè cedant contractioni ipsas exprimenti, nullo laborat dolore puerpera, faustèque liberata dici potest. Sed si corpus extraneum post placentæ extractionem in utero remaneat, novus exoritur labor, exiguus tamen, qui perseverat donec corpus extraneum penitus expulsum sit. — Illæ sunt partus causæ, illa agendi ratio earum, illa via, quâ proles in lucem editur.

PARS SECUNDA.

DE AUXILIIS ERGA PARTURIENTES.

RELATIVE AD VARIAS PARTUS SPECIES.

PARTUUM DIVISIO.

LXX. **P**ARTUS de quo hucusque generatim diximus, cum vario absolvatur modò, variè etiàm diversum juxtà exitum consideratur. — *Hippocrates* & ferè omnes qui post parentem hunc Medicinæ ad usque decimum quintum sæculum scripsère, duplex partuum genus statuère, *naturalium* nempe, si infantuli caput aut clunes occurrant. — Aliorum *contra-naturalium*, si quælibet alia corporis pars sese objiciat. Etiam si veteres tertiam partuum speciem expressè non agnovissent, experientia tamen praxi eruitur, ab ipsis distingui casus qui opem chirurgicam exposcant. — Recentiores obstetricantes qui scripsère, varium quique partuum ordinem statuère juxtà modum, quo partum circumspiciant. Hoc tamen discrimen non ultrà quasdam distinctiones & subdivisiones progreditur, quas aliquot epithetis insigniè, ut *partus naturalis, facilis, difficilis, operosus, contra-naturalis*.

LXXI. Cum divisiones ex sese satis arbitrariæ sint, tantumque ad levandam memoriam inserviant, quilibet Scriptor, ut jam diximus, eas

Divisiones
Auctorum.

Divisionum
propositum.

ideis suis accommodatas parit. D. Solayrès cel. hujus Universitatis Doctor, privatusque artis obstetriciæ professor Parisiis, methodum dividendorum partuum tradidit. Cujus ope omnes casus quicumque facile menti occurrerent. Botanicorum Igitur methodum jam ad morbos à D. de Sauvages traductam ad partum transtulit. Licet præsumptâ opinione aut libidine insimulandus sim, utpotè Alumnus familiarisque D. Solayrès, Non possum tamen quin asseram illius solam mihi inter Authorum divisiones caput efferre videri, ut canit Latinorum Poëtarum Princeps.

Quantum lenta solent, inter viburnæ cupressi.

Cum igitur hanc tenere decreverim, eam paucis exponam.

Divisio
Solayreana,

LXXII. (1). In hac methodo præcipuæ divisiones ordinantur ratione cujusdam characteris, quem ex causâ efficiente inducunt partus. Ut verò nullus est qui absolvi nequeat Primò, aut solis parturientis viribus. Secundò, aut obstetricantis manu cum vel absque maternis viribus. Terriò, aut solum obstetricantis manu sed etiam instrumento, & quidem præsentibus vel absentibus prægnantis viribus; ideò in tres classes spontè dividendi veniunt partus pro absolutionis varietate.

(2) Prima partus omnes comprehendet quibus character communis inerit absolvi solis parturientis viribus. — Secunda, partus qui cum vel absque parturientis viribus manum obstetricantis exposcent. — Tertia, partus qui manum obstetricantis instrumento armatam, præsentibus vel absentibus parturientis viribus, desiderabunt.

CLASSIS PRIMA.

*Partus solis maternis viribus naturales juxta plurimos;
faciles juxta nonnullos.*

LXXIII. (1). Partus hujusce classis in duos ordines dividuntur, ratione temporis quo labor perseverat. Prior partus omnes comprehendit absolutos intra spatium viginti quatuor horarum. Hi propriè dicti naturales partus sunt D. de la Motte. Posterior verò complectitur partus, quorum longius in tempus perducitur absolutio. Hi contra-naturales partus sunt D. de la Motte, difficiles quorundam, operosi D. Dionis. — Uterque ordo qui, sepositâ temporis ratione, in praxi unus & idem est, quatuor genera comprehendit, pro regionibus quibus infans uteri orificio advertit, cum propriis viribus mulier sese exonerat.

(2) In primo genere superius ovatum occurrentis capitis ponitur.

In secundo, pedes.

In tertio, genua.

In quarto, clunes.

(3) Diligens licet obstetricans naturæ postrema partuum genera permittere non debeat; cum tamen non solum possibile sit, sed etiam con-

tigerit, ut matres propriis viribus infantulos enixæ sint partes has protendentes, idcirco isti classi adscribendi partus hujusmodi visi sunt, ut autem plerumque manum obstetricantis desiderant, de iis in secundâ classe differemus, etiamque in tertiâ cum, non sufficiente manu, instrumenta requirunt.

LXXIV. [1] Genera in species distribuuntur quæ ratione situs peculiaris regionis, quam orificio advertit infans, statuuntur. Hi situs ad sex reducuntur quoad primum genus: quoad cætera ad quatuor, quibuscumque aliis sitibus ad prædictos redeuntibus.

[2] Varietatum nomine donantur multiplices acerbi casus qui species interdum complicant, ut morbi tam chronici quam acuti, quibus mater, vel infans, aut aliquoties uterque laborat; hæmorrhagiæ, motus convulsivi, funiculi, & brachii foetus præsentia, &c.

(3) Primum genus de quo hic duntaxat agetur (cum tria posteriora ad secundam classem remittamus) his dignoscitur characteribus, tumore scilicet duro & crasso, lineis & spatio plus, minusve extensis, minusque cæterâ superficie duris, distincto. Sicut respectivæ sex positiones, quas ovatum capitis superius fortiri potest ad superiorem aperturam pertingens, non idoneæ pariter sunt, ut partus solis maternis viribus absolvatur; necesse est ut diligens obstetricans eas maturè percipiat, ne vanâ spe illudatur, & etiam ut eo quo in secundâ classe dicemus, modo minus idoneis succurrere possit. — Præter hujus characteres generis, quælibet species propriis gaudet quibus dignoscitur cum uteri orificium satis patulum est, satis tennes membranæ, aut potius etiam ruptis membranis & aquis effluxis.

Primum genus.

LXXV. (1) In prima specie occiput situm est ad symphysim pubis, protuberantiæ frontis ad superiorem ossis sacri partem, futuraque sagittalis secundum directionem diametri anterioris aperturæ superioris. Infrequentissimus est talis situs, nec in uno ex centum partibus occurrit. Pendet illud à convexitate vertebralis columnæ, cui convexum pariter caput immorari nequit, & in aliud deflectitur latus.

Prima species.

[2] Secunda species primæ inversa est & non minus rarò contingit, tum prædictâ ratione, tum quod sæpissimè facies infantuli anterior posticè advertat. In utroque situ, præsertim in secundo omnium pessimo, propriis solis viribus sese exonerare non potest mulier, nisi valdè amplâ fruatur pelvi aut infantuli sit caput tenuissimum: sicuti autem possibile est occurrere alterutram conditionem, hanc in primâ classe poni posse existimatum est. Species illæ de quibus, ut de quartâ, quintâ & sextâ, interdum que de tertiâ, in secundâ, tertiâ etiam classe agetur, cum ad absolvendum partum manus non sufficiet.

Secunda species.

LXXVI. (1). In tertiâ specie futura sagittalis directionem sequitur diametri obliquæ aperturæ superioris, occipite seu fontanellâ posteriori superiorique versùs cavitatem cotiloideam lævam positus, & fontanellâ

Tertia species.

anteriori superiorique simul & protuberantiis frontalibus versùs juncturam ossis sacri cum osse innominato ad dextram constitutis; situs hic frequentissimus omniumque aptissimus, ex centum enim partibus nonagies occurrit. Ut in hac positione per quartam inversionis partem, de quâ suprâ diximus, facies retrorsum in pelvis excavatione obvertitur; pluri obstericantes existimaverant caput sic versum per aperturam superiorem delabi. Hanc positionem à primâ non secernebant, quæ non minùs rara est quàm hæc communis. De hac specie diximus, ubi de progressu capitis infantuli in partu solito (LXVI I) non ergò iterum de hac differemus.

Quarta species.

(2) Quarta species tertiæ inversa minùs idonea & admodum rarò contingit; primum fit ex eo quòd intestinum rectum ad dextram positum impediat capitis æquè facilem quartam inversionis partem, quæ requiritur ut facies in ossis sacri cavitatem incedat, aut etiàm quòd si caput vertatur, faciem in altum urgere possit, eamque in secundam positionem pellere. Secundum oritur ex eo quòd obliquitas fundi uteri ad lævam, quâ positio hæc determinatur, admodum rara sit.

Quinta species.

LXXVII. (1) In quintâ specie, futura sagittalis sequitur directionem obliquæ diametri superioris aperturæ. Fontanella posterior superiorque versùs cavitatem cotiloideam dextram constituitur, protuberantiis frontalibus juxtâ juncturam ossis sacri cum ileo sinistro positis. Rarò hæc advenit, ex centum enim partibus v. g. decem in hac positione occurrunt. Facies multò difficiliùs à dextrâ ad lævam, quàm à lævâ ad dextram in tertiâ vertitur. Id etiam oritur ex recto ipsius progressum morante & ipsam in quartâ retinente; nisi per quartam inversionis partem ad posituram secundam deveniat, quod quidè à charybde in scyllam.

Sexta species.

(2) Sexta quintæ inversa multum rara & noxia est; minùs tamen quàm ambæ superiores, cum rectum in hoc casu obstare non possit, quominùs facies ad concavitatem sacri accedat; sed ut valdè vicina est arcui pubis, metuendum est ne hunc subeat & sese ad secundam conferat positionem, tunc enim perineum sciinditur.

**DE PERAGENDIS IN PARTU SOLIS VIRIBUS
MATERNIS ABSOLUTO.**

Primò faciendâ.

LXXVIII. (1) Etiàm si hîc mater propriis viribus se exoneret, obstetricantis tamen opera supervacanea non est censenda. Quare accersitus ut opem prægnanti ferat, ubi quæsierit utrùm mulier jam enixa sit, an primâ vice paritura; perpendere debet an verus, spuriusve sit labor; utrùm mox sese exoneratura sit: an verò labor diù perseveraturus, quod ex signis jam relatis (LI. LII. LIII.) dignoscet. Tactu etiàm de infantuli situ disquiret, ut judicet utrùm partus solis maternis viribus absolvi possit;

possit ; quod indè inferet si primum genus & præcipuè tertiam positionem (LXXVI.) deprehendat.

(2) Quamcumque autem prognosim statuatur , nihil infaustum parturienti pronuntiet , sententiam tamen parentibus & iis , quorum interest , denudet , quidquid optimum se acturum promittat : nunquam verò aliquid de eventu spondeat.

(3) Si labor verus , urgensque appareat , obstetricans tùm sibi , tùm parturienti , tùm puero per laborem necessaria parari diligenter curabit , aquam v. g. , vinum , acetum , aliquid unctuosum , aut fortem quamdam seminis mucilaginosi decoctionem , linteorum siccorum calidiorumque sufficientem copiam , quæcumque tandem ad funiculi scissionem & ligaturam prærequirenda sunt.

LXXIX. Invigilabit etiàm obstetricans sine morâ sterni lectulum prægnanti mulieri , obstetricanti & ministrantibus commodum ; pro variis regionibus diversimodè lectuli illi parantur. — Quidam Angli obstetricantes in naturalibus facilibusque partibus lectulos præcipiunt ità componi ut horizontaliter suprà latus incubet prægnans , tergo ipsis obverso. — Germani & Batavi plurimùm jactant commendantque sellam quamdam à *Deventer* (a) & *Heister* (b) descriptam. — In quibusdam locis mulieres sedi semicirculari imponuntur : alibi suprà alteriùs feminae genua collocantur. Illic pulvinari subjecto genibus inniti jubentur. In Galliâ plerumque sternitur lectulus ità ut suprà planum inclinatum parturiens jaceat , lumbos , dorsum , humeros , caputque gradatim altiora habeat clunibus & partibus inferioribus. — Postremus hic modus optimus mihi quidem videtur non autem omnibus æquè congruit casibus. Ratio itaque habenda est circumstantiarum sive ad lectuli , sive ad situm prægnantis ordinationem.

Lectuli parturientium

LXXX. (1) Si tactu obstetricans orificium uteri directè centro inferioris pelvis respondens deprehendat , manuque exteriùs hujus visceris fundum rectum , aut vix ad dextram inclinatum sentiat , lectum ità sterni præcipiet , ut mulier suprà planum inclinatum incubet , quia tunc pelvis multum ad horizontalem situm accedit , infantulique pondus orificio uteri magis incumbit , quòd etiàm in hoc situ musculares vires intensius agant.

Notæ de modo sternendi lectuli.

(2) Si verò orificium valdè posterius sit , uterique fundus admodum obliquus anticè , sic lectulum extrui jubebit , ut dorso horizontaliter posita jaceat , & uteri fundus ad lineam rectam admoveatur.

(3) In utroque casu uti licebit communi thoro vel grabato lecto sub-
tento loris , cui superimponetur culcita facta gossipii lanugine aut lanâ , ad munditiem majori minorive linteorum copiâ cooperta , sed præfer-

(a) *Operat. Chirur. novum lumen exhibentium obstetricantibus cap. XXVI.*

(b) *Instit. Chirur. pars II. sect. V. cap. CLIII. tab. XXXIII. fig. 14.*

cum in ceratâ telâ aut saltem oleo inunctâ, quâ parte prægnantis sedes innitetur. In priori casu prætereâ curabitur ut pars culcitæ superior fulcimentis sublevetur, fellis v. g. inversis, pulvinaribus insuper capiti prægnantis suppositis.

Cautelæ dieteticæ.

LXXXI. (1) Intereâ parturiens attentam obstetricantis opem exposcit. Nedum ineunte labore peculiaris ei situs injungatur, ne quidem in cubiculo eam manere præcipietur, sed quantum aliundè prudentia feret, ab alio in aliud ambulandi licentia dabitur. D. *White* (a) obstetricans Anglus meritò jubet ut, perseverante labore, mulier liberrimam auram ducat, ostium fenestraq. pandantur æstivo tempore, sat diligentem curam nunquam adhibendam esse putat, ut cubiculi purior servetur aër, præcaveaturque ne nimio calore prematur parturiens. Idem ne terreamur monet, si laboris initio occurrat diarrhæa, nisi mulier nimis debilitetur & frigescat: tunc enim præscribenda levia cardiaca.

(2) Oportet prægnans utprimùm dolores experitur, vestium cingula laxet, à solidioribus cibis abstineat, cænæ etiâ tempore; aquosis verò potionibus sitim restringere poterit, sive aquâ solâ, sive cum speciebus pectoralibus coctâ, aut etiâ jusculis tenuioribus; quædam tamen roborantia debilibus præstari poterunt.

(3) Advigilabit etiâ obstetricans ne parturientem plures circumstantes parentes aut amici, quàm res requirant: imprimisque amoveri curabit injucundos mulieri, si quos advertat.

Cautelæ ad munditiem simul & facilitatem partûs

LXXXII. (1) Prudenter prægnanti datur clyisma diluens, ne noceat excrementorum exitus, cum caput erumpens rectum comprimit. Si fortè mulier constipata sit aut ferveat, emolliens leviterque etiâ purgans impertietur clyisma ut evacuentur duræ materiæ, si quas intestinum includit, quæ capitis exitui officere possent, aut quæ vi compulsæ ani sphincterem læderent. D. *Roederer* qui comprobatur præcipitque hujus hujusmodi enemata, valdè ea improbat quæ ad veros dolores excitandos impertiuntur. Ex illis enim pravos potius quam salubres oriri effectus putat.

(2) Oportet etiâ ut mulier urinas emittat, ne caput intrâ pelvim vesicæ collum præmens, illud coerceat. Quod si suppressione urinæ jam laboret parturiens, catheteris ope, vel pressâ leniter pube, urina est expellenda. Tumor etiâ vesicæ partum retardat.

(3) Idem cum optimis obstetricantibus venæ-sectionem imperat plethoricis mulieribus, præsertim quæ difficiliorem spiritum ducunt: primiparis quoque admodum necessariam existimat. Affirmat *Mauriceau* multoties à se ad varios casus in partu præcavendos fuisse adhibitam

(a) In opere cui titulus, *avis aux femmes enceintes & en couches*, ex anglicâ lingua in gallicam traducto.

ad accelerandum etiã partum sæpiùs idonea est phlebotomia.

Peragenda in
longiori labore.

LXXXIII. (1) Etsi non probemus cibos solidos, vina, liquoresque extra modum quæ suadent aliquando obstetrices ut prægnantes sumant, si protrahatur labor; censem tamen recens ovum parturienti porrigi posse, decoctum è jurulentis carnibus, interdum quædam optimi vini cochlearia, aut ofellam vino imbutam. Cavendum autem ut his parcè admodum utatur.

(2) Si mulier sit fessa, sivè dolore pressa, lecto sese tradat: ipsi injungendum est ut suprà latus cubet diversum ab eo in quod obliquè incidit uterus; indè enim producitur labor, cum capite alterutri ilium ossium, aut sacro, aut pubi innitente, uteri conatus inanes sunt.

(3) Si autem laboris perseverantia oriretur à rigiditate partium, à quâcumque causâ producta sit, iteranda esset venæ-sectio, quam ineunte labore commendavimus, ut partium tonus laxetur. — Quidam commendant etiã fomenta, fumigationes emollientes, tepidas, nonnullique semi-cupia. Posteriora autem auxilia dilatationi mihi potiùs adversa, quàm faventia videntur; cum enim sola genitalia, vicinasque partes calefaciant, indèq; augeant humorum rarefactionem vasorum igitur capacitatem protendunt; hincque minuitur interjacens spatium, proindeque potiùs altringunt quàm relaxant. — Itaque satius esse existimo, si mulieri integrum balneum ex aquâ tepidâ, vel ex emollientium decocto paratum administretur; iudè enim orietur universi toni remissio, partusque acceleratio. In balneo prænantem attentè spectabit obstetricans, diligenterque balnei effectum perpendet, ut ex eo tempestivè illam retrahat, ne in eo parturiat.

LXXXIV. (1) Cum parturitii laboris perseverantia ab uteri contractionum defectu pendeat, quidam remediorum uterinorum usum suadent. Defectus dolorum.
Si vires deficient, hæ excitandæ sunt ope uterinorum, cardiacorum, sternutatoriorum, inquit cel. Boerrhaave; ill. vero commentator *VanSwieten* (a) meritò notat *hic summâ Medicum opus habere prudentiâ, ne noceat imprudenti cardiacorum exhibitione.*

(2) Si autem his uti parturiens nolit, obstetricans immisso in vaginam, contrà alterutrum è ligamentis sacro-ischiaticis, digito, illud comprimet, dolorem ciebit, quo ad contrahendos musculos, conatusque edendos impelletur mulier. Hi enim nixus munia contractionum explebunt, aut si adsint, eas augebunt, juvabuntque ad expellendum corpus in utero inclusum. Hujusmodi pressiones suum tutò sortientur effectum, multòque magis expediunt quàm titillationes orificio uteri ob idem factas, quæ semper inutiles, interdumque noxiæ sunt. Idem dicendum de dilatationibus per vim, quæ præparatoriæ nuncupantur,

(a) *Aph. 1312. partus difficilis tom. IV. pag. 1311.*

& quas obstetrices diu antè operantur, ambos utriusque manûs digitos in vulvam inferentes, alios juxta superiorem commissuram, alios ad inferiorem, in omnem denique sensum, vaginæ dilatandæ causâ, perducetes. Hæc omnia parturientem inutiliter fatigant; posterioraque imprimis nocent, non solum genitalia irritando, sed etiâ humores auferendo quos natura ministrat ad favendam dilatationi & foetus exitui. — Tactus sæpius repetitus eisdem subjacet incommodis. Nec verum mucum his partibus adjacentem supplere possunt unctiosa, mucilaginosaque in hoc casu adhibita, tuncque tantum iis uti licet, cum post longum laborem de partium siccitate constat.

Situs peculiaris
prægnantis in lec-
to ad partum stra-
to.

LXXXV. (1) Cum ex statu orificii vicinus judicetur partus, in lecto collocanda est parturiens, modò ad obliquum uterum respectivè saltem usque ad tempus quo proditurum est caput; illo quippè instanti dorso incumbere debet. Ut coccyx, perinæumque retrorsum pellenda sunt & prætereà obstetricanti operandi agendique libertas esse debet; D. de la Motte præcipit ut quâ parte sita est sedes, deprimaturculcita, fossæque species quædam efformetur, ut ad orificium uteri facilè appellat obstetricantis manus, nihilque perinæi retrocessioni & infantuli egressui obster; idem præstari potest si culcita ad usque lecti fulcra non pertingat; tunc enim jubebitur parturiens ut coxis & lumbis tantum ad calcitræ extremitatem insideat, ita ut coccyx perinæumque lecto nullatenus incumbant.

(2) Ut accrescant contractionum muscularium vires, quæ uterinas juvare debent, fulmenta quædam parturienti ministrare expedit, si lectulo utatur, ambæ columnæ, aut ambo pedes ad id munus inservire poterunt: si autem latior sit lectus, assis transversus poni potest quem ad lecti fulcra, aut si lectus loris subtentus sit, ad clavum ligneum huic infixum alligari curabit obstetricans. Quorum defectu duo astantes alterutro genu submissis parturientis femora divaricata tenebunt, pedem mulieris immotum supra genu earum continentes, dum ambo alii fulmentum utrinquè mulieri præbebunt.

Quæ facienda
lectulo impositâ
parturiente.

LXXXVI (1) Dum parturiens supra dorsum jacet, extremis solido quodam suffultis, hortetur eam obstetricans ut doloribus utatur, eosque juvet, musculos abdominales contrahendo, validè inspirando, conatusque edendo quasi alvum exonerare vellet; ut magis atque magis uteri orificium dilatetur, rumpanturque membranæ, si nondum dilaceratæ fuerint; si verò orificio satis dilatato vi contractionum, membranæ interdum densissimæ non dilacerentur, id præstari potest, ungue, instante dolore, adhibito, si unguis non sufficeret, adhiberi posset tenuissimus *Æreolus*, aut tandem vernaculo triangulari transfigerentur.

(2) Istud tamen tentari non debet, nisi prius orificium ad nummi majoris argentei circumferentiam dilatatum fuerit.

(3) Curandum est ne in parturientis aurem susurrent astantes. Nihil enim

enim adeò parturientem molestat; semper quippè credit de se loqui, mortisque sententiam ferri, præsertim si jam dudum laboret.

(4) Cavendum quoque ne quid etià valde submissâ voce dicatur, quod non ei notum esse velint; mirâ enim auris subtilitate gaudet.

LXXXVII. (1) Quamvis ad secundam classem casus omnes referimus in quibus utilis aut necessaria est obstetricantis manus; excipiendam tamen esse censemus de quâ nunc agitur speciem. Aliquoties enim quibusdam impedimentis parvi momenti subjacet, si initio statim eis succuratur. Cùm v. g. fundum uteri ad sinistram inclinatum (quod rarò accidit) situs parturientis lateri dextro incumbentis non satis ad lineam rectam reduxit, tunc obstetricans, alterâ manu externus abdomini oppositâ, leniter uteri fundum à lævâ ad dextram pellere debet, ambo-
busque alterius manûs digitis in vaginam immisiss, os tinæ vel orificium ad dextram tunc deflexum, ad aperturæ superioris centrum adducere. Secus cùm caput in parvam pelvim progreditur, cujus major diameter ferè cum minori aperturæ inferioris diametro parallela esset, quod capitis liberæ eruptioni officeret, nisi aut tenuissimum caput, aut amplissima pelvis esset.

(2) Cùm autem capite in pelvis parvæ excavationem delapso, obstat coccyx, docet *Deventer* (a), retrorsum dejiciendum esse non solum uno aut altero digito, sed manu ipsâ intrâ coccygem & caput inductâ, palmâ hunc sensim premente, dùm instant dolores. Si caput crassius esset, aut nimis progressum quàm ut facultas agendi manui suppetere-
ret, parùm pellatur suadet, ut facilius reflecti possit coccyx, indeque inferioris aperturæ anterior diameter augeatur.

LXXXVIII. (1) Cùm occiput subit arcum pubis, fronsque perinæo imposita retrorsum illud pellit, tunc fortasse unctio partium externarum earum extensioni promovendæ inserviet: ut autem parietalibus protuberantiis ischiorum tuberositates semel perlapsis caput sæpè celerius occurrit, metuendum est ne furcillæ contigat dilaceratio, aut etià perinæi ad usque anum; quod ut caveatur manum inferet obstetricans in commissuram inferiorem perinæumque, quod juxtâ gradum vis contractionum uterinarum premet & hoc maximè parturientem levabit.

Cùm occiput
arcum pubis sub-
bit.

(2) Monent scriptores ne miremur, si prægnantes animi deliquia aut vomitus experiantur, id tribuentes sympathiæ quæ inter uterum est & stomachum, mediante intercostali nervo ramis sexti & quinti quandòque nervorum cerebri paris constante; nec attendendum inquiunt, ad trepidationem universam, quam sine frigoris sensu, patitur mulier. Neque mirum etiam si crampe & torpedine adstringantur femora, cruraque, id enim oritur à pressione capitis in nervos & vasa quæ in

(a) In opere jam citat. pars I. cap. XXVII.

partes inferiores distribuuntur. Hæc accidentia tanquam signa absolutionis partûs potiùs habenda quàm infausta symptomata, modò saltem graviora non sint.

Quando & quo
modo arripien-
dum caput.

LXXXIX. (1) Nedùm caput foetûs, statim atque occurrit, extrahat, arripereque festinet obstetricans; satiùs naturæ absolvendus relinquatur partus, cùm caput inter parietalia hæret; expedit enim sæpè ut non adeò celeriter egrediatur, quia uterinæ contractiones, quæ ad illud expellendum tendunt, placentæ simul deglutinationem promoven-
vent faciliùs deinde emergentis. Partûs absolutio festinanda est dùm-
taxat, cùm gravia subeunt accidentia, aut majori, minorive sanguinis effluxione obstetricans inducitur ad putandum placentam omnem vel ferè omnem fuisse deglutinatam.

(2) Quidquid sit, cùm ferè omninò emersum est caput, arripitur, si tempus suppetit, ambos manûs alteriùs digitos maxillaribus ossibus ex utroque nasi latere apponendo, amboque alteriùs in furcillæ modum parti posteriori cervicis, aversâ manu monti veneris innixâ. Sic caput in altum pellitur donec totum eductum fuerit, occurrantque humeri, qui, si opus sit, extrahuntur, manûs palmâ ad infantuli dorsum admotâ, alterâque suprà pectus positâ donec satis accesserint, ut alterutrum brachium extricetur, si res requirant, & tempora sinant. Prodeuntibus humeris, reliquum corpus mox consequitur & sæpissimè eodem instanti exit. Infantulus in lucem editus transversè intrâ matris femora, dorso vulvam advertente, sternitur, ne ex utero effluentia aliquid ipsi incommodi afferant.

D E S E C U N D I N I S

ARTICULUS PRIMUS

DE LIGATURA ET SECTIONE FUNICULI UMBILICALIS.

XC. (1) QUONIAM admodum variant scriptorum sententiæ circâ tempus & modum secandi funiculi, hujusque ligandi necessitatem, non in ullius jurabimus verba magistri, sed quidquid nobis in singulis arridebit scriptis delibabimus, ad circumstantias tamen, experientiamque attendentes. Prætermisâ quæstione physiologicâ de causâ primam inspirationem determinante, hanc tanquam causam agnoscimus mutationis quæ contingit in foetûs orti circulatione, quæ & matri & infantulo antea communis, ipsi propria post inspirationem & expirationem evadit.

(2) Experientiâ nititur hæc assertio, foetus vidi debilissimos in lucem post longum operosumque laborem editos, quorum præciso funiculo, magna sanguinis copia effluebat, donec ligatura fieret, denuòque istâ laxatâ erumpebat sanguis usque ad infantuli inspirationem

& expirationem. Vidi contra infantulos validâ constitutione præditos, qui in lucem prodeuntes inspiraverant & expiraverant, quorum secto funiculo, quantuscumque esset pueri motus, sanguis non effluebat præter aliquot guttulas intrâ sectionem & umbilicum demorantes. In talibus pueris sæpius, me teste, dilata fuit ligatura & semel eam ipse distuli ad momentum, quo fasciis involvendus erat puer, tunc enim eâ maximè opus est, propter pressionem pectoris per fascias, quâ impelli potest sanguis in viam adhuc patentem & è quâ novæ duntaxat circulationis defluxu divertitur.

XCI. (1) Juxta hæc principia, secandi funiculi tempus variis circumstantiis accomodandum esse existimamus, ligaturamque naturâ non imperari, & è quibusdam duntaxat peculiaribus accidentibus, modoque nostro curandorum infantulorum necessariam evadere.

Tempus secandi
funiculi ex cir-
cunstantiis variat.

(2) Ut autem enucleatius pateat nostra sententia, tres pueros supponamus, unum debili constitutione præditum, multa inter aperturarum angustias passum & ferè exanimum; alterum communi corporis habitudine pariter ferè exanimum, & prætereà veluti præfocatum, nec-non magnâ sanguinis copiâ ingurgitatum lividumque, &c. Tertium firmâ constitutione pollentem, liberè inspirantem & expirantem; si solito sese gerat modo obstetricans erga tres illos infantulos, si scilicet funiculi ligaturam & sectionem acceleret, ambo priores probabiliter extinguuntur, alter per inanitionem & debilitatem, quibus inspiratio & respiratio impediuntur: alter verò per suffocationem & apoplexiam, cum sanguinis copia, quâ ultrâ modum vasa & viscera pulmonem circumdantia dilatantur, obex sit ut ad inspirandum exteriorem aërem explicari possit. Ex præfato autem agendi modo in tertio casu nihil infantulus patietur incommodi, sed fortè puerpera, quæ aliquotiès expeditas curas desiderat quibus officerent curæ tunc erga foetum impensæ.

XCII. (1) Quid igitur tunc agendum? In primo casu cum nobis constet circulationem foetui propriam non fieri, nisi cum dilatati pulmones fuerint; si adhuc utero adhæreat placenta, non secabitur funiculus nisi restituta circulatio fuerit, eam etiâ perseverare sinemus aliquandiù à matre in infantulum ut ejus vires recreentur. — Si placenta deglutinata fuerit, juxta saniorum mentem, aliquandiù saltem, nativum matris calorem supplere niteremur, placentam in aquâ eodem ferè gradu calidâ mergendo; putamus etiâ illam sic in aquâ premendo, contentum sanguinem partim ad foetum refluere.

(2) Quoad secundum casum, funiculum tecare quidem festinabimus, sed ejus ligaturâ abstinēbimus, tunc cum puer nondum respiraverit, sanguis ex vasis umbilicalibus effluet: quod si huic exterior aër obstarer, funiculum refrigerando, ejus effluxus accelerari poterit, pectore foetus lateraliter pressus, sanguinisque copia sufficiens educetur ut ingurgitatio & plethora minuantur, pulmonumque motus promoveatur.

Præter hanc opem, in utroque casu adhibenda sunt auxilia quæ optimi obstetricantes ad restituendum foetum suadent v. g. D. Deventer, præcipit ut pedis planta scopulâ ex equinâ jubâ fricetur, cæpa pista ad nasum admoveatur, vultui vinum, acetumve injiciatur: rectè puto pennæ barbis levem naribus & æsophago titillationem procreari posse.

(3) In tertio funiculum quidem secabimus statim ac infantulus in lucem prodibit; in illo autem casu valdè necessariam ligaturam non arbitantes, si non sinant curæ, quas mater expostulat, eam illicò operari, absque metu illam ad tempus remitemus quo puer fasciis involvendus veniet.

XCIII. (1) Tribus his exemplis periculosum fore videtur ociùs foetum debilem, refrigeratum, & ferè exanimem à matre sejungere, præsertim si pressum funiculum aut fricatum secare festinaret obstetricans, antequam restituta fuisset circulatio, & adhibitis cæteris auxiliis, calor vitalis in eo restauratus fuisset. Non fiet funiculi sectio, nisi vitæ argumenta quædam præstiterit infans, eritque tunc utilis & necessaria ligatura & quidem sine morâ.

(2) Cùm verò puer ferè exanimatus, calidus tamen, lividus & sanguine ingurgitatus apparet, celerius fieri non posset funiculi sectio, sed tunc accelerata ligatura magis noxia esset, quàm in superiori casu utilis & necessaria. Certâ igitur sanguinis quantitate effluxâ externisque auxiliis recreato infantulo, tunc duntaxat fiet ligatura.

(3) In tertio tandem casu juxtâ obstetricantis & obstetricatæ opportunitatem fieri posse videtur funiculi ligatura & sectio.

XCIV. (1). Non multum inter se Scriptores de funiculi ligandi modo dissentiunt. Nonnulli ligaturam fieri commendant ad ejus insertionem, ut, inquiunt, præcaveantur umbilicales herniæ, aliamque ad duos à priori pollices suprâ sectionem, ut uteri hæmorrhagiæ prohibeantur. Judicia hæc inania sunt, periculosaque praxis videtur; quia si funiculus tenuis & tener sit, ligaturâ facilè scindi, aut disjungi celerius ab umbilico potest. Undè oritur non hernia quidem, sed hæmorrhagia, cui nonnisi difficile, & nequaquam infantulum premendo, succurrere potest obstetricans.

(2) Alii priorem ligaturam fieri jubent ad duos ab umbilico digitos, ut si filo sejungatur funiculus, superius ligari possit. Ex simili proposito, trium aut quatuor pollicum spatium relinquendum esse arbitramur, ceratoque filo octuplicato ligandum. Ad cautionem fiet altera ligatura laxa & restringenda, si opus esset v. g. si nempe compresso thorace sanguis priorem transmearet; ne reprehensioni detur locus, altera fieri poterit ligatura ad duos à superiori pollices, funiculusque ambas inter secari.

(3) Tunc mulieribus committitur infans, ut opem matri ferat obstetricans. Observandum tamen, cùm hæ detersum puerum fasciis involvere satagunt, curam adhibendam esse ut duplicato funiculo ligatoque iterum

iterum imponatur splenium è lino tenuissimo axungia recentì uncto. Præscribitur quoque ut saltem aliquot diebus moderatissimè constringatur infantulus.

ARTICULUS II.

DE SECUNDINARUM EXTRACTIONE.

XCV. (1) Cum non exit placenta eodem ferè instanti quo puer, aut saltè immediatè post, quidam jubent, ut sine morâ extrahatur, ne orificium uteri recludatur, nec ultrà facilè prodire queat; sunt qui ne tempus quidem ligandi, secandique funiculi tribuere volunt.

(2) Nonnulli recentiores & attentiores inanem hunc metum firmioribus confutârunt argumentis quàm ut huic immoremur; hi tamen inter se differunt ratione temporis, quod impertiuntur. Alii quædam quietis momenta puerperæ concedunt, ut ex laboribus, quos passa est, reficiatur; alii denique agnoscentes fieri adhuc posse, horâ unâ & ampliùs ab edito infantulo elapsâ, ut manus in orificium immittatur, eo partim tempore expectandam esse censent naturalem expulsionem, dummodò res aliter non postulent, & hæc ultima sententia sanior videtur.

(3) Arbitramur tamen, nisi pars horæ sufficiat, integrâ horâ & ultrà expectandum esse: monuit enim Hipp. [a] si secundina non facilè excedant, maximè cautè esse extrahendas; Id autem, inquit, sensim non vi faciendum: ne præter naturam extracta inflammationem excitent. Quamobrem vias solertissimas suppeditat.

[4] Levi manûs pressione, variisque titillationibus in mulieris abdomen ad irritandum uterum actis, sine periculo ejus contractio accelerabitur, indèque placentæ deglutinatio, quòd si limbus alteruter adhuc puncto decliviori uteri adhæreret, quibusdam digitis in orificium immisissis, cum curâ divelleretur. Juxtâ denique optimorum Magistrorum mentem, antè sensibilem uteri contractionem minimè tentabitur secundinarum extractio.

XCVI. Extrahi ergò sine periculo poterit placenta cum, ut docet D. Levret (b), constabit illam ad cedendum paratam esse; tunc secundum vulgarem agendi modum, semel aut iterum duobus manûs lævæ digitis circumdabitur, aut ne elabatur, sicco linteamento apprehendetur, sensimque extrahetur ab alto deorsum & à dextrâ ad sinistram ut penitus deglutinetur leviter circumacta. Ut verò faciliùs & tutius arripiatur, manus dextra unctuosius delinita in vaginam immittatur,

Quando & quomodo extrahenda est placenta.

(a) Hipp. lib. de superfetatione, cap 3. art. med. princip.

(b) L'art des Accouchements, pag. 238. §. 776.

Extensisque digitis, quàm altissimè fas erit, funiculus apprehendatur premente indice, dùm exteriori manu extrahetur. Ubi orificio occurrit placenta si penitus deglutinata, & mediâ parte obveniens; si nimis crassa quàm ut transeat, illius situs avertetur; divaricatis secùs digitis, coni apicem, cui inseritur funiculus, apprehendemus, trahemusque placentam suprâ ipsammet invertentes, ut membranæ simul extricentur. Dùm liberatur puerpera expediret ut manu aliquis ejus ventrem premeret, uteri simul contrahendi gratiâ.

Funiculi ruptura.

XCVII. (1). Aliquotiès adeò tenuis est funiculus, ut quantacumque sit cautela rumpatur, priusquàm prodierit & penitus aut etiam partim deglutinata fuerit placenta. In primo casu satis erit, si ambo advehantur digiti, forcipis instar, quibus funiculi insertionem aut alterutrum placentæ limbum attingat obstetricans, eamque deinceps prædicto modo exterius quàm celerrimè trahat.

(2) In secundo casu extrahenda placenta ut comprimatur hæmorrhagia, quæ puerperæ mortem mox inferre potest; duobus aut tribus digitis prudenter in uterum immissis, unguium sedulò recisâ acie, perfici deglutinatio poterit, cùm pars non deglutinata orificio proximè adhærebit: si autem aut corpori aut fundo uteri cohæreat, sensim uncta manus, digitis in conum agglomeratis, introduci debet; si pars funiculi quædam supersit, eâ duce, ad insertionem itur; secùs internâ uteri superficie molliter peragratâ, invenietur placenta, quæ penitus deglutinabitur manu intrâ uteri parietes ipsamque immissâ, apprehensâ; si nimis crassa sit quàm ut in omnem sensum extrâ orificium trahi possit, manu submissâ, inferiorique arrepto limbo extrahetur, observando ut quàm integerrima prodeat.

[3] In tertio casu, id est cùm placenta penitus adhæret, mulierque nihil aut ferè nihil sanguinis amittit; nedùm acceleretur, protrahenda erit extractio donec saltem satis multa & valida tormina passa fuerit puerpera, ut incepta deglutinatio judicetur, tuncque modo in postremo casu proposito se geret obstetricans. Si placenta dextro uteri lateri adhæreat, læva manus impendetur, si lævo, dextra.

XCVIII. [1]. Si aliquantò post ruptum funiculum accerferetur obstetricans, orificiumque parùm intereâ occlusum fuisset, statim unus introduceretur digitus, ambo deinceps, deindè tres, &c. ut gradatim dilatetur, minorque mulieri pariat dolor. Quoquo autem modo eam exoneret obstetricans, observandum tamen manum rectè semper abdomini illius imponendam esse. Quin etiam expediret ut altera femina ambabus manibus illud continuò premeret ad cohibendum uterum qui in hoc casu hinc & indè intrâ remissos abdominis parietes circumferretur; quod operationi officere posset.

(2) Si quantacumque adhibeatur cura ut integra deglutinetur placenta, levis tamen illius pars in utero remaneat; derelinquendam esse

docet *Mauriceau* [a] si extrahi non possit, nisi laceretur aut lædatur uteri substantia, ne occurrat sanguinis fluxus copiosus, inflammatio aut gangræna, undè mors sequeretur.

(3) Si nulla in parte deglutinata placenta fuerit, manuique resistat, suadet idem ut opus naturæ committatur. Meritò interna remedia in hoc casu ministrata improbat [b], ut purgantia, diuretica, aliaque admodum calefacientia, quæ febrim ægrotanti ingenerant, eam ad maximos conatus sæpè inutiles ciendos inducunt; sanguinis fluxum procreare, aut augere possunt, alvi profluvium, inflammationes, aut prolapsus uteri asserre.

(4) In casu quo ab uteri inflammatione oritur difficultas extractionis placentæ, naturam adjuvandam commonet (c) emollientibus injectionibus, aut etiam modico sanguine emisso, inflammationis sedandæ causâ: sed loco enematis acris, quod suadet (d), quàm maximè lenitivum componendum censemus.

XCIX. (1). Post exoneratam mulierem, partibus genitalibus exterioribus admovendum est siccum molleque linteamentum; alia verò iis quæ jam sedi ejus subjecerat, substitui curabit; dorso incubabit mulier, cruribus extensis & cohærentibus. Si tantisper debilis sit, modicum jusculum præ calefacienti potione ministrabitur. Cum vires recuperaverit, immutabuntur linteamenta partibus imposita, denuòque etiàm sedi subterponentur, si facta fuerit evacuatio.

Gerenda ~~mot~~
post partum.

(2) Si in asphyxiam incidat ægrotans, nec commoveri debet ad immutanda lintea, nec ad sternendum lectum, nec ad alia quævis, donec animus ipsi aptis auxiliis restitutus fuerit. Suadet clar. *Smellie*, ut ejusmodi asphyxiæ præcaveantur, cum promptius enixa est mulier, imperando ut aliquis ex astantibus, manibus suis abdomen illius premat, donec idonea fascia quàm maximè simplex adhibita fuerit; sic censet *Mauriceau*, optimique cum illo obstetricantes. Valida compressio, primâ potissimum die, nedùm votis annuat obstetricium, mulieri valdè molesta est.

[3] His gestis, subuculâ recenti induetur, cæterasque pariter vestes mutabit; alteri deindè imponetur lecto ad mundiciem pluribus linteis operto, aut unico duplicato, si facultates desint; vel si nullus alius sit lectus, sternetur denuò hic qui partui inserviit. Suadet D. *White*, ne plus cooperiatur ægra, quàm si optima frueretur valetudine. Censeo attamen expedire ut ipsi per vestes in lecto liceat sese insedendo at-

(a) *Traité des maladies des Femmes grosses & accouchées*, liv. 2. chap. 9. pag. 253.

(b) *Ibidem*. pag. 258.

(c) *Ibidem*. pag. 254.

(d) In opere jam citato.

48

tollere sine gravedinis periculo. Sic compositâ muliere, curandum ut quiete, tam animi quàm corporis, perfectissimâ potiatur.

S E C U N D A C L A S S I S

DE partibus manum obstetricantis desiderantibus, sive adsint vires maternæ, sive absint. Contrà naturales à quibusdam scriptoribus, operosi à nonnullis, difficiles à Maningham, Roderer, Astruc, Smellie, nuncupantur.

C. [1] In quatuor ordines partus hujus classis dividuntur, ratione quadruplicis faciei corporis infantuli. Variæ autem regiones cujuslibet faciei occurrentes, genera constituunt.

P R I M U S O R D O.

[2] Anterior infantuli facies quæ hunc ordinem statuit, orificio juxta singula puncta occurrere potest; sex insigniora, quibus duæ extremitates adduntur, octo dant genera.

In 1°. occurrit extremitas inferior seu pedes; quod genus licet absolute priori classi adscribere potuerimus, potissimum tamen ad hanc referendum censuimus, ut tutius absolvatur partus. Primum constituitur hoc genus, quia opera in illo adhibenda in plurimis aliis iteranda venit.

In 2°. Superior extremitas seu ovatum superius capitis; quoties solis maternis viribus partus absolvi nequit, in hac classe ponitur.

3°. Anterius ovatum capitis seu facies.

4°. Pars anterior colli.

5°. Pectoris anterior.

6°. Abdominis.

7°. Pelvis seu partes genitales.

8°. Genu aut ambo genua, quibus licet occurrentibus, plerumque partus solis maternis viribus absolvitur; aliquandò tamen obstetricantis manu indiget.

S E C U N D U S O R D O.

[3] Hic ordo complectitur partus omnes in quibus infantulus posterioris faciei punctum quodlibet obvertit. Hæc quinque regiones præbet quæ in totidem genera distinguuntur.

1°. Occiput.

2°. Posteriores faciem colli,

3°. Dorsum,

4°. Lumbos.

5°. Clunes, qui licèt in priori classe aliquoties occurrant, rectius tamen in hâc collocantur.

TERTIUS ORDO.

4°. Huic ordini assignantur singuli casus, in quibus aliquod lateralis dextræ faciei punctum occurrit. In eâ quinque regiones, totidemque genera constituuntur, scilicet.

1°. Ovarum laterale dextrum capitis.

2°. Facies lateralis dextra colli.

3°. Humerus dexter, aut brachium.

4°. Pars pectoris abdominisve lateralis.

5°. Coxa dextra, aut femur dextrum.

QUARTUS ORDO.

[1] In isto ordine includuntur partus, in quibus infantulus ad orificium obvertit aliquod faciei lateralis sinistræ ipunctum. Dividitur ut superior, & inversus est in praxi.

[1] Statuuntur species ratione peculiaris, relativique sitûs cujuslibet regionis. Ad quatuor reduci possunt in quocumque genere; licèt in priori classe primum genus seu ovarum superius sex species complectatur, idque sic statuitur, quia in praxi tertia & sexta species eandem operam circa infantuli à pedibus extractionem expetunt; eò quod etiam quarta quintaque juxta praxim spectatæ ad unicam referri possunt, cum circa utramque eodem sese gerat modo obstetricans.

[7] Eædem sunt varietates in hâc classe atque in priori, quibus complicantur species.

CI. [1] Ad duo hæc reduci potest adhibenda in hâc classe opera; ad pravum nempè mutandum infantuli situm, ita ut partus solis maternis viribus absolvi possit; aut ad foetum, si manus immittatur, extrahendum.

[2] Cum non æquè omnibus casibus congruant præditæ absolutionis viæ; priori adscribemus, cum tempestivè accersiti, antè defessam mulierem, antè aut saltem non multò post aquarum effluxionem, caput infantuli accedens, aut facile saltem & sine periculo referibile inveniemus ad 3am. positionem 1mi. gen. 1mi. ord. 1mæ. classis (§. LXXVI. n°. 1.). si verò arduum & longius iter ad caput esset, aut licèt sit parùm distans & etiam rectè situm si vires ad absolvendum partum matri defint, aut jamdudum effluxerint aquæ; si crassius caput, aut arctior sit pelvis; (undè à 1mæ. classe partûs licèt fausto situ gauderet caput, ad 2dam. transfertur.) Si denique partui quædam ex prædictis varietati-

bus (§. LXXIV. n^o. 2.) adjungantur ; à pedibus extrahendus est puer.

[3] Positis his generalibus regulis ; ad priorem absolutionis viam cunctas secundæ hujus classis species non reducemus , sed tantum ad optimum situm magis referibiles. Quoad posteriorem verò , quascumque species possibiles assignabimus.

PRIMA ABSOLUTIONIS VIA,

Seu capitis in meliorem situm reductio.

PRIMUS ORDO.

Secundum genus. Ovatum superius capitis supra superiorem pelvis aperturam.

III. [1] Quod ad priorem absolutionis viam spectat, id est quoad mutationem pravi situs in meliorem ; primum genus , pedes scilicet, nequaquam juxta statutam (§. CI. n^o. 2.) regulam reducere tentabimus. Caput supponamus in secundo genere primi ordinis hujus classis, id est superius ovatum obvertens statim in primâ positione, quæ eadem est ac prima primi generis primæ classis, cujus characteres protulimus (§. LXXV. n^o. 1.), & quam inter noxias computavimus.

Primæ species. Facie retrorsum.

[2] In hoc casu satis erit, si unus aut ambo digiti in orificium intro-mittantur, ut caput infantuli ad obliquam directionem adducant, frontales protuberantias repellentes, easque in latus dextrum columnæ vertebralis dejicientes ; aut si per orificii dilatationem liceat, indice, medio, polliceque dextræ apprehendatur caput, ejusque directio mutetur.

Secunda species facie antrosum.

[3] Secunda species præcedentis inversa, partuique maximè officiens, non solum priores ambos digitos & pollicem expostulat, sed interdum etiam manum ipsam, ut vertatur frons juxta juncturam sacri & ilii dextri, occiputque versum cavitatem cotiloideam lævam reducatur. Idque etiam ægrè, aliquandò nullatenus præstari potest, cum jam pridem effluxerunt aquæ ; caput flexo tantum collo vertitur, corpore aliàs in eodem situ remanente.

Tertia species facie dextrorsum.

De tertiâ dicendi non est hic locus ; cum enim dextrorsum vertitur facies, parumque retrorsum inclinatur, hæc positio eadem est ac tertia primi generis primæ classis (§. LXXXVI. n^o. 1.) ac proinde optima : si autem solis viribus maternis partus tunc non absolvatur, hoc inde fit quod caput crassius sit, aut superior apertura arctior, aut matris exhaustum robur, aut hæmorrhagia, convulsio occurrerit ; quod partum accelerandum suadet, extrahendumque infantulum ; de quo infra, ubi de secundâ absolutionis viâ differetur.

[5] Si autem ex eo tantum oriatur impedimentum, quod futura sagittalis fortiatum directionem diametri transversæ, cum directionem obliquæ tenere debeat ; aut si caput sit in sextâ positione primi generis

primæ classis, scilicet si fontanella anterior, superiorque cum juncturam sacri illique dextri advertere debeat, versus cavitatem cotiloideam dextram sita sit: fontanella verò anterior & superior juncturam sacri illique lævi advertat, cum juxtà cavitatem cotiloideam sinistram adjacere debeat; facile succurretur, protuberantias frontales retrorsum flectendo, aut duobus, tribusve digitis, polliceque caput apprehendendo, illudque leviter sublevando, movendoque à sinistro mulieris latere ad dextrum, & sic illud per octavam inversionis partem ad tertiam positionem reducendo.

(6.) Quarta species, quæ quartam simul & quintam primi generis primæ classis complectitur, utpotè cum tertiâ & sextâ ejusdem classis rationem inversam servantes, solâ differunt majori, minorive distantia à tertiâ quam *tertiam obliquam*, ut à cæteris distinguatur, dicemus, & ad quam cæteras referemus.

Quarta species
Facie sinistror-
sum.

(7.) Si apprehensum caput retrorsum invertatur, brevius illi iter peragendum erit, fontanellâ anteriori superiorique juncturam sacri illique lævi advertente, quàm si versus cavitatem cotiloideam sinistram adjaceat. Oppositum fiet si antrorsum invertatur. Difficillimus est uterque agendi modus, ne impossibilis, effluxis aquis, dicatur.

CIII. (1) Iterum igitur licebit capitis in meliorem situm reductionem tentare, cum in alterâ quatuor specierum tertii generis primi ordinis illud occurrit, sive cum super aperturam superiorem, faciem advertet, infantulus: in cæteris hujusce ordinis generibus, capitis difficilior est reductio ad tertiam speciem quam, ut à cæteris distinguatur, *obliquam aut idoneam positionem* nuncupabimus. Hujus generis characteres sunt os, nasus, oculi, sutura coronalis, mentumque.

Tertium genus
facies supra aper-
turam superiorem
occurrents.

(2) In primâ hujus generis specie frons pubi matris innititur, mentumque parti superiori ossis sacri: in hoc casu facies anterior corporis infantuli hæret columnæ vertebrali. Metuendum est ne sic situm caput penitus intra aperturam se impediat, quòd obliqua capitis diameter trium longissima tendat ad parallelam diametri rectæ seu anterioris aperturæ superioris; quæ trium diameter ejusdem aperturæ minima est.

Prima species
corpore retror-
sum.

(3) Si tempestivè accersitus fuerit obstetricans, huic facile medebitur, duos digitos ossibus maxillaribus, juxtà utrumque nasi latus, inferendo, hancque capitis infantuli partem sublevando, & sursum retrorsumque repellendo; undè frons primùm dejicitur; tunc imponentur ambo digiti suprâ malas, pergendoque partem superiorem capitis deprimere, frontem adibunt digiti, profereturque vertex, ut in primâ positione secundi generis (§. CII. n^o. 1); Pollex tunc adhibebitur, caput que ad tertiam positionem obliquam penitus vertetur, quo prædictum est modo.

CII. (4). Maximè juvabitur hæc inversio, si mulier sese componat ad situm quo corpus infantuli antrorsum inferri possit, v. g. si divari-

tatis cruribus stet corpore plus, minusve antrorsum deflexo, manibusque alicui solido innixis: tunc foetus volvitur in caput, quod est centrum motus, & quodlibet capitis punctum tot circuli, cujus diameter esset diameter recta pelvis, gradus decurrit, quot extremitas radii, seu partes inferiores arcus quem efformat abdomen.

(5) Secunda species prioris inversa est, operamque penitus inversam poscit, donec ad 2^{am}. 2^{di}. gen. positionem adductum fuerit caput, id est, donec vertex supra aperturam superiorem stet, facie antrorsum versâ, tuncque ut supra (§. CII. n^o. 3). ubi de hac secundâ positione, sese geret obstetricans.

(6) In tertiâ specie hujus generis, protuberantiæ frontales margini pelvis sinistro nituntur, mentumque dextro. Cum occurrit hæc positio, uterus ad dextrum valdè obliquus esse debet; idcirco supra lævum latus jacebit mulier; manu obstetricans exterius fundum uteri repellet, infantulique simul truncum à dextrâ ad sinistram; dum interea duobus digitis introductis aguntur protuberantiæ frontales à lævo ad dextrum, quoad usque inceserit caput ad 3^{am}. positionem 2^{di}. generis hujus classis (§. CII. 4.), quam transversam nuncupamus, ut distinguatur à 3^a. 1^{mi}. gen. 1^{mæ}. classis, quam obliquam diximus; donec scilicet vertice supra aperturam superiorem stante, frons advertat spatium quod est inter juncturam sacri cum ossibus iliis, juxta latus dextrum, cavitatemque cotiloideam in eodem latere.

(7) Tunc per octavam inversionis partem, caput duobus digitis polliceque apprehensum, facile ab hac tertiâ positione transversâ in tertiam (§. LXXVI. n^o. 1) mutatur.

[8] Quarta hujus generis positio tertiæ inversa est, inversâque eget operâ, donec ad 4^{am} positionem 2^{di}. gen. hujusce classis (§. CII. n^o. 6.) pervenerit caput; donec scilicet vertex stet supra aperturam superiorem, fronte sinistrorsum, & occipite dextrorsum posito: tunc per dimidiam inversionis partem, caput prædicto modo apprehensum ad positionem obliquam reducitur, in quâ occiput cavitatem cotiloideam lævam respicit, fronsque juncturam sacri cum ileo dextro. Quatuor hujus generis positiones rarissimæ; ambæ autem posteriores minus rarò contingunt.

(9) De aliis primi istius ordinis generibus tantum dicemus, ubi de operâ circa infantuli per pedes extractionem.

Ad cæterorum igitur trium ordinum genera & species devenimus, quæ facile ad tertiam positionem primi generis primæ classis, obliquam scilicet, reduci possunt.

SECUNDUS ORDO.

CIV. (1) In secundo ordine, seu cum faciem posteriorem obvertit infantulus; si sit in primo genere, id est, si occiput obvertatur, satis facilis

Secunda species
corpore antror-
sum.

Tertia species
corpore dextror-
sum.

Quarta species
corpore sinistror-
sum.

facilis erit reductio. Hujus generis characteres sunt fontanella superior & posterior, futura lambdoidea, fontanellæ posteriores inferioresque, pars posterior superiorque colli.

(2) In primâ positione pars inferior superioris ovati juxta matris pubim sita est, sicut & fontanella posterior, & pars posterior superiorque colli juxta sacrum. Ad hoc adhibenda est opera, ut caput primum ad 2dam. positionem 2di. gen. 1mi. ordinis hujusce classis (§. CII. n°. 3.) reducat; quod præstabitur, muliere plus minusve antrorsum inclinâtâ, duobusque digitis sursum antrorsumque pulso occipite, donec superius ovatum suprâ aperturam jaceat; accedente tunc pollice, apprehenditur caput, parum sublevatur, deindeque prædicto modo invertitur, donec positionem nostram obliquam, 3tiam. scilicet 1mi. gen. 1mæ. classis (§. LXXVI. n°. 5.) fuerit adeptum.

Prima species
corpore retror-
sum.

(3) Secunda species præcedentis inversa ad 1mam. positionem 2di. gen. 1mi. ord. hujusce classis (§. CII. n°. 3.) reducenda est. Operâ priori inversâ obtinetur hæc reductio per quam tertiam positionem obliquam, ut diximus, assequitur caput.

Secunda species.
corpore antro-
sum.

(4) In tertiâ specie posterior fontanella ad lævum matris latus, parsque posterior colli infantuli suprâ pelvis marginem dextrum jacet. Quæ ut immutetur positio, mulier sinistro lateri superincumbere debet, duobusque intromissis in uterum digitis, repellendum collum, deindeque occiput ab infrâ sursum & à sinistrâ ad dextram, ut 4tam. positionem 2di. gen. 1mi. ord. 2dæ. istius class. obtineat; tuncque opera impenditur (§. CII. n°. 6.) quam jam suprâ retulimus, quæ nimirum ad tertiam nostram obliquam seu congruam positionem reduci debet.

Tertia species
corpore dextror-
sum.

(5) Quarta tertiæ inversa, inversam operam exigit. Ad 3am. positionem 2di. gen. 1mi. ord. 2dæ. istius classis (§. CII. n°. 6.) reducendum est caput; tuncque per octavam inversionis partem ad idoneam positionem, seu tertiam obliquam adducitur.

Quarta species.
Corpore sinistror-
sum.

CV. (1) Secundum genus secundi ordinis, seu pars colli posterior suprâ aperturam superiorem occurrens, his dignoscitur characteribus, tumore duro in longitudinem patenti, in quo linea seu series exiguarum protuberantiarum, apophyses scilicet vertebrarum cervicalium, deprehenduntur; hinc posterioribus inferioribusque fontanellis, illinc parte scapularum posteriori. Tentari etiâ poterit reductio positionum hujusce generis ad meliorem cum, aquis recenter effluxis, uterus nondum coarctatus fuerit.

Secundum ge-
nus. Infantulus
partem colli pos-
teriolem suprâ
apertur. super. ob-
jiciens.

(2) In primâ specie fontanellæ posteriores inferioresque juxta matris pubim sitæ sunt, sicut & occiput, parsque scapularum superior juxta sacrum. — Secunda præcedentis inversa est. — In tertiâ inferiores & posteriores fontanellæ, occiputque ad lævum pelvis latus, scapulaque ad dextrum jacent. — Quarta tertiæ inversa est.

Species.

Operæ reductio-
nis.

(3) Quælibet harum positionum ad speciem præcedentis generis quæ numero ei correspondet, reduci debet. Deinde ad positiones 2^{di}. gen. 1^{mi}. ord. (§. CII.) & tandem ad positionem nostram obliquam dicto modo hæ quatuor species reducendæ.

ORDO TERTIUS.

CVI. (1) Cætera 2^{di}. ordinis genera nimis ab idoneâ positione distant, quàm ut eorum tentetur reductio. Ad duos igitur posteriores ordines devenimus, & tertium aggredimur, in quo infantulus quodlibet punctum faciei lateralis dextræ obvertit. Hujus primum tantum genus ad hanc absolutionis viam referemus.

Primum genus.
Infantulus ovat.
later. dext. obver-
tens.

(2) Cum scilicet infantulus ovatum laterale dextrum capitis præbet; quod ex his dignoscitur characteribus, aure, fontanellâ posteriori & inferiori, futuræ lambdoïdæ ramo, coronalis & squamosæ parte, angulo denique maxillæ inferioris.

Prima species.
Corpore retror-
sum.

(3) In primâ positione hujus generis, protuberantia frontalis dextra, item fontanella posterior & inferior dextra matris pubi innituntur, angulo dextro inferioris maxillæ juxta sacrum verso, facieque ad lævum matris latus respiciente. Hujus positionis immutandæ causâ mulier, ut pluriès dictum fuit, antrorsum inclinata stat, dùm digitis duobus fursum retrorsumque pellitur auris, ut suprâ aperturam superiorem inducatur ovatum superius; caputque 4^{am}. positionem 2^{di}. gen. 1^{mi}. ord. hujusce classis (§. CII. n^o. 6.) consequatur; viâ deinde designatâ ad tertiam positionem obliquam traducatur.

Secunda species.
Corpore antror-
sum.

(4) Secunda species inversa præcedentis inversâ quoque operâ ad 3^{am}. positionem 2^{di}. gen. 1^{mi}. ord. istius classis (§. CII. n^o. 4.) reducitur; deindê facillimè, ut jam diximus, ad tertiam positionem obliquam 1^{mi}. gen. 1^{mæ}. class. (§. LXXVI. n^o. 1.) transfertur.

Tertia species.
Corpore dextror-
sum.

(5) In tertiâ specie protuberantia parietalis ad lævam, angulus maxillæ inferioris ad dextram, facie retrorsum, jacet. Tunc expedit ut prægnans suprâ latus lævum incubet, aurisque ab infrâ fursum, simulque à lævâ ad dextram impellatur, ad reducendum caput in 1^{am}. positionem 2^{di}. gen. 1^{mi}. ord. 2^{dæ}. class. (§. CII. n^o. 1.), in quâ scilicet ovatum superius suprâ aperturam superiorem jaceat; deindeque in obliquam positionem deflectatur.

Quarta species.
Corpore sinistror-
sum.

(6) Quarta species tertiæ inversa, operâ inversâ ad 2^{am}. 2^{di}. gen. 1^{mi}. ord. hujusce class. (§. CII. n^o. 3.) reducitur, ovatum scilicet superius, ut antea, suprâ aperturam superiorem inducitur; cum hoc tamen discrimine, quod facies antrorsum stet, majorque deinde requiratur inversio ad traducendum caput in idoneam positionem, seu tertiam obliquam 1^{mi}. gen. 1^{mæ}. class. (§. LXXVI. n^o. 1.).

CVII. (1) Partem colli lateralem dextram ad extractionem à pedibus remittimus; nisi admodum facile digitis moveretur infans, admoventurque possit auris, deinde ovatum superius suprâ aperturam superiorem induci, caputque demum ad idoneum situm transverti; quod adeò rarò contingit, ut hoc genus, cæteraque istius ordinis, in hac absolutionis viâ, reponenda visa non fuerint.

Secundum genus;
Infantulus par-
tem colli later.
dext. obvertens.

(2) Quartus ordo puncta omnia faciei lateralis sinistræ complectitur, tertioque inversus est. Quatuor igitur primi ejus generis species inversæ sunt quatuor imi. gen. præcedentis ordin. speciebus, operâque inversâ ad idoneam positionem reduci possunt.

DE SECUNDA ABSOLUTIONIS VIA.

Seu de extractione Infantuli à pedibus.

CVIII. (1). Antequàm de secundâ absolutionis viâ, seu de infantuli extractione à pedibus dicamus, non intempestivum erit quædam principia & generales quasdam regulas statuere, quibus in decursu operæ prudens obtemperare debet obstetricans.

(2) Primum principium versatur in eo quòd multò facilius sit componere diametros capitis infantuli ad parallelam diametrorum aperturæ superioris, cùm foetus extrahitur à pedibus, quàm cùm caput ad idoneam positionem reducitur (a).

(3) Secundum est quòd, cæteris paribus & concordantibus hinc & inde diametris, magnum discrimen sit circa facilitatem quâ caput aperturam superiorem trajicit (b).

(a) Quia pedum & corporis inspectu, positio capitis elucet, quia etiam magis apprehensioni favet.

(a) Caput v. g. crassum stans suprâ aperturam superiorem, si contractiones uterinae satis validæ non sint ad illud subito expellendum, aut si apertura arctior sit quàm ut sinat ovatum superius ipsam subire, quantum necesse est: caput, inquam, tunc corpore in quod contractiones agunt, pulsus & aliundè margine pelvis impeditum necessario deprimitur, & ejus recta diameter minuitur, dum transversalis & anterior in longitudinem patent, id est, pars collo respondens seu basis accedit ad verticem, & eâdem proportionem, protuberantiæ frontales à se invicem recedunt: occiput pariter ab ossibus faciei removetur, capitisque latitudo recuperat quod latitudini subtrahitur, sicque crescit impedimentum. Contrarium evenit cùm infantulus à pedibus extrahitur, quia humeris alterutram è diametris obliquis superioris aperturæ emensis, caput superficiem minimam obvertit, mento, nochâ demum inferiori occipitis parte facile subeuntibus, excavationem pelvis parva, cujus

(4) Tertium principium est, non tam mortiferum esse, quam diu arbitratum est, nuncque etiam nonnulli existimant, infantulum à pedibus extrahi; etsi infantes plerique hoc modo extracti moribundi prodeant; id potius laboris pertinacitati, operæque seriùs adhibitæ tribuendum est, quam operæ ipsi, quæ minùs certè noxia est, quam difficilis periculosaque capitis remotioris ad idoneam positionem reductio, utero sicco, & partim coarctato.

(5) Quarto denique cum dubium sit utrùm mulier solis propriis viribus, capite etiam ad idoneum situm adducto, sese exoneratura sit, consequens videtur infantulum pedibus extrahendum, quoties saltem ad immutandam positionem manus tota intromittenda est; cum mulier tunc passa sit quodcumque vel ferè quodcumque pati poterat, nec amplius sit passura, cum illicò corpus, caputque foetus traducentur.

CIX. (1). Sunt autem quædam observandæ regulæ quoad istam partus absolvendi viam, 1°. Puero sæpiùs antrorsum flexo, hâcque flexione faciliiori & naturæ magis consentaneâ, cum ad inquirendum pedes manus immittitur, corpus antrorsum evolvendum est; ideòque subrependum juxtà faciem ejus anteriorem, quæ dignoscitur pedum perceptione, aut characteribus partis occurrentis.

(2). 2°. Manum adversam lateri, juxtà quod facies anterior foetus jacet, melius est adhiberi, v. g., si facies anterior ad dextram matris advertat, manu lævâ utendum; si ad sinistram, dextrâ: cum autem aut infra aut sursum respicit, manus utralibet indifferenter adhibetur.

(3). 3°. Cum orificio occurrit caput unâ cum funiculo umbilicali, manu alterutrâ aut utrâque, brachio, aut ambobus simul; in quocumque situ versetur, repellendum erit; nec de funiculo, manibus, brachiis ullatenus laborandum, quæ necessariò cum capite recedunt, cum modo congruo ad inquirendos pedes sublevatur. Si pariter occurrant cum illis partibus pedes, extrahentur confidenter, nisi tamen funiculus femora infantuli trajiceret; tunc enim quàm celerrimè fieri poterit, femur alterutrum solerter extricandum esset.

(4). 4°. Ordinariè & nisi res urgeant, manus in uterum introduci -

axi parallela est diameter recta capitis, dum transversalis humerorum directionem, anteriorque alterius obliqua diametri apertura directionem sequitur. In hoc casu si crassius sit caput, aut arctior apertura, protuberantia parietales equidem impediuntur, sed attractio ab exteriori proveniens, aut conatus uteri expulsivus in caput agentes, illud quasi ad viam conformant; protuberantia parietales igitur ad se invicem accedunt eò facilius, quòd mediante suturâ sagittali, parietalia super se ipsa transcendunt, & sic diameter transversalis minuitur; pratereaue recta protrahitur, si protuberantia parietales propius ad se accedant, quàm sinat spatium membraneum suturæ, quèd tunc vertex à cranii basi recedat.

nec intrà illum agere debet, ingruente dolore. Motus quàm levissimè esse debent, digiti molliter recurvi, & infantuli corpori semper inhærentes, ne unguës parietes uteri lædant.

(5) 5°. Cùm pes prodit, alter inquiri potest, quanquàm ille non intropellatur: quòd si extremitas tota prolata esset, femur ad summum repelli posset, ut facilius manui aditus foret; sed nullatenus necessarium est ut pes alter inquiratur; sed sive prodierit matris viribus, sive solus ab obstetricante adductus, sine periculo extrahi infantulus potest, si constet quàm altissimè illato digito, alterum aut flexum, aut facile flectendum suprà faciem anteriorem: si autem jamdudùm prodiisset extremitas, & coarctatus uterus esset, periculosissimum quidem eum velle intrò repellere.

(6) 6°. Cùm Christiani partes gerere debeat obstetricans, ideò si periculum sit, ne fatum ipso in limine vitæ infantem, sicuti turbo nascentem rosam, abripiat; ipsum baptismali aquâ tingere properet, quamcumque partem præbeat.

Positis his generalibus regulis, ad operam in secundâ absolutionis viâ adhibendam devenimus.

PRIMUS ORDO.

Seù de infantulo alterutram extremitatem, aut quamlibet regionem faciei anterioris objiciente.

CX. (1). In genere, quod cæteris præponimus quia ad illorum intelligentiam conducit, infantulus pedes obvertit, quod à calcibus & digitis agnoscitur.

(2) In primâ positione calces ponè symphisi pubis jacent, digitique juxtà sacrum; quod faciem retrorsum designat.— Si ad viam, quam servat infantulus sic situs, solis maternis viribus ab utero prodiens, operam nostram conformare velimus, advertemus, cruribus parteque femorum exterius positis, coxas arcum pubis subeuntes obliquè cedere; hinc humeros parallelos esse alteri è diametris obliquis superioris aperturæ, per quam labuntur; & capite eidem viæ occurrente, ejus transversam diametrum parallelam diametro humerorum, obliquæ eidem diametro quàm humeri trajicientes secuti sunt, esse quoque parallelam, dùm ejus diameter anterior alteriùs obliquæ diametri superioris aperturæ sortitur directionem. Tunc caput obliquè positum, facie juxtà juncturam sacri cum ileo jacente, facile excavationem pelvis parvæ subit, in quâ facies retrorsum cedit, egrediturque tandem sive utero expulsum, sive corpore infantuli abreptum, interdum cum laceratione commissuræ aut perinæi.— Cùm prodiens infantulus alterutram tantum extremitatem præbet, omne in hoc vertitur discrimen, quod altera suprà abdomen flexa jaceat:

Primum genus.
Extractio à pedibus infantuli pedes suprà aperturam superiorem præbentis.

Prima species.
facie anteriori infantuli retrorsum.

cum autem clunes præbens exit, ambæ abdomini incubant: cum verò genual, crura supra posteriorem femorum partem hærent.

[3]. Ut sedulò naturæ viam teneamus, & incommoda interim occurrentia præcaveamus, ubi notus erit infantuli situs, tribus digitis unctis & sapienter inductis, pedes inquiremus. Si adhuc supra aperturam superiorem jaceant, ambos ad vulvam adducemus & ni simul, alterutrum seorsim; vel si jamjam eò pervenerint, utràque manu eos apprehendemus linteò tenui & sicco, ne elabantur, adhibito: deindè manus super infantuli corpus, dum extrahetur, insinuabimus; donec femora ità apprehendi possint, ut corpus obliquè à dextrâ ad sinistram inverti possit. Coxis sic obliquè positis, leviter manu utràque rursus extrahetur infans, exiguis motibus à dextrâ ad sinistram, ab infra fursùm, & viceversâ circumactus. Cum humeri, caputque obliquè in excavationem pelvis parvæ incesserint, rursùm; perseveranteque extractione, in positionem horizontalem componentur; Cum verò humeri arcum pubis habituri sunt, in obliquum iterùm invertentur, ità ut humerus dexter ligamento sacro-ischiatico juxtà lævum latus matris inhæreat, alterque propè ramum ischii jaceat; iterùm trahetur infantulus, donec brachia exterius ità pateant ut alterum extricetur; quod præstabitur corpore, manu semper illud sustinente, retrorsùm & obliquè lato juxtà ligamentum sacro-ischiaticum; tuncque indice & pollice à lateribus superius apprehendetur brachium, attraheturque donec cubitus antrorsum deorsumque invertatur à regione temporali in faciem, indèque in pectus, exterius prodians depulsus. Dein corpore sursum attracto aliud facillè adveniet brachium, eodem modo extricatum. Ubi ambo brachia prodierint, facies versùs sacrum iterùm invertetur, & ut sine perinæi laceratione egrediat, indicem mediumque dextræ manûs supra maxillaria superiora, juxtà utrumque nasi latus, apponet obstetricans. Corpus infantuli super faciem internam brachii sui reponet, deindè ne commissura superior lædat, manu aversâ monti veneris innitente, duobus digitis in furcillæ modum divaricatis, partem colli posteriorem circumplectetur, ambobusque manûs dextræ digitis sublevato & attracto capite, sic frontem à perinæo dimovebit. Ubi editus fuerit infans, eo quo in priori classe dictum est modo, ergà illum sese geret obstetricans.

Secunda species.
Anteriori facie infantuli antrorsum

[4] In secundâ positione hujus generis prioris inversâ, tali juxtà sacrum, digitique juxtà pubim jacentes, faciem antrorsum versam indicant. Hæc omnium rarissima & minimè idonea est, eadem circà illam impenditur opera, ac circà priorem; præter quòd cum crura, femoraque apprehendi possunt, eorum major fieri debet inversio, capitis obliquè componendi causâ, & ut facies versùs juncturam sacri & ilei dextri reducat. Eodem deindè ac supra pergatur modo.

Tertia species.
facie anteriori dextrorsum,

[5] In tertiâ tali ad lævam, digitique ad dextram videntur; frequentissima & maximè idonea est, cum per exiguam inversionem obliquè

& in optimam positionem adducatur caput.

[6] Quarta tertiæ inversa, non æquè idonea est: cum enim jamdudum effluxæ sunt aquæ, non-nisi difficile invertitur caput.

Quarta species.
Facie sinistrorsum.

[7] Cum igitur crassitudine corporis tenue caput dijudicatur, aut pelvis ampla videtur, satius facies sinistrorsum relinquitur, & parum obliquè duntaxat, simul & retrorsum verti debet, potiusquàm tentetur ejus ad dexteram inversio; indè enim plurimum & sæpè inaniter collum fatigaretur: plerumque etiàm obstetricans caput inverti existimat, dum corpus, distorto collo, solum rotat, præterquàm in hocce casu non debet tentari capitis inversio; eadem operâ atque in superioribus speciebus adhibebitur, si in quâdam è præmissis positionibus altera manus, aut utraque, vel funiculus umbilicalis, orificio aut vulvæ occurreret; his despretis, attraherentur pedes, partes enim illæ necessariò tunc regrederentur.

[8] Postquàm de hoc genere primi ordinis, seu de infantulo pedes præbente, simul & de modo illum extrahendi differuimus, ad illud cætera omnium ordinum nunc reducturi sumus, ut circa hæc opera superius descripta adhiberi possit.

[9] Secundam absolutionis viam species omnes classis secundæ expolulant, ææ etiam, cum reductio locum non habet, quas priori adscripsimus. Horum posteriorum non characteres omnes sed tantum maxime insignes assignabimus, de iis fusè supra, ubi de reductionis viâ, locuti.

CXI. [1] Cum infantulus situm secundi generis sortitur, sive ovatum superius supra aperturam superiorem obvertit, cujus supra (S. LXXIV. n.º. 3.) attulimus characteres: si caput primam positionem obtineat, facies retrorsum vertetur.

Secund. genus.
extractio à pedibus infantuli ovatum superius superiorem aperturam obvertentis.

[2] Primò digiti cautè in uterum immissi parum caput repellunt, deindè inter sacrum & illud leniter irrepunt, itaut juxta latus pelvis, posterius averfa stante manu, capitis vertex palmæ innitatur, deindeque repellatur in alterutram foveam iliacam; in dextram si manus dextra adhibeatur; si autem læva, in lævam. Mox occurrunt genua, quæ plerumque propè caput jacent: digitis facies anterior crurum peragratur, donec perventum sit ad pedes, sæpius transversos; tunc flexis, quàm minimè fieri poterit, digitis, antea extensis, attrahitur statim pes superior, qui sternitur simul cum crure supra internam manum, deindè progrediendo alter pes apprehenditur, eodemque modo reducitur juxta alterum; gradatim postea, demissâ manu, foràs extrahuntur: interea, si opus sit, in uteri fundum palmâ repellendo caput.

Prima species.
Facie retrorsum.

[3] Si, quod infrequentissimum est, infantulus non antrorsum, genibus supra pectus recumbentibus, flexus sit, sed rectus aut ferè rectus, aut, quod pejus esset, supra posteriorem partem flecteretur; anticè manus pariter immittenda esset, digitis pariter extensis, nec eorum extremitas

& ungues corpus prolis linquere deberent.

[4] Aliquandò contingit, aquis jamdudum effluxis, ut uterus in se ipsum regrediatur, &, ut ità dicam, ad corpus foetus, conformetur sese magis coarctans, quàm parte ad tenuioris infantuli regiones respondet. In hoc casu maximè arduo, sese gerat obstetricans circà quamlibet rugam uteri eodem modo atque ergà orificium, eas scilicet gradatim dilatando; digitum statim, parùm comprimendo corpus infantuli, leniter immittens; duos deindè digitos, & sic de cæteris, donec manus introducta fuerit. Sæpè necesse est ut pluriès retrahatur, rursùmque immittatur manus propter torporem à validâ compressione uteri ortum.

[5] Cùm ad pedes perventum est, attrahuntur, eadem semper adhibitâ curâ, ne nimis fatigetur uterus, undè molesta & prava sequerentur. Hâc viâ plùs minùsve facilè species illa ad iam. reducitur imigen. positionem, infantuli scilicet præbentis pedes suprà aperturam superiorem, facie retrorsum, tuncque eodem ac in prædictâ species (§. CX. n°. 3.) modo sese gerit obstetricans.

Secunda species.
Facies entrorsum.

[6] Secunda positio, cujus characteres assignavimus (§. LXXV. n°. 2.) à primâ tantùm differt in eo quòd facies antrorsum jaceat; indice, medioque parùm divaricatis, regioni occipitali stantibus, polliceque mediis protuberantibus frontalibus incumbente, apprehenditur caput & sublevatur usque ad foveas iliacas, in quarum dextram levi motu rotationis pugni aut metacarpi, vel digitorum, impellitur facies ab anteriori parte ad lævam, & occiput à posteriori ad dextram invertitur; deinceps sicut in præcedenti specie, capite reducto, pergitur.

Tertia species.
Facies dextrorsum.

[7] Tertia positio, cujus characteres jam delineavimus (§. LXXVI. n°. 1.) prioribus magis idonea est ad extrahendos pedes; cùm, facie jam lateraliter versâ, sufficit, si lævâ manu parùm sublatum caput sinistram in foveam iliacam pellatur, ut prædicto deindè peragatur modo, infantulum statim in quartam pedum positionem (§. CX. n°. 6.) adducendo.

Quarta species.
Facies sinistrorsum.

[8] Quarta præcedenti inversa multò magis favet, eò quòd dextra manus adhibeatur, & caput more solito sublatum in foveam iliacam dextram dejiciatur, infantulusque deinde in tertiam pedum positionem (§. CX. n°. 5.), optimam scilicet, ad absolvendam extractionem, reducatur.

Tertium Genus.
Extractio infantuli faciem suprà aperturam superiorem obvertentis.

CXII. [1] Cùm infantulus in tertio genere primi ordinis, cujus suprà (§. CIII. n°. 1.) attulimus characteres, versatur; cùm scilicet faciem suprà aperturam superiorem præbet, si sit in primâ positione, seu mentum retrorsum stet, & defectu conditionum requisitarum, pedes quærendi sint; mentum, collumque, partem deinde thoracis anteriorem repellentes, viam, intrà corpus & uteri posteriores parietes, ad pedes aperiemus: Dùm autem illi extrahentur palmâ repellatur caput in foveam iliacam dextram, si dextra adhibeatur manus; in lævam autem si

Prima species.
Mento retrorsum.

læva

læva. Potest etiam ante pedum inquisitionem repelli ; aut denique, quod facilius, nisi fibrarum rigiditas obftet, opera suprà relata (§. CIII. n^o. 3. 4.) infumetur ad reducendam positionem hanc, statim ad 1am., mox ad 4tam. 2di. gen. 1mi. ord. (§. CXI n^o. 1. 8.) ; tuncque congruo modo sese geret obstetricans.

[2] Secunda positio priori inversa, sed peior & difficilior : inquiri possunt antèrùs pedes, caput collumque paulatim repellendo ; aut dùmtaxat leviter sublatum, nec mutatâ directione, caput in foveam iliacam dextram dejicietur, ut ad pedes facilior sit via ; poterit etiam per supràdictam operam (§. CIII. n^o. 5.) reduci caput in 2am. positionem, deindeque in 4tam. 2di. gen. 1mi. ord. (§. CXI. n^o. 6. 8.) ; tuncque sicut in hâc ultimâ positione, extractio pedum absolvetur.

Secunda species.
Mento antrorsum.

(3) Tertia positio seu in quâ mentum dextrorsum jacet, quàm priores minùs noxia est. Parùm dùmtaxat caput, mentum præsertim, collumque & pectus repellentes, manu lævâ inquirere pedes possumus : facillè etiam muliere suprà sinistrum latus jacente, adhibitâque superiùs, ubi de capitis reductione (§. CIII. n^o. 6.), descriptâ operâ, caput induci potest in 3tiam. speciem 2di. gen. 1mi. ord. (§. CXI. n^o. 7.) ; superest deinde ut tantùm in foveam iliacam lævam impellatur caput ad perficiendam postea extractionem, infantulum in 3tiam. pedum positionem (§. CXI. n^o. 5.) primùm reducendo.

Tertia species.
Mento dextrorsum.

[4] Quarta tertiæ inversa positio multò minùs noxia est, eò quòd manus dextra adhibeatur, caputque in foveam iliacam dextram impelli debeat : usurpari etiam potest agendi modus suprà assignatus [§. CIII. n^o. 8.] ubi de reductione capitis in 4am. 2di. generis positionem (§. CII. n^o. 6. & CXI. n^o. 8.) quæ est ad pedum extractionem aptissima ; tunc ut suprà absolvetur partus.

Quarta species.
Mento sinistrorsum.

CXIII. [1]. Cùm in quarto genere primi istius ordinis occurrit infans, dùm scilicèt collum suprà apperturam superiorem objicit, & primam positionem obtinet, seu capite antrorsum jacet, aquis recenter effluxis, facillè inquiruntur pedes ; multùm autem difficilè id præstaretur, si jamdudùm effluxissent aquæ ; idque tantò difficilìus, quantò ampliùs coarctatus uterus esset : id etiàm oriri posset ex eo quòd cùm infantulus deberet antèrùs flecti, truncus ejus rectus aut retrorsum flexus esset. Quò magis pars anterior colli antrorsum projicitur, eò magis caput flectitur suprà humeros. Pessima est hæc positio & periculosa, nisi huic statim succuaratur, collo parteque superiore & anteriore thoracis sursum depulsis. Sic sublati partibus, via ad pedes præparatur, naturalisque flexio collo & corpori restituitur ; undè opera congrua ad inquirendos extrahendosque pedes suprà enarrata [§. CXI. n^o. 2. & CXII. n^o. 1.] facilis evadit.

Quartum genus.
Extractus infantuli illum suprà aperturam superiorem obvitantis.

Prima species.
Capite antrorsum.

(2) Secunda positio priori inversa multò magis noxia habetur ; prædicto modo restituenda est flexio colli ; expedit etiam maximè ut quan-

Secunda species.
Capite retrorsum.

tum fieri poterit, caput in foveam iliacam impellatur, parum etiam obliquè si fas sit, ut extractio ratione descriptâ (§. CXI. n^o. 6. & CXII. n^o. 2.) absolvatur.

Tertia species.
Capite sinistrorsum.

(3) In tertiâ mentum ad sinistram jacet, caput in foveâ iliacâ juxtâ idem latus constituitur, claviculæque & pars pectoris anterior versùs foveam iliacam dextram. Minus periculosa est prioribus hæc positio; facilis etiam, utero non penitus coarctato. Sufficit infantulum anteriùs flecti; multum etiam expedit ut parturiens sinistro lateri incumbat, ut corpus infantuli dextrorsum inclinatum ad rectam lineam accedat, faciliusque per spatium liceat lævâ pedes inquirere, partumque deinceps viâ solitâ [§. CX. n. 3. 5.] absolvere.

Quarta species.
Capite dextrorsum.

(4) Quarta tertiæ inversa magis favet. Præter mutationem flexionis corporis, quæ eadem est ac in præcedenti, inversam operam postulat, donèc apprehensi pedes, præscriptâ ratione, manu dextrâ attrahantur.

Quintum gen.
Extractio infantuli partem thoracis anteriorem suprâ aperturam superiorem objicientis.

CXIV. (1) Quintum genus, seu pectus suprâ aperturam superiorem decurrens, satis patulum tumorem præbet, in quo deprehenditur sternum duritiæ & asperitatibus conspicuum: annotantur præterea cartilaginee costarum verarum, parsque anterior ossea, fursum denique claviculæ, deorsumque margo cartilagineus spuriarum costarum.

(2) In primâ positione claviculæ & pars sterni superior pubi matris innituntur, cartilagineusque margo spuriarum costarum suprâ sacrum. Hæc positio sicut & reliquæ hujus generis, tantò asperiores sunt, quantò diutius effluxæ sunt aquæ. Infantulus eò magis retrorsum flexus est, quò major pectoris prominentia. Femora, suprâ quorum partem posteriorem crura, jacent, cum ipsâ abdomini incumbere deberent, sæpiùs extensa sunt; parsque eorum anterior super uteri punctum incumbit ad vertebralem columnam respondens, indèque pedes amoveantur.

(3) Effluxis tamen recenter aquis, manu dextrâ juxtâ anteriorem foetus superficiem, quæ sensim sublevatur, satis altè perlatâ, ad genu pervenitur, quod deorsum, corpore gradatim repulso, attrahitur. Manus quoque extensa juxtâ lævum latus ingeri potest, corpusque ad dextram matris pelli, ut pedes suprâ posteriorem partem femorum jacentes comprehendantur; deducuntur continuo ad lævam, acti per palmam manûs, corpore fursum dextrorsumque interea impulsio.

Secunda species.
Capite retrorsum.

(4) Secunda positio priori inversa, omnium maximè noxia est, admodum arduâ operâ eget, sicco præsertim utero, cum valdè difficile sit pedes antrorsum inquiri.

(5) Tota ars contrahenda est ad reducendum infantulum in transversam directionem. Caput saltè juxtâ alterutrum columnæ vertebralis latus esset dejiciendum. Apprehenso deinceps corpore medio, parumque verso, caput in foveam iliacam viciniorem reduci poterit; dum manu exterius abdomini adhibitâ corpus sinistrorsum repellitur, si caput sit in foveâ iliacâ dextrâ; dextrorsum autem, si in lævâ.

(6) Sic posito infantulo, manus alterutra juxta partem ejus anteriorem, quæ, ut supra, sensim sublevatur, immittitur, ad inquirendos pedes, absolvendumque supra dicto modo partum.

(7) In tertiâ positione, claviculæ parsque sterni superior, margini pelvis, juxta latus lævum innituntur, cartilagineusque margo spuriarum costarum margini pelvis dextro. Hæc positio duabus superioribus minùs noxia est, satisque etiâ apta evadit, cum uterus non ita infantulo adhæret.

Tertia species.
Capite sinistrorsum.

(8) Tunc pectus facilè repelli potest inducendo manum lævam ab infra sursum & à sinistrâ ad dextram supra faciem anteriorem, pedesque in suam quartam positionem (§. CX. n°. 6.) redacti, haud ægrè apprehenduntur. Id etiâ faciliùs obtinetur, prægnante supra latus lævum jacente.

(9) Quarta positio tertiæ inversa est, inversa requiritur etiam opera, donec ad pedes perventum sit: hæc tamen magis apta est, cum manus dextra adhibeatur & reducatur infans in 3am. positionem 1mi. gener. seu pedum, de quâ supra (§. CX. n°. 5.), quæ, ad absolvendam extractionem, ut ibi demonstravimus, quartâ magis idonea est.

Quarta species.
Capite dextrorsum.

CXV. (1). Sextum genus, seu abdomen infantuli supra aperturam superiorem occurrens, digito mollem tumorem objicit, in quâ deprehenditur funiculus, ejusque insertio ad centrum pelvis respondens. Observare etiâ licet marginem cartilagineum costarum, cristam ossium ilium &c.

Sextum genus.
Extractis infantuli abdomen supra aperturam super. advertentis.

(2) In primâ specie pectus supra pubim, genitaliaque supra partem sacri superiorem innituntur. Ad inquirendos pedes leviter sublevatur abdomen, ut juxta pelvim & femora irrepât manus, donec perventum sit ad genua, quæ ambo sinistrorsum attrahuntur, dum manûs immissæ palmâ, exteriorique ventri adaptatâ, caput truncusque infantuli dextrorsum repelluntur. Hac viâ admoveatur infantulus ad directionem transversam, quæ ad absolvendam extractionem maximè idonea est.

Prima species.
Pectore antrosum

(3) Secunda positio priori inversa est, eadem circa illam adhibenda est opera, quam circa 2dam. positionem superior. gen. (§. CXIV n. 4. 5.) conscripsimus, cum in eo tantum circa utramque versetur discrimen, quod in hac specie, minor sit distantia pedum à superiori aperturâ, quàm in illâ.

Secunda species.
Pectore retrorsum

(4) In tertiâ specie pars anterior inferiorque pectoris, margini pelvis juxta latus sinistrum innititur, genitaliaque ad dextrum jacent. In hac positione eodem sese geret modo obstetricans ac in 3tia. positione 5ti. gen. (§. CXIV. n°. 6.), seu cum pectus supra aperturam superiorem, capite sinistrorsum, stat. Hæc autem minùs ardua est, pro minori genuum distantia.

Tertia species.
Pectore sinistrorsum.

(5) Quarta tertiæ inversa est, ideòque huic compenit assignata circa 4tam. 5ti. gen. (§. CXIV. n°. 8.) positionem, opera.

Quarta species.
Pectore dextrorsum.

Septimum gen.
Extractio infantu-
li genitalia supra
aperturam super.
objicientis.

CXVI. (1) Septimum genus, seu infantulus pelvim suam supra aperturam superiorem objiciens, partium genitalium tactu facile dignoscitur; vicinas etiam partes contrectare licet, femora v. g., spatium interjacens, spinam denique superiorem & anteriorem innominatorum.

(2) In primâ specie margini pelvis posticè innituntur femora, parteque ventris inferiori, supra pubim matris jacente. — Secunda priorî inversa. — In tertiâ infantuli femora pelvis margini dextro innituntur, inferiorque pars ventris margini lævo. — Quarta huic inversa est.

(3) Cum autem quadruplex opera quatuor positionum 5. gen. (§. CXIV.) ad quatuor 6ti. gen. species (§. CXV.) fuerit adaptata, quatuor pariter istiûs septimi generis positionibus conveniet; Distantiâ quippè pedum genuumque in his positionibus minùs quàm in supra relatis obstante, minùs arduum est pedes ad positiones idoneas reducere, ut prædicto. modo partus absolvatur.

Octavum gen.
Extractio infantu-
li genu vel genua
objicientis.

CXVII. (1) Octavum genus, seu genuum occurfus, ex altero aut duobus tumoribus rotundis excipitur; in quibus exigua deprehenditur asperitas, rotula scilicet: hoc genus indicant pariter poplites flexi, genitales partes, si ruptæ membranæ has digito occurrere sinant.

Prima species.
Femoribus retror-
sum.

(2) In primâ specie crura super symphisim pubis sita sunt, parsque femorum supra sacrum. Ad pedes in hâc positione apprehendendos, genua fursum antrosumque pellenda sunt; tunc pedes sese quasi spontè manui offerunt, vel etiam apprehenduntur crura, quæ, repulsis interea, quantum opus est, femoribus, attrahuntur.

Secunda species.
Femoribus. an-
trosum.

(3) Secunda positio priorî inversa. Genubus, femoribusque fursum antrosumque pulsus, labuntur crura, aut veluti supra apprehenduntur; quæ ubi exteriùs prodierint, attrahuntur ut inverti possit infantulus, faciesque ejus anterior dextrorsum, & obliquè, ut supra (§. CX. n°. 3. 4.), reducatur.

Tertia species.
Femoribus sinis-
trosum.

(4) In tertiâ positione, femora juxtâ pelvis marginem ad lævam, cruraque ad dexteram jacent. Genua femoraque ab infrâ fursum, à dextrâ ad lævam pelluntur, ut labantur aut apprehendi possint crura.

Quarta species.
Femoribus dex-
trosum.

(5) Quarta positio tertiæ inversa est, ad extrahendos pedes operam quoque inversam exigit.

(6) Si genua jam valdè processerint, sic sita extrahi poterunt, ita tamen ut in obliquum, & in 3tiam. positionem 1mi. gen. (§. CX. n. 5.), quàm maximè fieri poterit, vergant, seu ita ut facies corporis anterior dextrorsum & in obliquum sic se componat, ad partum deinceps, supra descripto modo (§. CX. n°. 3.), absolvendum.

(7) Si genu alterum multum progressum esset, constaretque rectè fissum esse corpus, alterumque supra ventrem jacere, ab illo extrahi posset, & quidem sine periculo, infantulus.

SECUNDUS ORDO;

Seù de Infantulo posterioris faciei punctum obvertente!

CXVIII. (1) Primum genus istius ordinis occiput est suprâ aperturam superiorem; cujus generis characteres jam assignavimus (§. CIV. n^o. 1.) ubi de reductione capitis in idoneam positionem.

Primum genus.
Extractio infantuli à pedibus, occiput suprâ aperturam super. ob-
jicientis.

(2) Si prima occurrat species, seu si ovatum superius antrorsum stet, collumque retrorsum; ad inquirendos pedes, caput primum in 2am. 2di. gen. 1mi. ord. positionem (§. CII. n^o. 3. & CXI. n^o. 6.) reducemus, quemadmodum illud præstitum fuit; ubi (§. CIV. n^o. 2.) prægnantem scilicet antrorsum inclinari præcepimus; occiputque sursum, retrorsumque pellendo, ovarum superius super aperturam, facie antrorsum, adducemus; tuncque eodem modo ac in prædictâ specie (§. CXI. n^o. 2.) ad extrahendos pedes prosequemur.

Prima species.
Ovato superiori antrorsum.

(3) Secunda species priori inversa est, inversâque operâ ad 1am. 2di. gen. 1mi. ord. positionem (§. CXI. n^o. 1.) reducitur, eâdem, quâ id præstitimus suprâ, ratione, adhibebiturque tunc præscripta opera, si pedum necessaria evadat extractio.

Secunda species.
Ovato super. sinistrorsum.

(4) Tertia cujus jam characteres protulimus (§. CIV. n^o. 4.) eandem ad extractionem pedum operam desiderat, quam reductioni capitis in idoneam positionem impendimus, donec quartam 1mi. gen. 2di. ord. classis istius speciem (§. CXI. n^o. 8.) attigerit, tuncque reductione prætermittâ, pedum, ut in illa specie, fit extractio.

Tertia species.
Ovato super. sinistrorsum.

(5) Quarta positio præcedenti inversa, inversam operam exigit; ad 3iam. positionem 2di. gen. 1mi. ord. (§. CXI. n^o. 7.), ovatum scilicet superius, facie retrorsum, reducitur. Nullatenus autem exiguâ inversione ad 3iam. obliquam 1mæ. classis reducendum est, sed manu sinistrâ pedes, ut suprâ commendavimus, apprehenduntur.

Quarta species.
Ovato super. dextrorsum.

CXIX. (1) Cum infantulus collum suprâ aperturam obvertit, seu versatur in secundo genere, de quo ubi de reductione capitis (§. CV. n^o. 1.) egimus, & cujus, sicuti & specierum singularium, characteres dinumeravimus.

Secundum genus.
Extractio infantuli partem colli posteriorem præbentis.

(2) Quamcumque quatuor specierum sortiatur collum, reduci primum debet caput ad speciem numero respondentem præcedentis generis, eâdem, quâ suprâ usi sumus, viâ (§. CV.), ubi de reductione, & deindè adhibenda ad extrahendos pedes, impensa in quatuor primis speciebus opera.

(3) Licet etiam, quamvis minus facile, pedes, omittâ de quâ mox diximus reductione, inquirere; collum scilicet sublevando, repelli corpus infantuli poterit ad latus positioni cuilibet consentaneum; manu deindè juxtâ lateralem infantuli partem irrepente, inflexâque suprâ fa-

ciem anteriorem, pedes apprehensi, parte superiori trunci in quantum opus est dejectâ, attrahuntur.

Tertium genus.
Extractio infantuli dorsum obicientis.

CXX. (1) Tertium genus, sive suprâ aperturam occurrens dorsum (cujus reductionem minimè tentavimus) tumorem latum & asperum præbet, in quo scapulæ, spinæ vertebrarum dorsalium, costæ, spatiumque interjacens, deprehenduntur.

Prima species.
Capite antrorsum.

(2) In primâ positione hujus generis pars posterior inferiorque colli pubi matris innititur, parsque inferior dorsi suprâ sacrum jacet. — Ad inquirendos pedes, sublato, quantum requiritur, infantulo, manus dextra intrâ faciem lateralem dextram, lævumque matris latus inducenda est, polliceque juxtâ aliud infantis latus immisso, medium apprehenditur corpus, & per quartam inversionis partem à sinistro latere ad dextrum volvitur, ita ut facies lævum pelvis matris latus advertat. Interea obstetricans per levissimum rotationis pugni motum, directionem manûs mutat, simulque infantuli positionem, cujus corpus obliquè, caput dextrorsum, partesque inferiores sinistrorsum componit. Tunc addito pollice, apprehenduntur pedes mox occurrentes, & dum deorsum, sinistrorsumque attrahuntur, palmâ manûs, averfisque mox digitis, superiores sursum, dextrorsumque pelluntur partes, absolviturque, suprâ dicto modo, partus.

Secunda species.
Capite retrorsum.

(3) Secunda positio priori inversa est, quanquam non ab similem exigit operam ad invertendum infantuli corpus. In eo tantum possum est discrimen, quod caput sinistrorsum, inferiorque trunci pars dextrorsum & antè reduci debeant, unde ardua magis in hoc casu evadit partûs absolutio.

Tertia species.
Capite sinistrorsum.

(4) In tertiâ positione, pars posterior colli super marginem pelvis lævum incumbit, parsque inferior dorsi suprâ dextrum jacet. — In hoc casu extensa manus dextra in uterum, versûs pubim faciemque lateralem sinistram foetus, inducitur. Licet quarta inversionis pars, quam in duabus superioribus speciebus præcepimus, non absolute necessaria sit, expedit tamen ut fiat, intereaque dorsum, parsque superior infantuli sursum sinistrorsumque suprâ foveam iliacam dejiciantur; quo facto, quasi spontè occurrunt pedes, facilèque extrahuntur.

Quarta species.
Capite dextrorsum.

(5) Quarta tertiæ inversa æqualem desiderat operam: cum tamen juxtâ diversum latus jaceant pedes, sinistra potius adhibetur manus.

Quartum genus.
Extractio infantuli lumbos obicientis.

CXXI. (1) Quartum genus, sive lumbi suprâ aperturam superiorem, à tertio differt tantum ratione facilioris operæ. Hujus characteres sunt, tumor patens, in quo spinæ vertebrarum lumbarium apophyses, mollia utrinque intervalla, ossium ilium cristæ, spuria denique costæ deprehenduntur.

(2) In primâ positione hujus generis, pars dorsi inferior super matris pubim incumbit, clunesque super margines pelvis posterius. — Secunda

Huic inversa est. In utrâque eadem ac in primâ & secundâ præcedentis generis, opera infumitur.

[3] In tertiâ dorsum super marginem pelvis lævum, clunesque suprâ dextrum jacent. — Huic inversa est quarta; eodem, circa utramque, modo sese gerit obstetricans, atque in duobus posterioribus superioris generis.

CXXII. [1] Quintum genus, seù infantuli clunes orificio occurrentes, tumorem mollem præbentes lineâ bipartitum hinc ano, hinc genitalibus definitâ.

Quintum genus.
Extractio infantuli clunes præbentis.

[2] In primâ specie, anus juxtâ pubim, genitaliaque ossi sacro incumbunt: quamvis mater interdum propriis viribus, infantulo sic sito, sese exonerare possit; hanc juvare satius est, præsertim si clunes intrâ orificium non hæreant.

Prima species.
Ant. corporis facie retrorsum.

[3] Sic se haberi potest opera tunc adhibenda: manus sacrum matris intrâ & tergum infantuli immittetur, palmâ hujus clunes simul & inferiorem trunci partem sursum dextrorsumque pellendo, ut extrahi facilius possint deorsum sinistrorsumque pedes. — Induci quoque potest manus læva juxtâ coxam infantuli dextram, pollexque juxtâ sinistram; tunc per quartam inversionis partem ita constituitur foetus, ut facies ejus anterior dextrum matris latus respiciat: facilius deinceps apprehenduntur & adducuntur pedes, clunibus & trunco sursum sinistrorsumque suprâ foveam iliacam lævam dejectis. — Dorsum denique, deindè clunes & femora sursum antrorsumque repellendo, crura facile apprehendi possunt, pedesque in excavationem pelvis deduci. — Triplex hæc opera suâ gaudet utilitate, & juxtâ varias circumstantias altera alteri prævalere debet.

Secunda species
Facie anter. antrorsum.

[4] Secunda species priori inversa est, opera triplex mox descripta circa hanc adhiberi potest: potissimum autem ambæ posteriores infumuntur.

Tertia species.
Facie anter. dextrorsum.

[5] In tertiâ anus infantuli ad sinistram, genitaliaque ad dextram pelvis reperiuntur. Præstò est in istâ positione partûs absolutio.

[6] Inter infantuli femora dextrumque pelvis latus, immittatur usque ad pedes manus, palmâque simul clunes sursum & sinistrorsum repellantur. — Potest quoque, sublato infantuli trunco, aprior juxtâ coxam induci manus, deindèque juxtâ femur sæpius ventri impositum. Clunes denique sursum sinistrorsumque, simulque truncus repellantur. Cum extremitates juxtâ pelvim pervenerunt, illam subeunt, in illamque labuntur.

Quarta species.
Facie anter. sinistrorsum.

[7] Quarta tertiæ inversa est, inversamque exigit operam. Ideò minus idonea est, quòd ad quartam (s. CX. n°. 6.) pedum positionem tertiâ minus aptam, reducitur.

TERTIUS, QUARTUS ORDO;

Seu de infantulo regionem faciei lateralis utriusque obvertente.

CXXIII. [1] Hic duplex ordo ; uterque quinque genera complectitur, præterquam quod diversum latus obtinent , paria ; de illis ergò conjunctim agemus , referendo quarti ordinis species ad species tertii ordinis, de quibus speciatim acturi sumus.

Primum genus.
Extractio infantuli ovatum laterale capitis alterutrum obvertentis.

[2] In primo genere tertii ordinis , cujus characteres protulimus , ubi de reductione capitis (§. CVI. n^o. 1.), infantulus ovatum laterale dextrum capitis super aperturam objicit.

[3] In primâ specie , quam ibidem descripsimus , protuberantia parietalis pubi matris innititur : angulo inferioris maxillæ juxta sacrum , facieque ad sinistram jacente.

Prima Species.
Corpore retrorsum,

[4] Adhiberi potest opera , ubi de mutatione istius positionis (§. CVI. n^o. 3.), præcepta ad reducendum primum caput ad 4am. positionem 2di. gen. 1mi. ordinis ; deindè ut supra (§. CXI. n^o. 8.) sese gerens abstericans , manu dextrâ pedes inquit , quos ad 3iam. positionem , digitis scilicet dextrorum (§. CX. n^o. 5.) reducit , prædictoque modo absolvitur extractio. — Sublatum quoque caput dextrorsum pelli potest , nequidem mutato ipsius situ , ut extensa manus juxta faciem , deindè juxta anteriorem pectoris partem , posteaque juxta abdomen facile irreat , donec apprehendi pedes possint , qui fursum dextrorsumque adducuntur : caput simul , ut pluries dictum fuit , palmâ manûs repellente.

[5] Si infantulus sit in primâ positione 1mi. gen. 4ti. ord. quæ à superiori tantum differt , quod facies antrorsum dextrorsumque jaceat , eadem viâ caput in 3am. 2di. gen. 1mi. ord. positionem (§. CXI. n^o. 7.) reducetur ; eodem deindè modo absolvetur partus. — Sublevari quoque caput potest , eadem hujus remanente positione , lævâque in foveam iliacam sinistram pelli ; pedes deinceps apprehendentur , & ad 4am. (§. CX. n^o. 6.) positionem suam reducuntur.

Secunda species.
Corpore antrorsum.

[6] Secunda species superiori inversa est , inversamque operam postulat. Secunda hæc species tertii ordinis ad 3am. 2di. gen. 1mi. ord. (§. CXI. n^o. 7.) reducitur , & secunda pariter quarti ordinis species ad 4am. ejusd. gen. atque ord. (§. CXI. n^o. 8.).

Tertia species.
Corpore dextrorsum.

[7] In tertiâ specie , protuberantia parietalis ad sinistram , inferiorisque maxillæ angulus ad dextram , facie antrorsum , constituitur. Opera quam circa reductionem capitis indicavimus (§. CVI. n^o. 5.) in extractione impendi potest , donec caput iam. positionem 2di. gen. 1mi. ord. (§. CXI. n^o. 1.) obtinuerit ; viâ deindè huic positioni propriâ absolvetur partus. — Sublato quoque capite , manus induci potest intrâ infantuli faciem

faciem & matris sacrum, juxta pectus, abdomenque leniter irrepens ad pedes, quos, caput pellendo, attrahit, absolviturque partus ut in 3^{ti}a. 1^{mi}. gen. 1^{mi} ord. positione (§. CX. n^o. 5.).

(8) In eadem quarti ordinis positione, anteriori scilicet facie antrosum, reducetur pariter caput ad 2^{am}. 2^{di}. gen. 1^{mi}. ord. (§. CXI. n^o. 6.) positionem, & modo tunc idoneo sese geret obstetricans. Posset etiam dextrâ, sublato infantulo, pedes inquirere, & supra dicto modo partum absolvere.

(9) Quarta positio quoad utrumque ordinem tertiæ inversa est; inversâ hujus operâ quam mox commendavimus, & quam supra (§. CVI. n^o. 5. 6.), ubi de reductione, descripsimus, ad 2^{am}. 2^{di}. gen. 1^{mi}. ord. (§. CXI. n^o. 6.) positionem reducitur caput, si facies pubim advertat; si autem facies retrorsum stet, caput in 1^{am}. ejusdem 2^{di}. gen. 1^{mi}. ord. positionem adducitur; pergitur deindè ut in his speciebus. — Possunt quoque illicò inquiri pedes, manu intrâ faciem infantuli posteriorem pubimque matris immissâ, si facies antrosum stet; juxta verò sacrum, si retrorsum constituatur; tunc pedes sinistrorsum apprehenduntur, capiteque in foveam iliacam dextram pulso, ad 3^{am}. suam positionem (§. CX. n^o. 5.) adducuntur.

Quarta species,
Corpore sinistrorsum.

CXXIV. (1) Secundum tertii ordinis genus, seu infantulus partem lateralem colli dextram obvertens, tumorem arcum & oblongum præbet, hinc basi & angulo maxillæ inferioris circumscriptum, indeque superiori parte acromii. Pars lateralis læva, sive secundum quarti ordinis genus, iisdem pollet characteribus.

Secundum genus,
Extractio infantuli alterutram partem lateral. colli obicientis.

(2) In primâ specie auris pubi innititur, angulusque maxillæ, simul & pars superior acromii supra sacrum, parsque anterior colli sinistrorsum jacet. — In hac positione in quâ sicut in subsequentibus tentari non debet reductio, quam celerrimè inquiruntur pedes, altero vel duobus primum digitis, gradatimque dextrâ manu juxta partem colli anteriorem lævumque matris latus immisiss, dùm progreditur obstetricans, caput collum pectusque fursim dextrorsumque præsertim repellit.

Prima species.
Capite antrosum.

(3) Quòd si faciem lateralem sinistram præberet infantulus, corporis facie anteriori dextrorsum, manus læva simili modo introduceretur juxta latus prægnantis dextrum, partem trunci superiorem in foveam iliacam sinistram dejiciendo. — Tandem in utroque casu, viâ factâ, apprehenduntur pedes, eâdemque curâ extrahuntur.

Secunda species.
Capite retrorsum.

(4) Secunda positio priori inversa est in utroque ordine; inversa quoque est & asperior in utroque opera; cui ut succurratur, intromissâ manu lævâ, superiores partes repellendæ sunt; quam maximè sinistrorsum fieri potest, si in tertio ordine.

(5) Si autem pars sinistra colli occurrat, faciesque sinistrorsum stet, manus dextra adhibetur, & juxta matris dextram repellitur truncus ut

minùs anteriores sint pedes, quod ex sententiâ cedit si nondùm effluxerint aquæ.

Tertia species.
Capite sinistrorsum.

(6) In tertiâ positione hujus generis in utroque ordine auris suprà pelvis marginem lævum jacet, humerusque dextro incumbit; facies autem sacrum respicit, si infantulus in tertio ordine constituitur; pubim verò, si in quarto. Ad inquirendos pedes dextra manus extensa, in priori casu, intrà anteriorem colli partem matrisque sacrum immittitur: in posteriori autem, intrà infantuli collum pubimque matris. Cætera ut in tertiâ superioris generis specie peraguntur.

Quarta species.
Capite dextrorsum.

(7) Quarta tertiæ inversa, in utroque ordine, inversam pariter operam tùm quoad manum, tùm quoad latus, imperat. Juxtà ordinem in quo constituitur infantulus, in uterum posteriùs, anteriùsve immittitur manus, quæ ad partem thoracis anteriorem progressa, cætera ut in quartâ præcedentis generis specie profequitur.

Tertium genus.
Extractio infantuli humerum alterutrum obicientis.

CXXV. (1) Tertium genus, sivè humerus suprà aperturam occurrens, manusve, aut brachium intrà orificium vaginamque constitutum, maxime noxium est. Cum non explicatum est brachium, humerusque suprà aperturam jacet, istud dignoscitur genus ex tumore rotundo plùs minùsve crasso lato duroque: ruptis membranis, observare quoque licet brachii partem, claviculam, scapulam, & non procul hinc costas.

Prima species.
Capite antrorsum.

(2) In primâ specie infantuli collum suprà symphysem pubis jacet, laterali brachii parte, si nondùm explicatum fuerit, aut dextro thoracis latere suprà sacrum recumbente. Facies infantuli anterior juxtà lævam matris constituitur, si dexter occurrat humerus; si autem sinister, ad dextram reperitur. — In priori casu, pedum inquirendorum causâ, dextrâ sublevandus est infantuli truncus, pellendusque quantum fieri potest sursum dextrorsumque: in posteriori autem, læva manus adhibenda, & ad lævam matris pellendus truncus. Hoc quidem nonnisi difficilimè præstari potest, sicco præsertim aut contracto validè utero. Apprehensis semel pedibus, cætera ut in superioribus speciebus absolvuntur.

Secunda species.
Capite retrorsum.

(3) Secunda species priori inversa est quoad utrùmque ordinem, inversa pariter est opera, sed asperior, pedibus antrorsum jacentibus. — Manus læva adhibetur quoad tertium ordinem, quando scilicet humerus dexter orificio occurrit, faciesque anterior dextrum matris latus respicit; dextrâ autem manu utendum est in 4^o. ordine, quando scilicet, humero lævo occurrente, facies anterior ad lævum matris latus constituitur. Cum humerus suprà foveam iliacam sinistram, dextramve dejectus fuit, corpusque quàm maximè fieri potuerit transversè compositum, solitâ ratione haud ægrè absolvitur partus.

Tertia species.
Capite sinistrorsum.

(4) In tertiâ specie infantuli collum margini pelvis lævo innititur, lumbarisque regio suprà dextrum, dùm pectus juxtà sacri concavitatem constituitur in tertio ordine, & juxtà pubim in quarto. Ut facilis ad pe-

des sit via, sublatus infantuli truncus, quam maximè fieri poterit antrosum in tertio ordine, retrorsumque in quarto pelli debet. Præterea in utroque dextrorsum pellendus est. Irrepente deindè manu, apprehenduntur pedes, dumque dextrorsum sinistrorsumque attrahuntur, partes foetus superiores palmâ repelluntur; modo deindè suprâ descripto absolvitur partus.

(5) Quarta tertiæ inversa quoad utrumque ordinem, inversâ quoque eget operâ; intrâ faciem infantuli anteriorem pubimque matris sinistra immittitur, pergitque ad pedes ab infrâ fursùm, à dextrâ ad lævam in tertio ordine, quando scilicèt facies lateralis dextra occurrit; in quarto autem ordine, seù cum infantulus humerum sinistrum, facie anteriori retrorsum constitutâ, objicit, juxtâ sacrum manus repit; & cum abdomen attigit, cætera quoad utrumque ordinem, sicut in duobus superioribus, peraguntur.

Quarta species.
Capite dextrorsum.

CXXVI. (1) In quarto genere utriusque ordinis, infantulus lateralem partem thoracis & abdominis præbet. Hoc genus tumorem mollem offert, hinc iliûm cristâ, illinc spuris costis circumscriptum.

Quantum genus.
Extractio infantuli alterutram thoracis & abdominis lateralem partem objicientis.

(2) In primâ specie pars thoracis lateralis pubi innititur, spuriaque costæ juxtâ idem latus jacent; coxa suprâ partem sacri superiorem, umbilicalisque regio sinistrorsum reperitur quoad tertium ordinem, seù cum infantulus latus dextrum objicit; in quarto autem, seù cum latus infantuli sinistrum occurrit, dextrorsum constituitur. — Secunda huic inversa est in utroque ordine.

(3) In tertiâ, coxa suprâ marginem pelvis dextrum, spuriaque costæ suprâ lævum incumbunt, ventre quoad tertium ordinem, sacri cavitationem respiciente; pubim verò advertente in quarto ordine, seù cum infantulus latus sinistrum objicit.

(4) Quarta huic adversa est; opera in his quatuor positionibus adhibenda eadem est ac in quatuor tertii generis positionibus; nullum aliud discrimen est, nisi quod in hujus generis speciebus, pedes aperturæ viciniore facilius manui occurrant, difficilius verò transversè repellatur truncus tantò remotior, quantò proximiores sunt pedes.

CXXVII. (1) Quintum & ultimum genus, infantulus scilicet coxam objiciens, ægrè ante ruptas membranas dignoscitur: cum verò ruptæ sunt membranæ, orificiumque satis dilatatum, præter durum planumque tumorem iliûm cristâ altera, aut utraque, nec non clunes deprehendi possunt.

Quintum genus.
Extractio infantuli alterutram coxam præbentis.

(2) In primâ hujus generis positione, quoad utrumque ordinem clunis infantuli suprâ partem sacri matris superiorem nititur, iliûm cristâ ponè symphysem pubis jacet. Venter autem lævam in tertio ordine, dextram verò in quarto advertit.

Prima species.
Trunco antrosum.

(3) Alter aut ambo digiti, gradatimque extensa manus dextra im-

mittitur, quoad tertium ordinem, juxta lævum prægnantis latus; quoad verò quartum, adhibetur læva manus, juxtaque dextrum latus inducitur; in utroque autem secundum interiorem ventris partem inguenque, donec apprehensum fuerit femur superius situm, quod attrahitur deinceps deorsum sinistrorsumque, aut dextrorsum, prout casus postulat, palmâ simul aut pugno corpus infantuli in adversum latus repellendo.

Secunda species.
Trunco antrorsum.

(4) Secunda positio quoad utrumque ordinem priori inversa est; inversa pariter opera, asperior tamen, cum pedes antrorsum inquirendi sint. Læva manus in tertio ordine, dextra autem in quarto, adhibetur; juvatur tamen extractio, trunco in foveam iliacam pulso. Cætera ut superius peraguntur.

Tertia species.
Trunco dextrorsum.

(5) In tertiâ specie utriusque ordinis, clunis altera juxta pelvis marginem dextrum nititur, iliumque crista juxta lævum; venter versùs sacri cavitatem advertit, cum coxa aut clunis dextra occurrit; pubim verò, si lævam objiciat.

(6) Eodem ac in superioribus speciebus modo, immittitur in uterum manus juxta infantuli inguen propè sacrum matris, quoad tertium ordinem; quoad autem quartum, propè pubim; cum ad femora cruraque perventum est, ratione præscriptâ attrahuntur superiora amplius quàm inferiora.

Quarta species.
Trunco sinistrorsum.

(7) Quarta tertiæ inversa quoad utrumque ordinem, inversam quoque operam exposcit.

TERTIA PARTUUM CLASSIS.

Partus omnes complectens qui absquè instrumentorum ope absolvi nequeunt.

CXXVIII. (1) Hæc classis, secundum instrumentorum genera quibus est utendum, in quatuor dividitur ordines; primus complectitur partus qui laqueorum opem desiderant. Secundus qui forcipem aut vectem; tertius qui instrumenta secantia circa infantulum; quartus denique instrumenta secantia circa matrem.

(2) Cum secantium instrumentorum, tam circa matrem, quàm circa infantulum, operam cuique speciei propriam tradere vix possibile esset; omisso applicationis modo, satis erit juxta præceptoris methodum varios cujuslibet speciei characteres describere, & quædam tantum operæ in ambobus prioribus ordinibus adhibendæ exempla proferre; eò autem magis hanc partem amplector, quòd instrumentorum usum non planè rejiciens, permultum tamen restringi posse censeam, imò in extremis tantum secantia aut contundentia usurpanda esse, & idcirco rarissimi

risimi usus esse debent; perpauci enim partus occurrunt qui obstetricantis manu, si sciat uti, absolvi non possint.

PRIMUS ORDO.

CXXIX. (1) Hujus ordinis characteres à causis oriuntur, quæ laqueos adhibendos suadent: in quatuor genera distribuitur, ratione regionum quibus laquei admoveri possunt; quorum singula in quatuor species, juxta peculiarem regionis situm, subdividuntur. — In primo ponuntur partus in quibus laquei pedibus applicandi sunt. — In secundo genibus. — In tertio inguini. — In quarto denique capiti in utero moranti.

(2) Variæ laqueorum & retium excogitatæ fuerunt species; pars quæque propriis & peculiaribus gaudet, sive quoad formam, sive quoad applicationem.

(3) Omnium maximè simplices quoad formam laquei capiti inservientes vitta sunt satis longa, alteri cujus extremitati nodus fiet, quæque summis digitis suprâ frontem & pone caput infertur, si in pelvim parvam delapsus sit. — Fasciam præscribit *Mauriceau*, quatuor aut quinque digitis latam, & duobus cubitis longam, duas extremitates sinistrâ tenet, dextrâque mediam vittam patulam exteriusque unctam in uterum inducit, pone caput quod irretitur sicuti lapis fundâ. — Præcipitur à *D. Smellie* fasciâ calanticæ instar instructa balænata virgâ mobili duobus pedibus ferè longâ, quæ, ubi per orificii dilatationem licet, duplicata introducitur suprâ faciem mentumque; cùm adhibita fuerit, balænata virga tollitur, amboque laquei extremitates ligantur, leniterque trahuntur, alterâ manu suprâ partem capitis oppositam innitente.

(4) Laquei inguini, genibusque inservientes, simplex fascia sunt duobus pedibus circiter lata à medio duplicata, quæ digito, quàm maximè altè fieri potest, ex uno latere inducitur, dùm ex altero hamulus obtusus immittitur, cujus ope apprehensâ fasciâ ambæ extremitates junguntur, forasque educitur corpus, ita ut manibus attrahi possit.

(5) Laquei tandem pedibus adhibendi vitta sunt duobus ad summum pollicibus lata, viginti aut viginti quatuor longa duplicata, currax cui nodus efficitur quo pes foras eductus, aut repositus implicatur, alterius inquirendi causâ.

(6) Plerique, priores præsertim laqueorum species nonnisi difficile induci, & applicari possunt; quàmvis posterioris applicatio admodum facilis sit, ejus agnitâ inutilitate ab optimis scriptoribus & enucleatè à *D. Lamotte* demonstrata; hoc laqueorum genus non prioribus pluri faciendum est.

SECUNDUS ORDO.

CXXX. (1) Hujus ordinis characteres à causis oriuntur quæ forcipem aut vectem imperant; octo genera complectitur; in 1^o. — Adscribuntur

partus in quibus infantulus ovatum superius obvertit. — 2^o..... Octavum inferius. — 3^o..... Faciem. — 4^o..... Occiput. — 5^o..... Ovatum laterale dextrum. — 6^o..... Ovatum laterale lævum. — 7^o..... Clunes. — In 8^o. denique constituuntur varii casus qui forcipem ad spuria genimina, seu foetum abortivorum educationem exigunt.

(2) Quodlibet genus quatuor excipit species. 1^{mi}. generis species simul & characteres, ubi de 2^o. gen. 1^{mi}. ord. 2^{dæ}. class. (§. CII.) — 2^{di}. species ad quatuor latera cardinalia respondet, quæ facies edito trunco advertit. — 3^{tii}. species, characteresque, ubi de 3^o. gen. 1^{mi}. ord. 2^{dæ}. class. (§. CIII.) recensuimus. — 4^{ti}. ubi de 1^o. gen. 2^{di}. ord. class. (§. CIV.) — 5^{ti}. ubi de 1^o. gen. 3^{tii}. ord. 2^{dæ}. class. (§. CVI.) — 6^{um}. 5^{to}. inversum est. — 7^{mi}. characteres simul & species, ubi de 5^{to}. gen. 2^{di}. ord. 2^{dæ}. class. (§. CXXII.) descripsimus. — 8^{um}. denique secundum extrahenda dividitur. 1^{ma}. species spurii germinis. 2^{da}. placentæ. 3^{tia}. molæ. 4^{ta}. uterini calculi extractionem complectitur.

(3) Quamvis usum instrumentorum in genere restrictum dixerimus, fatendum tamen vectem, præcipuèque forcipem, qualis hodiè adhibetur, capite incuneato, sive facies antrosum sive retrorsum vergat, maximam utilitatem præstare; adhiberi etiam possunt, cum caput nimis crassum, aut arctior pelvis est; plures alii sunt casus, in quibus iis feliciter uti potest obstetricans, in hæmorrhagiis v. g. convulsionibusve periculosis, contractionum uterinarum absentia aut virium prostratione, cæterisque circumstantiis, in quibus matri vel infantulo, vel utrique mora esset periculosa.

CXXXI. (1.) Prius instrumentum simplicius species est cochlearis oblongi, vel potius spatula quædam curva & concava, mediâ parte dehiscens, quasi duobus ramis formata. Instrumentum illud nimis notum quàm ut diutius ipsi describendo inhæreamus; undecim aut duodecim ferè pollicibus, unâ cum manubrio longum est; capiti in idoneam positionem reducendo inservit, cum superius enarratæ operæ non sufficiant.

(2.) Caput v. g. supponamus in tertiâ positione tertii gen. primi ord. 2^{dæ}. class. (§. CIII. n^o. 6.) eâdem ac tertiâ tertii gen. istius ordin. in quâ scilicet facies supra aperturam, vertice sinistrorsum, mentoque dextrorsum jacet. Supponamus etiam operâ tunc commendatâ caput in 3^{am}. positionem 2^{di}. gen. ejusdem ordinis reduci non potuisse, frustra- que duobus intromissis digitis, ovatum superius supra aperturam reducendum tentavisse obstetricantem; vectis admovendus, quem unctum & parum calefactum cautè in orificium inducemus intra protuberantias frontales, uterique parietem lævum matris respicientem sufficienter, ut vertex instrumenti cavitati imponatur, impulsus deorsum & ad dextrum matris latus attraham, curando ut mulier supra latus lævum incubet, ut supra commendavimus.

(3) Si caput in quâdam ex tribus aliis ejusdem positionibus versaretur, scilicet si facie orificio occurrente, mentum, corpusque retrorsum aut antrorsum, sinistrorsumve componeretur, juxta idem capitis latus induceretur instrumentum, ut in aptam positionem converteretur caput. — Eodem modo quoad cætera genera adhibetur vectis.

CXXXII. (1) Ex omnibus partui inservientibus instrumentis forceps plurimam formam simul & maximam perfectionem consecutus est, prætermisissis ipsius inventoribus & correctoribus: omissis etiam plerisque eorum, quorum nunc usus est variis in locis; de illo quem D. *Lévet* summâ curâ perfecit, dicere sufficet, nimis notus est quam ut ipsum describendum aggrediamur. Superiùs casus, in quibus eo utendum est, & causas quæ ipsum desiderant, retulimus: de modo tantùm illum admovendi dicendum superest, idque quàm brevissimè præstabitur.

(2) Caput supponamus in alterâ positione primi generis ordinis, in quâ scilicet ovatum superius orificio occurrit. Quod genus idem est ac 2dum generis primi ordinis 2dæ classis (§. CII.); illud autem plus minusve in excitationem pelvis parvæ delapsum supponamus, facie v. g. in ipsâ positionem servante, retrorsum scilicet. Muliere dorsum suprà jacente, orificioque satis dilatato, dextram extensam cautè in uterum intrâ parietem hujus visceris sinistram infantulique caput inducam; manu deinde lævâ juxta intromissam manum, ramum forcipis *masculum* nuncupatum, unctum & calefactum inducam, donec pars capitis lateralis in rami illius cavitate reponatur. — Tunc dextrâ retractâ eodem modo lævam juxta infantuli caput, dextrumque matris latus inducam; alterumque dextrâ ramum *femineum* dictum juxta partem lateralem dextram infantuli immittam; donec hæc pars huic ramo insideat; tunc extremitates utriusque admovendo, ramum *femineum* suprà *masculum* transversum inducam; stabilitosque sensim deorsum, antrorsumque attraham levibus motibus à dextrâ ad lævam & vice-versa peractis, quoad usque vertex vulvæ occurrat, fronsque perinæum repellat. — Ad imitandam naturæ viam juxta D. *Smellie* qui scitè admodùm de hac operâ tractat, manubrium, aut ramorum forcipis extremitates attollam, caputque fursum pellam, ut per frontis dimidiam inversionem in altum, extrâ dilacerationis periculum sint perinæum & furcilla.

(3) Si caput in secundâ positione ejusdem generis, facies scilicet antrorsum ut ex XXâ. & XXIâ. D. *Smellie* tabulâ patet, constituatur, eodem modo partibus lateralibus capitis applicato forcipe, suadet prædictus scriptor, si metus sit dilacerandi perinæi, sic sito capite, faciem ipsam, si opus sit parùm repellentes, lateraliter invertamus. Postea agendum est quasi capite tertiam, quartamve positionem sortito, (facie scilicet dextrorsum, sinistrorsumve positâ), alter ramus juxta pubim, alter juxta sacrum inductus fuisset: forcipis applicatio, facie,

occipiteque orificio occurrentibus, à prius descriptâ non multum discrepat.

(4) Si verò alterutrum laterale ovatum sese objiciat, periculosior est infantulo forcipis applicatio, altero ramo suprâ occiput, altero suprâ faciem reposito.

CXXXIII. (1) Cùm denique corpus erupit, caputque adhuc in utero versatur, trunco infantuli quam maximè sublato, uterque forcipis ramus juxtâ laterales capitis partes modo solito inducitur leniter ab angulo maxillæ inferioris ad verticem impulsus; parietalibus deinceps protuberantiis in utroque ramo inditis, rami alter suprâ alterum inducuntur, ut suprâ; quibus peractis, si caput tertiam, quartamve positionem fortiatur, facies scilicet dextrorsum, sinistrorsumve jaceat, non mutatâ directione attrahitur: si facies antrorsum, retrorsumve, seu in primâ, aut secundâ positione constituatur, per quartam inversionis partem dextrorsum componitur, sensimque deinceps & gradatim, deorsum attrahitur, donec caput excavationem penitus subierit; tùm parùm sublatis forcipis ramis juxtâ cavitatem sacri, frons invertitur. Cùm denique ovatum inferius seu basis cranii orificio penitus occurrit, mentumque intrâ hæret, sublato etiâ parùm instrumento, infantulique trunco, frons à perinæo amovetur.

(2) Quantumvis in curâ fuerit ut nihil omitteretur, plurima attamen esse non dubito, quæ nos præterierint, aut quæ exprimi non potuerint ut enim scitè *Galenus*, *Hoffmannus*que post hunc, *multa sunt in praxi quæ nec dici, nec scribi possunt*. Hoc præcipuè ad operam circâ partum adhibendam spectat, quam exsequi satius est quam describere; quamvis instrumentorum, forcipis præsertim applicationem enucleatè à *Doct. Smellie* descriptam agnoscamus, opus cujus præstantissimum consulere cuique licet.

TERTIUS ORDO.

De partibus, qui faustè absolvi nequeunt sine secantium instrumentorum applicatione corpori infantuli partim aut omninò utero inclusi.

CXXXIV. (1) Secantia instrumenta, variæ sunt hamulorum species verucula triangularia, &c.

(2) Hic ordo in sex genera dividitur ratione variorum ad quos impenduntur, usum.

— In 1°. constituitur adhibitio hamulorum circâ caput infantuli utero penitus aut partim inclusi, modusque vacuandi cranii. — In 2°. extractio capitis in utero morantis. — In 3°. punctio ad aquas abdomine pellendas. — In 4°. empyema ad vacuandum pectus. — In 5°. variæ

Partus instru-
menta secantia
circ infantulum
desiderantes.

variæ infantuli monstrificæ partes. — In 6^o. tandem funiculi in utero sectio. — Dari posset 7^{mum}. & 8^{vum}. genus.

[3] Primum genus complectitur 1^o. causas partûs absolutionem per hamulos determinantes, infantulo caput objiciente. 2^o. Rationes quæ hæc instrumenta potius quàm forcipem suadent, quæque sunt causæ molem capitis minuere cogentes, sive hydrocephalus sit sive non, aut pelvis vitiosa. 3^o. Denique agendi in his casibus rationem.

Primum genus.

[4] Species pro variis regionibus capitis quas obvertit infans, constituuntur. — In primâ specie ovatum superius ponitur. — In 2^{da}. ovatum inferius. — In 3^{ta}. facies. — In 4^{ta}. latus capitis dextrum. — In 6^{ta}. latus capitis sinistrum. — Harum specierum parvi momenti discrimen est quoad operam ab obstetricante impendendam.

[5] Secundum genus de causis agit, unde capitis à trunco oriri potest disjunctio, & de modo extrahendi disjunctum.

Secundum genus.

[6] Species hujus generis à variis causis pendent, undè accidens illud provenit. — In primâ agitur de extractione capitis in utero morantis operæ vitio. — In secundâ de modo exonerandæ mulieris, capite ob molem aut pelvis angustias à trunco avulso. — In tertiâ de capitis extractione ob nimiam infantuli putrefactionem à corpore disjuncti.

Tertium genus.

[7] Tertium genus, hydropem inferioris ventris infantuli & impedimentum quod ejus egressui afferre potest, modumque ipsi succurrendi excipit. Hujus generis species eædem sunt ac quæ 6^{to}. gen. 1^{mi}. ord. 2^{da}. classis adscriptæ fuerunt (§. CXV.).

Quartum genus.

[8] Quartum genus signa complectitur quibus dignoscere potest obstetricans pectus aquâ vel pure distentum, quæ indè oriuntur impedimenta, illorumque vincendorum rationem. Hujus species eædem sunt ac quas complectitur 5^{um}. 1^{mi}. ord. 2^{da}. classis genus (§. CXIV.).

Quintum genus.

[9] Quinto generi adscribuntur variæ monstrificæ partes quæ infantuli egressui obstant, ut duo capita, duo trunci cohærentes.

Sextum genus.

[10] Sextum genus casus excipit in quibus secandus est umbilicalis funiculus, antequàm infantulus ex uteri cavo penitus eruperit, aut etiam cùm adhuc in illo integer includitur.

[11] Constitui septimum genus posset, de modo extrahendi per hamulos infantuli, trunco solo in uteri cavo remanente, avulso capite.

[12] Statui etiam posset octavum, de admovendo infantuli clunibus hamulo, cùm suprâ inferiorem aperturam pervenerint, exoneratio matris urgebit, exanimatusque erit infans.

Q U A R T U S O R D O.

Partus quibus instrumenta secantia matris corpori admoventur.

CXXXV. [1] Instrumenta quæ hunc ordinem constituunt sunt cultelli

incisorii, forfices, acus, uno verbo quaecumque operationi cæsareæ inserviunt.

[2] In quatuor genera dividitur hic ordo, quæ ratione morborum tum acutorum, tum chronicorum, vel ratione pelvis conformationis, vel positionis foetus, in alio loco quam in uteri cavo constituuntur.

Primum genus.

[3] Primum tumores complectitur inflammatorios, quibus partes genitales externæ mulieris afficiuntur, & qui in abscessum abeuntes impedimenta partui absolvendo pariunt. In tres dividitur species; 1am. facit phlegmone, cujus abscessus partui obstat, 2am. erysipelas, 3am. phlegmon erysipelatodes.

Secundum genus.

[4] Secundum genus varios tumores chronicos complectitur qui partes mulieris genitales afficiunt, & undè impedimentum partui nascitur. Hujus generis species à varietate tumorum deducuntur.

1am. Constituit oedema labrorum.

2am. Steatoma, atheroma, meliceris, stasis lactea.

3am. Schirrus partium externarum collo uteri inhærens.

4am. Tumores sanguine in textum cellularem effuso, nati.

5am. Varices, anevrismatâ circa vaginam.

6am. Vulvæ, vaginæque adhærentiæ, aut labrorum frena.

7am. Morbosa durities, callositates parietum vaginæ, hymenis, &c.

8am. Orificii interni status, *orificium quasi cartilagosum, schirrasumve* dictus.

Tertium genus.

[5] Tertium genus partus omnes Cæsareos continet. In varias dividitur species, pro variis, quibus includitur infantulus, locis.

1ma. Species de operatione Cæsareâ agit.

2da. De conceptionibus tubalibus.

3tia. De conceptionibus abdominalibus, sicque de uteri rupturâ per quam infantulus in inferioris ventris cavitatem decidit.

Quartum genus.

[6] Quartum genus stases omnes capit in ani margine, aut abdominali facie ortas & in quibus foetus frustula invenimus, semper hæ oriuntur stases à putridâ infantuli dissolutione in utero aut tubâ aut cavitate abdominali inclusi.

[7] Cùm minus lato sensu nomen partus acceperimus quàm D. Solayres; ultimum hoc genus omittere potuissimus. Divisionem tamen quam tradidit, integram exponendam esse satius duximus: notando intereâ converti posse hoc genus in classem partuum alteram, qui partus seu potius abortus apostematici inscribi possent.

DE QUIBUSDAM DE VARIETATIBUS.

Varietates.

CXXXVI. [1]. De varietatibus quibus complicari possunt species, per transfennam hucusque diximus; ut tamen brachium extrâ orificium prodiens peculiarem aliquandò ab obstetricante animadversionem postulat,

de hoc fufius agendum putavimus. Brachium exterius erumpens, tanquam humeri fuprà aperturam occurrentis varietatem, duntaxat fpectavimus (S. CXXV.), diximusque illius rationem non effe habendam; fed dilatato fenfim orificio, manûs immittendæ causâ, inquire poffe pedes. Nihil, cùm benè res fefe habent, faciendum præter.

[2] Sæpius verò contingit (ubi præfertim obftrictibus non multum peritis utuntur parturientes), accerfiri obftrictantem ad juvandam prægnantem, infantulo brachium jamdiu proferente, ficco utero, valdeque coarctato, & quod pejus, obftrictum operâ sæpè adeo fatigato irritatoque orificio, ut exardescat validèque brachium infantuli comprimatur, quod tumefcit, nec progredi aut retrogredi potest.

(3) Inter plerofque quos confultimus Scriptores, alii de utilitate modoque repellendi brachii dicunt; alii hanc utilem negare operam fatis habent; nonnulli difficultatem repellendi brachii obiter exponunt; alii ut *Paré* & *Mauriceau* de ifto casu equidem differunt, fed media quæ indicant, ex ipsis adhibenda non funt, nifi exanimato infantulo; itaut partium perfeverante ftatu, ligatæ obftrictantis manus erunt, donec extingatur infans, & de ejus morte certior fiat: prior brachium fcindi jubet; posterior obtorqueri fuadet, ut à trunco divellatur.

(4) Prætermiffâ amputationis brachii ad inquirendos pedes inutilitate, irritato & coarctato orificio, hujus medii inhumanitas, extincto etiã puero, illiusque, dùm adhuc vivit, infufficientia fatis hoc rejiciendum effe fuadent, mitiusque & efficacius, tum matri, tum infantulo exoptandum. Dùm ab artis peritioribus cupienda illa media proferantur, fi tyroni magiftrorum præceptis propria conjungere liceat, paucis verbis, quam in hoc casu rationem agendi fervarem, exponam.

CXXXVII [1] Brachium jamdudum prodiens fupponatur, orificiumque ita coarctatum, ut circulationem cohibeat, aut intercipiat, undè fit ut valde tumefcat; brachium intrò repellere non tentabo, cùm peritiffimi iftud aflequi non potuerint. Prætereà ex *D. Levret*, brachium, cui adhæret orificium, vi repellendo periculum eft, ne ipfum laceretur orificium. Quid ergò agendum ad liberandam mulierem, nec intorquendum nec fecandum brachium putanti? Si ftrangulatio licet gravis, extrema tamen non effet, orireturque tantum à laboris pertinaciâ, anxietatibus ægrotantis, aut à nimia ejus irritabilitate; præter auxilia moralia ad quietem componentia, venæ-fectionem ad minuendam generalem agitationem experirer, potiones & refrigerantes & fedantes, clysmata emollientia, & demulcentia non omitterem; fi præfertim ante laborem nullum huic administratum fuiffet auxilium, & à multo tempore alvus non exonerata fuiffet.

(2) His fpasmodum uteri defitutum puto, in collo præfertim, modò gravis non effet. Ubi de parturientis quiete per pulfum conftabit, non repellendum brachium, fed gradatim dilatato orificio, viam juxta

latus sternendam tentabo, uno mox ambobus, & sic deinceps, cæteris immixtis digitis secundum latus humeri positioni idoneum, solitâ cautelâ manum inducam, quàm minimè fieri poterit repulso corpore, tunc varietas humeri duntaxat mihi erit brachium exterius prodiens.

(3) Si præter laboris, anxietatis & irritabilitatis ægræ pertinaciam, tonum uteri auxissent pravæ obstetricantis operæ, in eoque inordinatas contractiones excitassent; si durum ac inflammatum magis esset orificium quàm in superiori casu; si magis tumidum infantuli caput magis periclitaretur, ægrotanti balneum tepidum administrari curarem, & dum pararetur, ipsi venam aperirem: præter auxilia superius commendata, emulsionem aut syrupos quosdam sedantes præciperem, egredientique è balneo venæ-sectionem, si partium status desideraret, iterarem.

[4] Denique si spasmodicus uteri status multò gravior esset, brachii strangulatio jamdudum perseveraret, promptamque opem exponeret, ne gangræna oriretur, vires mulieris quàm celerrimè imminuerem per largam venæ-sectionem, etiàmsi immineret syncope; etsi prima sanguinis patella non sufficeret, alteram aliquantò post extraherem, non metuendam arbitrans hanc syncopen, nec adhibendam operam ut cesseret, dolore ab orificii dilatatione orto, ad restituendam ægram sufficiente. — Si medium hoc audax, vehemensque videatur, cum illo conferatur quo, expectatâ cognitâque morte infantuli, brachium ejus secatur, quamvis propterea extractio saltem plerumque facilius non evadat, medium nostrum summè mite videbitur.


CXXXVIII. [1]. Licet nullus obstetricans adeò fusè de hoc accidente differuerit, putare posse videtur eos qui infantulum mutilandum non censuerunt, eodem ferè modo sese gessisse. Nunquid autem tentari possunt efficaciora media, cum relativè ad matris aut infantuli statum præmissa non sufficiant? — Si v. g. gravis agitatio foret, emulsionum aut syruporum sedantium loco, pharmacum opiaticum, aut dosis congrua opii, quod quidam ad sedandos spurios dolores adhibent, ministrari posset. Indè cessare aut saltem sedari possent contractiones, quibus ad absolvendum à pedibus partum opus non est. Si uteri inertia tanta esset, ut post partum statim non coarctaretur viscus illud, verendum esset, ne plùs, minùsve gravis oriretur sanguinis ejectio. Si autem dolor à dilatatione oriens, ad irritandum denuò uterum non sufficeret, modum huic accidenti succurrendi infra afferemus.

(2) Si in superiori casu velox unius, alteriùsve patellæ sanguinis emissio in syncopen subito prægnantem non injiceret, nonne in altero brachio similis evacuatio fieri posset? Nonne iterari, donec exoptatus obtineatur effectus?

(3) Nonne auxilia quædam in infantulum directè conferri possent? Cum v. g. brachium ob sanguinis retentionem à strangulatione ortam valdè tumescit, nunquid huic applicari hirudines possent, dum circa matrem

matrem cætera adhibentur auxilia? — Cum huic gangræna imminet, nunquid donec auxilia matri ministrata effectum fortirentur, supra illud lotiones antilepticæ, aut avertendi aut comprimendi mali causâ, fieri possent?

(4) Quantumvis apta, & convenientia mihi videantur hæc auxilia, cum tamen nec ipse adhibuerim, nec adhibita apud Autores repererim, illa tantum propono, tanquam experiunda, de quibus RR. DD. Professorum sententiam libenter & grato animo audiam.



PARS TERTIA.

DE AUXILIIS CIRCA PUERPERAS.

CXXXIX. [1] **V**ACUATIS dumtaxat amplioribus uteri vasis per priores visceris hujus contractiones, post expulsionem aut extractionem placentæ; cum minora tam citò evacuari non potuerint, effluxus necessario post partum pergit, sed decrescendo, donec uterus non majori quàm antè graviditatem, capacitate polleat, quod longiori, breviorive tempore perficitur.

Quæ post
partum
sequuntur.

[2] Succus alimentarii qui per graviditatem ad uterum confluebant, partim, constrictis hujus visceris vasis, ad mammas derivantur. Hoc autem pabuli divergium plus, minusve puerperas afficit, prout fibris teneris & multum irritabilibus præditæ sunt. Sensim itaque vasa ingurgitantur, patiuntur membranæ: mox horror irritationi succedit; ingurgitatione crescente, vasisque magis ac magis irritatis, sanguis excandescit, elevatur pulsus, accenditur febris, sæpius ephemera, quæ quidem etiãmsi non necessaria, ordinariò saltem contingit, postquam deinceps melior in dies evadit puerperarum valerudo.

[3] Effluxus ille plus, minusve longus & gravis, divergium illud, perturbatio, febrisque inde plerumque oriens, puerperarum statum post partum constituunt: licet ratione temperamentorum aliquandò variet status ille, cum tamen frequentissimè occurrat saltem in hisce regionibus, quoties accidentia, aut morbi non accedunt, naturalis ferè haberi poterit.

[4] Quæ tamen complicatio nimium sæpè contingit: præter enim innumera accidentia quæ à partu operoso oriuntur, aut illum concomitantur, naturalis ipsemet partus morborum plus, minusve gravium non rarò fons est ob prævum regimen, debilem puerperæ constitutionem, animi pathemata, lochiorum suppressionem, horumve in qualitate vel quantitate inordinationem, tum & lac in vasis retentum aut devium. Cum autem effectus pro causarum actione varient, non trademus des-

criptionem & enumerationem morborum, quibus puerperæ obnoxie sunt, qui quidem accidentales partus sequelas statuunt.

[5] Licet tamen partum naturaliter sequentia hic tantum expendere mens sit; neutiquam idcirco abstinendum putamus à memorandis frequentissimis quibusdam accidentibus, quæ ab operoso partu, aut quavis aliâ circumstantiâ pendent: quibus si statim succurratur, pejor inde aut saltem multò pejor non evadit puerperarum status. Ab his, utpotè animadversionem obstetricantis primùm desiderantibus, incipiamus.

CXL. (1) Primum accidens promptius auxilium expetens & sæpissimè in partibus faustissimis occurrens est sanguinis effluvium, expulsionem, aut placentæ extractionem concomitans, quod à plethorâ, aut mulieris debilitate, vel ab extraneo corpore in utero retento, sæpè etiâ ab evacuatione celeriori, vel, quod periculosissimum est, ab omninò inerti utero, aut ruptis vasis oriri potest: hoc si grave sit, pessima procreat accidentia; illud autem hic non quoad suos affectus, sed solum tanquam accidens, cui promptè succurrendum est, considerabimus: de partibus enim solis matris viribus absolutis in secundâ parte agentes, media ad præcavendam illam sanguinis evacuationem assignavimus.

(2) Cum verò invitis adhibitis cautelis, hoc effluxu afficitur puerpera, perpendendum est tunc undè oriatur, ut eruatur prognosis & hinc indicatio curatoria deducatur. Dum autem à Plethorâ oritur, vel à placentæ reliquiis alitur, minus portendit periculum: si prius, facile sistetur, ubi, satis amplâ sanguinis copiâ effusâ, leves in ventrem titillationes ad uterum contrahendum fient: si verò posterius, sublata causâ inde tollitur. Qui à debilitate matris oritur effluxus, vel qui ab insufficienti uteri contractione pendet, aut qui celeriori visceris hujus evacuationi tribuitur, superioribus periculosiores sunt. Tandem cum ab integrâ uteri inertia sobolescit, aut à ruptis vasculis, multò magis noxii reputantur.

(3) Juvanda in hoc casu, aut excitanda est uteri contractio, impediendumque ne sanguis tantâ in illum velocitate feratur; quamobrem præcipiunt obstetricantes, ut ventri & dorso ægræ applicentur linimenta liquore quodam frigido & adstringenti imbuta: nonnulli venæsectionem in brachio suadent, ut inde revulsio parturienti moveatur. Quod posterius medium competere ex pulsu valido existimamus, dum v. g. sanguinis profluvium à plethorâ provenit, idque etiâ initio duntaxat. Ligaturas alii adhibendas volunt, ut sanguis in extremitatibus comprimatur. Alii denique stipticis injectionibus in uterum utuntur, quibus vasa adstringantur, cum præsertim ab illorum rupturâ oritur inordinatus sanguinis fluxus.

(4) Priora media in prioribus casibus sufficientia videntur; valde autem incerta sunt, sicut & cætera, si ad inertiam uteri aut gravem parietum læsionem referatur morbus; in utrisque enim si non brevè

rehibeatur effluxus, copiosiusque effluat sanguis, puerperium inde gravissimis complicatur malis, quæ recensere hic non nostri est propositum.

CXLI. (1) Oriuntur aliquandò inflammationes in uteri collo, urethra, recto, vaginâ, labris majoribus, cum caput aut quodvis aliud infantuli membrum in pelvis parvæ excavationem delapsum, intra ipsam diutius hæsit, vel operosum laborem passa fuit parturiens; si leves sint, evacuationibus quas experitur puerpera, facile tollentur: cum autem vehementes sunt, ad venæ-sectionem statim, si nihil obstat, confugere plerumque necessarium censemus, partibus interea admoveantur fomenta aut cataplasmata, injiciantur clysmata emollientia; quibus prudenter, antequam eruperit lactea febris, est utendum.

Inflammationes à labore procreatæ.

(2) Si adeò valida fuerit compressio, ut intercipiatur circulatio; partes illæ tunc gangrænodæ sunt, quæ si universa sit mortificatio, brevi aufertur mulier; si verò quædam tantum partes corripiantur, methodus in hujusmodi affectionibus præscripta in ægrotantibus constitutione validâ præditis, prosperè succedere poterit.

(3) Aliquandò mortificatio membranas vesicæ in puncto adhæsionis cum vaginâ occupat, exfolianturque interdum membranæ illæ undè urinis via patet, graveque oritur incommodum. Ubi animadvertit, aut suspicatur obstetricans vesicam mortificatione fuisse correptam, in hanc flexibilis intromittatur catheter, ad urinas per urethram educendas, ne juxta viam aut jam factam aut mox aperiendam effluant. — Dùm autem adhibitis omnimodis auxiliis, gravissima adhuc perstant varia hæc accidentia, aut in eodem gradu perseverant, in insolitos tunc & præternaturales vergunt morbos, de quibus differere neutiquam in animo est.

CXLII. (1) Cum crassius est infantuli caput, cum malè situm, aut quasi uno impetu & antequam partes ad cedendum proclives sint, prodit; commissurarum vaginæ, inferioris præcipuè, quæ furcilla nuncupatur, contingit dilaceratio, hoc accidens est omnium levissimum: sed plerumque fit ut perinæum, aut partim, aut totaliter scindatur, tuncque vagina cum ano communicet.

Laceratio partium.

(2) In primo casu cum gravis non est laceratio & furcillam duntaxat afficit, facile sanatur, nullumque inde aliud oritur incommodum præter plus minusve acutum doloris sensum post urinarum excretionem. In secundo casu seu cum laceratio mediam perinæi partem attingit, quidam futurâ puncto duplici vulneris oras connectendas suadent. — Alii quorum sententiam amplector, vulnere deterso, sufficere putant, si mulier femora juncta teneat. Cum denique ad anum pertingit dilaceratio, futurâ etiam jungendas vulneris oras primi præcipiunt, sed posteriores numero plures, doctrinæque potiores, maximam tantum adhibendam esse curam volunt, ut mulieris quam proximè ad se accedant femora; crassum v. g. splenium parti internæ utriusque clunis versus perinæum,

applicandum, fasciâque ligandum commendant. Illi lotiones demulcentes, detergentes, & resolventes suadent. D. de *Lamotte* balsama, unguenta, cataplasmata, decoctiones chærophilli in vino tepido potiora habet. D. *Pujos* oleo vinoque mixtis, spatulâ subactis, vulnus ablendum præcipit. Utrique circâ minuendum victum, solidi præcipuè pabuli abstinentiam, consentiunt, ut quàm maximè fieri potest, alvi dejectiones, in extremis præsertim curationem morantes præcaveantur.

Coccygis luxatio.

CXLIII. (1) Brevitas diametri anterioris pelvis, aut capitis infantuli moles, tùm & sæpè modus quo elabitur, coccygi luxationem infert: Hæc aliquando è nimlâ ejus projecturâ oritur, huic superincumbente capite. Interdùm tandem ad illum evertendum cogitur obstetricans, & licèt invitus luxat. Vivido doloris sensu, quo ægra afficitur, & difficultate suprà dorsum incubandi, illud nuntiatur accidens.

(2) Si coccygis diutiùs protrahatur reductio, pars inflammatur, quod etiàm propter opem, quam desiderat inflammatio, moram longiorem trahit. Quamobrem huic quàm celerrimè est opitulandum; unum aut alterum digitum in rectum inducendo, donec ad basim coccygis perventum sit, qui foràs pellitur, dùm manu exterius positâ apex ejus versùs vaginam agitur; peracta reductio fasciâ comprimitur, præcaventurque ut suprà alvi dejectiones.

DE REGIMINE PUERPERARUM.

CXLIV. (1) Quod dicendum occurrit circâ quæ partum naturalem sequuntur, ad dietam puerperæ præscribendam, simul & ad modum, quo sese gerere debeat obstetricans circâ lochiorum effluxum lacteamque febrim, reducitur. Varii tractatus de partibus, qui hisce temporibus prodierunt, recentiores præsertim ab integri judicii viris editi, votis singulorum de regimine hoc faciunt satis, idcirco quidquam horum scriptis addere supervacaneum existimantes, nos pensum profectos fuisse arbitramur, si quod lectione attentâ & accuratâ peculiare notaverimus, excerptum proferamus.

(2) Quoad primum objectum, seu regimen puerperarum, hoc meritò sub duplici facie considerant obstetricantes relativè scilicet ad puerperas natum alentes, & eas quæ hunc lactandum tradunt: discrimen enim indè circâ utriusque classis puerperas, oriri patet. De curis quibusdam exigui momenti quæ ad utrasque spectant, loqui statim liceat.

Curæ leves ex-
templò post par-
tum adhibendæ.

CXLV. (1) Linteamenta, gallicè *Chauffoirs* ab obstetricibus nuncupata, quæ, in primâ parte, genitalibus exterioribus admovenda commendavimus, tanquam hic inutilia, absentibus causis propter quas ea præscripsimus, tollenda sunt; mulieri enim lectulo incubanti aëris non ampliùs metuenda est impressio validior; detrahenda etiàm sunt tanquam periculosa, non solum quòd delicatulam mulierem admodum molestare,

leſtare , & præ irritationibus motus ſpaſmodicos ei procreare queant; ſed etiã quòd lochiorum effluxui poſſint obſtare , ſanguinis grumulos initio ex utero exeuntes cohibendo.

(2) Idem ferè dicendum de faſciã , quam poſt partum illicò admo- vendam præcepimus , ad producendam compreſſionem à D. *Smellie* com- mendatam , ut aditus celerior ſanguinis in partes inferiores ventris præ- pediatur , & ſyncopes quibus, omiſſã illã curã , obnoxia ſunt mulieres , præcaveantur. Aliquantò poſt faſcia illa jã ſatis laxa paulatim magis ac magis laxanda eſt , quam etiã penitus tollendam vix dicerem quidem ſine incommodo. Pariſiis gravidam obſtetricavi cui præ inopiã & præ maturã parturitione, aut nihil ſuppettebat , aut imparata erant omnia. Hanc poſt- quam liberaviſſem , tradito alteri feminæ infantulo , ventri ejus manum appoſitam patienter tenui donec uterus tantum ſe contraxiſſet , quan- tum requiritur. Hac preſſione unius ſaltem horæ propoſitum D. *Smellie* aſſecutus ſum ; viribus ægræ reſectis , ut ambas manus meæ ſubſtitueret imperavi , preſſionemque donec fatigaretur , continuaret ; mulieris illius , in cujus leporibus & decore curctæ ſtabant opes , nullatenus læſa fuit forma.

(3) Licet igitur faſciarum uſum aliquandiũ omnes commendent obſtetricantes , ſæpiuſque adhibitas viderim , hinc non abſolutè neceſ- ſarias judicamus. Verum ſoli prægnantium opinioni auſcultantes , has quàm maximè laxas adhibendas & quàm celerrimè tollendas volu- mus.

CXLVI. Nullam obſtetricem fugit , vulvam , perfeverante puerperio , mundam eſſe ſervandam. Hæc cuſtodum partes eſſe videntur. Verum ab obſtetricante aliena non debet eſſe hæc cura , cum grave indè oriri poſſit malum tum quantitate lotionum , tum tempore , quo applicantur. Optimi ſcriptores adſtringentes vetant , ægrè tamen obſtetrices dehortamur ab adhibendis illis lotionibus , tum circa vulvam , tum circa ventrem , ut præcaveantur rugæ. Tempus quo fieri , & quo perfeverare debet earum applicatio ab obſtetricantibus non æquè determinatur , juxta tamen ſententiam eorum , qui de illis mentem aperuerunt , ſemel aut bis in die applicandas cenſui , donec febris lactaria prodiret. Fiunt hæ lotiones decoctione tepidã foliorum , feminum , radicumve emollientium , vel lacte in quo decoctum cherophillum ; poſt febrim iterari debent , ſudo- ribus aut deſinentibus , aut parum gravibus.

Cautelæ ad mu-
ditiem vulvæ.

CXLVII. Ratio regendarum puerperarum relativè ad uſum ſex re- rum non naturalium , conſiderari debet.

Uſus ſex rerum
non naturalium.

Experientiã magiſtrã quotidie docemur , aërem purum , ſerenum , ac temperatum ſanitati ac vitæ quàm maximè accomodatum eſſe. Quis enim ignorat quanta ſit caloris & frigoris in corpus noſtrum vis & po- teſtas ? Peractis ideò ſuprà præſcriptis , cubiculi ægræ aërem renovet obſtetricans , caveatque ne nimium cooperiatur , nam ritè ait *Hofmannus*

Aër.

(a) regimen aëris sit temperatum, ut omnibus agris, sic quoque puerperis. Curandum etiam ne odores quamquam suavissimi aëri immisceantur. Monet quoque D. White (b) ut puerperæ de hoc caloris gradu consulatur, qui inest bene valenti corpori, aër liberior servetur, renove-
tur etiam interdum, ne particulæ exhalantes iterum absorbeantur, & in curâ sit ut foras abripiantur. Hoc consilium tam ad puerperas alentes quàm non alentes spectat; cum enim ut infra, dum de excretionibus dicemus, expellitur materies morbifica, id spontaneâ naturæ actione fieri debet.

Cibus & potus.

CXLVIII. Circà victum præcipuè sapientem hanc regulam tradit Hoffm. (c) tractanda sunt puerpera, inquit, ut graviter vulnerata, ut etiam summè debiles. Quapropter earum victus tenuis, diluens, humectansque sit. Eis enim nocent cibi copiosi & crassiores ut potè qui cruditates maximè generant; neque etiam competunt vinum, liquores calefacientes, &c., indè enim fibrarum rigiditas, febrisque augeretur; adhibeantur cibi Euchymi, carnes juniores, juscula: iis solis utendum, imò levissimis etiam durante lacteâ febre; potus diluentes sint quoque aperientes & leviter calidi. Nutrices, robustæque puerperæ ab hoc regimine eximi possunt. Si tamen nihil in qualitate victûs, in quantitate saltem mutetur. Tandem juxta istud Hippocr. (d) consilium, cæteris paribus est agendum: Et quibus semel aut bis & plura vel pauciora & per partes offerri conducat videndum, concedendum autem aliquid & consuetudini & tempestati & regioni & ætati.

CXLIX. (i) Motus, quiesque plùs minùsve puerperas juxta temperamentum, tempus, & circumstantias, afficiunt. D. Levret, (e) sedentarias mulieres, & non alentes de quibus scribere præsertim videtur, circà decimam tantum diem linteamenta mutare & circà duodecimam è lecto surgere commendat. Eadem exigit D. Smellie (f) improbens insuper quòd puerpera in lecto se agitet, volvat, &c., vel huic diutius infideat: indè imminutionem aut suppressionem transpirationis, aut ligamentorum uteri violentam diductionem metuens. D. White (g) nullâ

(a) Fr. Hoffmanni Medicus politicus pars III. cap. VI. de prudentia Medici circà puerperas.

(b) In opere cui titulus: avis aux femmes enceintes, & à celles qui sont accouchées, loco citato.

(c) Loco citato.

(d) Hipp. aphor. sect. I. aphor. 17.

(e) In opere gallico III. part. ch. III. pag. 152. §. 841, 842, 843.

(f) In opere è Lingua Anglica in gallicam verso cui titulus. Traité de la théorie & pratique des accouchements, liv. IV. sect. II.

(g) In opere jam pluries citato.

habitâ temperamenti ratione , linteamenta è contrâ crebrò puerperæ mutanda præcipit, nec eas diù lecto immorari ratum habet ; sed secundo tertiove die surgant, exoptat : aut saltem ad mammas infantulo præbendas, si alant, cibumque sumendum sese in lecto sedentes componant, vel, quod frequentissimè urget, ad emittendas urinas sese supra genua attollant.

(2) Præscriptæ à DD. *Levret* & *Smellie* cautiones delicatulis quibusdam mulieribus expedire possunt, sicuti ad robustas mulieres, laboribus & tempestatum intemperiei deditas, pertinere potest institutum D. *White*. Ex omnibus, quas aut ipse curavi aut quarum curationi adfui, nullam vidi, quæ cautiones à prioribus requisitas exposceret; vidi è contrâ quæ non plura quàm posterior exigit, præstaverint. Pleræque, cæteris paribus, lectum servarunt dūtaxat, donec per sudores non excitatos, sed beneficio naturæ ortos, sine periculo, surgendi sibi copia esset, nullâ habitâ temporis ratione, quod necessariò variat pro cujusque ad sudores proclivitate. In sedentis situm, genuaque etiâ sine incommodo assurrexerunt.

(3) Cætera à scriptoribus præcepta circâ eas servavi eorum cubiculo de modicâ luce consulens, à strepitu, ab adstantium frequentia immunes eas liberans; rarò, submissaque voce loquerentur curans, &c. Linteamenta earum quam primùm post partum mutarentur, deinceps ante febrim, post sudores demum quoties desideravere jussi, quin inde vel minimum infauti unquam secutum fuerit.

CL. Somnus puerperis non minùs quam quies expedit, meritòque *Mauriceau* (a) increpat morem à puerperis somnum aliquandiù immediate post partum avertendi: Nihil enim aptius vires languidas reficit, laborisque agitationem placido somno sedat. Si vero adsit sanguinis effluvium, à quâcumque causâ oriatur, periculosum tunc & imprudens esset mulierem somno indulgere, priùsqum idoneis mediis arceretur accidens illud, & sufficienter contractus esset uterus. Somnus puerperis adeò necessarius est, ut à nimis vigiliis perspiratio cohiberi, tum & sæpè augeri, aut moveri possit febris. Præter innumera ad somnum allicendum à scriptoribus tradita: Dantur qui sapienter, nostra saltem sententia, opiatorum usum suadent.

Somnus & vigilia.

CLI. (1) Inter inutiles superfluosque humores qui è corpore sano pelluntur, sunt, ut v. g. qui per alvum, per sputa evacuantur, in gradu naturali quantum fieri potest, asservari debeant; alii ut v. g. sudor & humor perspiratorius plùs, minùsve promovendi sunt. Qui tandem per vias urinarias emittuntur inversam plerumque quantitatem prioribus servant; hi in puerperis ad debitum pariter ordinem idoneis remediis excitandi sunt.

Retenta & excreta.

(a) In opere gallico jam citato.

Excreta per al-
vum.

(2) Quoad statum alvi in puerperis, D. *Raulin* (a) inter Medicos qui de hac re differuerunt clarissimus, contendit à primâ post partum die ad usque extremam summè necessarium esse, ope clysmatum, ventrem laxum servare, ut lochiorum evacuatio juvetur. — De frequenti, per puerperium, clysmatum usu discrepant inter se scriptores; alii, quos inter saniores practici quotidiana clysmata commendant, alterâ saltem die ministranda præscribit *Mauriceau*; alii habitualement hunc usum improbant. Sunt verò qui illa tantùm usurpanda præcipiunt, ubi alvo constipata est puerpera. — D. *Levret* (b) hac de re præceptum accuratius & prudentius tradit, nempe intrâ priores ambos dies post partum præbeantur clysmata, postea iis abstinendum, nec iteranda sunt, nisi cum sudores desierint. — Si ad alvum liberam præstandam, quotidianis clysmatibus opus esset, inferremus tunc cum D. *Raulin* sententiâ parùm concordem esse D. *Levret* sensum. Plurimorum autem practicorum experienciâ constat sufficere, si alternâ die præbeantur, ut alvus laxa servetur & munda: constat etiam ministratis clysmatibus donec febris eruperit, prætermisissimæque per spatium 36. 48. 60. horarum, indè non multum imminutam fuisse alvi libertatem, undè fit ut hæ sententiæ, quæ primo aspectu inter se pugnare videntur, facile ab obstetricante diligenti conciliari queant: intermissio enim clysmatum, quam præscribit D. *Levret*, non multum aut minimè alvi libertatem à D. *Raulin* commendatam, minuit.

Per poros.

(3) Evacuatio per poros cutis plus minùsve in puerperis augeri debet. Plerique obstetricantes de sudorum utilitate per puerperium, latè admodum loquuntur; ast eos de non alentibus feminis præcipuè fuisse locutos præsumere licet; apud istas enim necesse est excretionem hanc augeri, ut effluant succi lactei, qui naturaliter absorberi nequeunt, & qui lochiorum viis non obtemperant. Quantumcumque autem utilis sit hæc evacuatio, juvanda tantùm est, sed non excitanda, ut à calore, potionum calidarum, aut tegumentorum ope, non rarò fit; sudores enim indè ortos multum & quidem meritò improbat D. *White* (c), hos puerperis noxios appellans, ut pote qui lochiorum evacuationi obstant, ægram debilitant; eamque ità frigoris capacem efficiunt, ut cubiculi aër renovari nequeat, nec ipsa sine periculo ad requisita naturæ ire possit. — Non solum autem anglus ille obstetricans sudores elicitos damnat; noster etiam *Levret* commendans ut puerperæ prioribus post partum diebus, calidis fomentis corpus à frigore defendant, addit tamen quod præcavendus sit ex-

(a) In opere gallico cui titulus est: *Traité des maladies des femmes en couche*, liv. III. ch. I. pag. 373.

(b) In opere gallico cui titulus: *L'art des accouchements* III. partie S. 834.

(c) In opere jam citato.

cessus, ne multa hinc accidentia sequantur; ideò juxtà has sententias in nullis mulieribus, quas datâ occasione obstetricavimus & quarum nulla lactabat, unquam movendos sudores, sed juvandos curavimus. — Quoad verò mulieres alentes infantulum, minor ab iis expectanda evacuatio præter transpirationem quæ paulò major esse debet, prioribus post partum diebus, quàm per valetudinem; curando tantùm ut semper ritè succedat.

(4) Excitantæ autem urinarum excretioni potiones diluentes & leviter diuretici sufficiunt, cum natura viâ hâc ad sese expediendam tendat, quod quidem facilius, difficiliusve cedit, cum partum perspirat ægra. Sæpius iterata evacuatio hæc præsertim cum sese in genua ad emittendam urinam erigit puerpera, aptissima est juxtà *D. White* ad lochiorum juvandum effluxum & ad contractiones uteri musculorumque abdominalium provocandas.

Pervias urinarias

CLII. Animi pathemata ad puerperas ità spectant ut non mediocrem ab obstetricante attentionem postulent. Idcirco omnes animi motus levandi sedulò sunt, ab omni curâ rei domesticæ arcendæ sunt puerperæ, nec lætus nec tristis adveniat nuncius, ne pacata serenæ mentis tranquillitas turbetur ullo modo. *Harlemi* apud *Batavos*, prudenter cautum fuisse refert celeberr. *Van Swieten*, ne toto puerperii tempore, quies ægræ lædatur. Signum affigitur ædium ostio, quo viso, apparitori, vel alteri cuicumque justitiæ ministro domum hanc ingredi non licet; tantam, inquit, respublica curam habendam voluit mulieris, quæ patriæ civem dedit, optimi cives, à teneris jam assueti venerari fecundas matres, omnem strepitum à viciniâ arcent sollicitè. Ab ingrato siquidem nuncio evacuationes quæ partum sequuntur, aliquando cohibitæ visæ sunt; undè vehementer accensâ febre & accedentibus convulsionibus, tandem successit mors.

Animi pathemata.

DE LOCHIIS.

CLIII. (1) Notavimus suprâ post partum sequi plùs minùsve gravem & perseverantem sanguinis effluxum. Hæc necessaria evacuatio *Lochiorum* gallicè *Vuidanges* nomine insignitur. Sanguis exiens naturalis statim videtur, nec ullum doloris sentum movet. Aliquot post partum horis de suâ velocitate & quantitate deperdit, & quasi per grumos tandem elabatur. Quarto circiter quintove die lochia gradatim rubicunda esse desinunt & quasi serosa videntur; eorum denique quantitas ingruente febre valdè imminuitur, post ejus discessum & cessantibus sudoribus restituuntur, lactea fiunt & quasi purulenta apparent. Eorum diuturnitas, ratione temperamenti & circumstantiarum admodùm variat. Apud quasdam 7a. 8a. 9a. die desinunt; apud alias usque ad 15am. perseverant; dantur tandem apud quas usque ad duplex triplexve etiam tempus & ampliùs protrahuntur: in alentibus tamen, cæteris paribus, aut iis quæ statim copiosam sanguinis dejectionem passæ sunt, breviori tempore cedunt.

Lochia.

Lochiorum dif-
tinctio.

(2) Lochia tùm quoad quantitatem, tùm quoad qualitatem, in prospera & infausta dividuntur. Prioris speciei sunt illa quorum temperamentis consona est effluxio & quæ grada imminuuntur, coloremque mutant. Infausta sunt illa, quæ copiosiora vel nimis parca sunt, aut quæ naturaliter plùs, minùsve vitiantur. D. *Levret* (a) posteriora in tres species partitur. Prima albuminis consistentiâ donatur; parùm copiosa, odore coloreque orbata, in inflammationibus uteri acutisque puerperarum morbis, frequentia occurrunt; secunda loturæ carnis similia, sero copioso, odore nauseabundo donatur. Hæc pendent juxtà præfatum scriptorem à tumoribus carcinomatodeis; tertia species caffeti colorem gerit, odorem cadaverosum spargens putridum, quodpiam extraneum corpus in utero degens nuntiat.

Quomodo circa
lochiam agendum.

(3) Quoad opem quam prospera seu naturalia desiderant lochia, de quibus tantùm hic agendum venit: cùm de sex rebus non naturalibus nuncupatis suprâ differuerimus; tùm & etiàm de modo alvum laxam præstandi, nec-non de excretionem urinarum, quas lochiorum effluxum juvare diximus, satis fusè jam locuti fuerimus, pauca expendenda nobis supersunt. Præter horum omnium usum, D. *Levret* (b) puerperis arcanum duplicatum exiguâ dosi, aliquandiù etiam post febris discessum continuandum præscribit; hujus tamen usum valdè improbat D. *Raulin* (c), huicque nonnullos pravos effectus tribuit: Verùm contendit D. *Levret* sibi illud properè cessisse; eo ipse & alii plurimi utimur, nec unquam infausta indè secuta vidimus damna. Nullus hodiè extat clinicus, qui se adstringat ad purgantium usum certis dùmtaxat temporibus, expectetque dùm prodierint menstrua; cuncti indicationes sequuntur, & purgantia præscribunt ex circumstantiis, à febris lactariæ discessu, ad reditum menstruorum.

Tormina uterina.

(4) Tormina uterina, quæ post partum patiuntur puerperæ pleræque, haberi possunt exigui tanquam labores, maximèque necessarii, ut sese contrahens uterus expellat sanguinis grumulos, qui aut remansere, aut recenter in ejus cavitate coaluerunt; undè auxiliis sæpè periculosis, fereque semper inanibus, nec præcaveri, nec comprimi debent accidentia hæc necessaria. Si uterina tormina intestinalibus quoque jungerentur doloribus scilicet colicis flatulentis; tunc posterioribus his clysmatum idoneorumque blandorum remediorum ope succurrendum esset.

DE LACTEA FEBRI.

CLIV. (1) Dùm pabulum serosum lacteum, per uteri vasa, jam conf-

(a) D. *Levret* in opere cui titulus. *L'art. des Accouchemens.*

(b) In opere jam citato. §. 835.

(c) In opere gallico jam cit. sect. III. chap. 2. pag. 94.

stricta exire nequit, & ad mammas derivatur, oriuntur tunc, ut supra diximus, quædam in toto corpore turbæ. Secundo enim, sæpius tertio, quandoque & quarto die, somnus fit inquietior, cum insomniis turbulentis, quandoque etiã totam noctem ducunt vigilem ægræ, adest inquietudo, sæpè & capitis dolor, pulsus elevatur, ac celerior fit, horripilatio levis adest juxta totum decursum spinæ dorsi, inter scapulas, & aliquandò per totum corpus; major sequitur calor; mammx incipiunt dolere, tumescere; respiratio fit utcumque laboriosior; lochia minuuntur; brachia simul ob tensionem vicinarum partium difficilius moveri possunt.

(2) Hæc febris à quibusdam *lactaria* dicta, *ephemera lactea*, *ephemera puerperarum*, accidentalis semper & symptomatica ratione temperamentorum, vi & gradu mirè variat: quibusdam enim optimæ temperiei mulieribus adeò levis invenitur febris hæc, ut, præter noctem prægressam minùs quietam, vix ullius momenti sit, præcipuè si infantulo ubera præbuerint; videntur etiã quædam ab eâ penitus immunes; in nonnullis è contrà urbanis præsertim, quæ circa regimen quotidie peccant, apud debiles, valetudinarias, aut non alentes, febris hæc, nedùm benigna sit, sæpè acerrima observatur, & in morbos abit periculosissimos.

(3) Licet igitur plerùmque & per se ipsam nulla auxilia expostulet, ne fiat complicatio quæ semper præcaveri nequit, expedit primò ut irritatio nervorum, dùm frigus adest, moderetur linamentorum calefactorum ope. Secundò juvetur & promoveatur perspiratio copiosis & ferè tepidis infusionibus plantarum leviter sudorificarum. Tertiò alvus laxa concilietur beneficio clysmatum quorundam ex decoctis plantarum emollientium, discedente febre. Quartò denique mammarum distentio juvetur, simulque lactis evacuatio, quod nobis postremò considerandum superest.

CLV. Mammæ summam ab obstetricante vigilantiam, in primiparis præsertim, desiderant; si non alat puerpera, fatius est, inquit *D. White*, (a) ut mammx fugantur & gradatim lac divergat, quàm si repente in humorum massam repellatur. Quod si aut nolit puerpera, aut illud peragere nequeat: præter strictum regimen cui subjicienda est; remedia quædam lacti fugando idonea proponuntur; pleraque tamen inutilia videntur, imò quædam, ut oleosa, periculum portendunt ut potè quæ transpirationem præpediunt, quâ solâ, accedente lactis effluxu, mammx depleri possunt. Quamobrem *D. de la Motte* [b] agnitâ inutilitate speci-

Quid exigant
mammæ.


[a] In opere jam citato.

[b] In opere gallico cui titulus. *Traité des Accouchemens*, Part. II. liv. 11. chap. 2.

ficorum, tùm & etiàm quorumdam periculo, profitetur malle se ad finum applicari dùmtaxat calidum molleque linteum, &, quantumcumque doloris sensum experiatur puerpera, ab ipso dimoveri non patitur.

[2] Si puerpera infantulum lactare velit, hujus ori mammas citò admoveat, priusquam in eis moretur lac, aut quemdam duritiei gradum adeptæ fuerint: si prima ejus sit lactatio, expedit ut pluries in die ab infante satis provecto sugatur, quò infantulus papillas faciliùs arripiat: Si nodosus sinus fiat & dure scat, manu oleo unctâ sæpius in die fricetur. Tandem licèt nutrices minorem curam exposcant, sudoresque minùs urgeant; maximè tamen in eis fovenda est transpiratio, quam naturaliter quocumque tempore experturæ essent; à frigore caveant, indè enim cohiberi lac, aut stases periculosæ oriri possent.

F I N I S.



DISPUTATURI

RR. DD. PROFESSORES REGII.

R. D. JOANNES FRANCISCUS IMBERT, *Cancellarius & Judex.*

R. D. PAULUS-JOSEPHUS BARTHEZ, *Cancellarius & Jud. Adj.*

R. D. FRANCISCUS DE LAMURE, *Decanus.*

R. D. GABRIEL FRANCISCUS VENEL.

R. D. CAROLUS LE ROY.

R. D. GASPARDUS - JOANNES RENE.

R. D. ANTONIUS GOUAN.

R. D. FRANCISCUS BROUSSOUNET.

Antecessores Regii Veterani.

R. D. HENRICUS HAGUENOT, *Decanus, Professor emeritus.*

INDEX.

P ARS PRIMA, de partu in genere.	Pag. 5.
Definitiones.	Ibid.
De partûs termino.	6.
De pelvis dimensionibus ad partum spectantibus	16.
De uteri relativè ad partum situ & præcipuè de ejus obliquitate.	18.
De cognitionibus anatomicis relativè ad foetum.	21.
De signis quæ graviditatis terminum & laborem parturitium prænuntiant.	24.
De tactu.	Ibid.
De signis quæ tactu capiuntur.	Ibid.
De signis quæ inceptum laborem designant, & de iis quæ peractum indicant.	25.
De labore spurio.	26.
De signis quibus labor parturitiuus à spurio distinguitur.	27.
De partûs mechanismo.	28.
De agendi modo ordinariorum partûs causarum efficientium in casibus naturalibus.	30.
De progressu capitis.	32.
De secundinarum expulsionem.	Ibid.
P ARS SECUNDA, de auxiliis ergà parturientes relativè ad varias partûs species.	33.
Partuum divisio.	Ibid.
Classis prima partus complectens solis maternis viribus absolutos.	34.
Hujus classis subdivisio.	Ibid.
Expulsio infantuli ovatum superius capitis suprâ aperturam superiorem obvertentis. Primum scilicet genus & ejus species parag. LXXIV. & sequent.	35.
De peragendis in partu solis maternis viribus absoluto.	36.
De secundinis.... Articulus primus, de ligatura & sectione funiculi umbilicalis.	42.
Articulus secundus, de secundinarum extractione.	45.
Secunda classis, de partibus manum obstetricantis desiderantibus tractans.	48.
Hujus classis divisio & subdivisio parag. C.	Ibid.
Operarum quas partus secundæ classis, relativè ad varias eorum absolutionis vias, expostulant, in duas generales classes divisio seu distinctio parag. CI.	49.
Prima absolutionis, seu capitis in meliorem situm reductio.	50.
Primus ordo, Reductio capitis, ovato superiore suprâ aperturam superiorem jacente.	Ibid.

ij

- Reductio capitis, facie aperturam sup. spectante.* 51.
 Secundus ordo, *Reductio capitis, occipite suprâ aperturam sup. stante.* 52.
Reductio capitis, parte colli posteriore orificio occurrente. 53.
 Tertius ordo, *reductio capitis, ejus ovato laterali dextro suprâ aperturam superiorem posito.* 54.
Reductio capitis, parte colli laterali suprâ aperturam superiorem jacente. 55.
 Quartus ordo, *hic ordo puncta omnia faciei lateralis sinistra complectitur tertioque inversus est.* Ibid.
 De secunda absolutionis via, seû de extractione infantuli à pedibus. Ibid.
Quadam principia relativè ad infantuli extractionem à pedibus. Ibid.
Quadam quoad eandem partûs absolvenli viam observanda regulæ. 56.
 Primus ordo, seû de infantulo alterutram extremitatè, aut quamlibet regionem faciei anterioris objiciente. 57.

1 ^{um} . gen.	<i>Extractio à pedibus infantuli</i>	PEDES offerentis.	§. CX. pag. 57.
2 ^{um} . gen.	VERTICEM.	§. CXI. . 59.
3 ^{um} . gen.	FACIEM.	§. CXII. . 60.
4 ^{um} . gen.	COLLUM.	§. CXIII. 61.
5 ^{um} . gen.	THORACEM.	§. CXIV. 62.
6 ^{um} . gen.	ABDOMEN.	§. CXV. . 63.
7 ^{um} . gen.	GENITALIA.	§. CXVI. 64.
8 ^{um} . gen.	GENUA.	§. CXVII. Ibid.

Secundus ordo, seû de infantulo posterioris faciei punctum obvertente. 65.

1 ^{um} . gen.	<i>Extractio à pedibus infantuli</i>	OCCIPUT. objicient.	§. CXVIII. Ibid.
2 ^{um} . gen.	NUCHAM*.	§. CXIX. Ibid.
3 ^{um} . gen.	DORSUM.	§. CXX. . 66.
4 ^{um} . gen.	LUMBOS.	§. CXXI. Ibid.
5 ^{um} . gen.	CLUNES.	§. CXXII. 67.

Tertius & quartus ordo, seû de infantulo regionem faciei lateralis utriusque obvertente. 68.

1 ^{um} . gen.	Extr. à ped. infant.	{	Ovat. later.	præb.	§. CXXIII. Ibid.
			Cap. alter.		
2 ^{um} . gen.	{	Alter. coll.		§. CXXIV. 69
			Part. later.		

* Nucham pro totam partem colli posteriorem.

3um. gen.	{ Humerum	§. CXXV.	70.
	{ Alterutrum.		
4um. gen.	{ Alter. latus	§. CXXVI.	71.
	{ Thor. & abd.		
5um. gen.	{ Alterutram.	§. CXXVII. Ibid.	
	{ coxam.		

Tertia partuum classis, partus omnes complectens qui absque instrumentorum ope absolvi nequeunt. 72.

Hujus classis divisio. §. CXXVIII. Ibid.

Primus ordo, de laquorum usu. §. CXXIX. 73.

Secundus ordo, de vectis aut forcipis applicatione. §. CXXX. & f. Ibid.

Tertius ordo, de partibus, qui fauste absolvi nequeunt sine secantium instrumentorum applicatione corpori infantuli partim aut omnino utero inclusi. §. CXXXIV. 76.

Quartus ordo, partus quibus instrumenta secantia matris corpori admoventur. §. CXXXV. 77.

De quibusdam varietatibus. §. CXXXVI. & f. 78.

PARS TERTIA, de auxiliis circa puerperas. 81.

Quae post partum sequuntur. §. CXXXIX. Ibid.

De frequentissimis quibusdam accidentibus. §. CXL. & seq. 82.

De regimine puerperarum. 84.

De lochiis. 89.

De lactea febris, 90.

De curis circa mammas. §. CLV. 91.

ERRATA.

Pagina	7 linea	11 Solitò , <i>lege</i> Solito.
	10	34 gestionem , <i>lege</i> gestationem.
	13	30 quintum-decimum mensem, <i>lege</i> quintum-decimum mensem.
	15	9 Hervei , <i>lege</i> Harvei.
	16	15 Juxa , <i>lege</i> Juxta.
	17	33 (1), <i>lege</i> (2).
	18	17 ligamento cartilaginosa , <i>lege</i> ligamento - carti- laginosa.
	20	40 Observation , <i>lege</i> Observations.
	21	9 praxi congrua , <i>lege</i> praxim congruam.
	28	36 LVIII. , <i>lege</i> LIX.
	ib.	37 pleræque , <i>lege</i> pleræque.
	31	15 sedente , <i>lege</i> cedente.
	38	12 mimio , <i>lege</i> nimio.
	ib.	28 hujus , <i>deleatur</i> .
	39	22 iudè , <i>lege</i> indè.
	40	6 favendam , <i>lege</i> favendum.
	ib.	16 deprimaturculcita , <i>lege</i> deprimatur culcita.
	ib.	29 submissis , <i>lege</i> submisso.
	46	40 & 41 circumferretur , <i>lege</i> circumfettur.
	49	4 4 ^o . , <i>lege</i> [4].
	ib.	12 [1] , <i>lege</i> [5].
	ib.	13 ipunctum , <i>lege</i> punctum.
	ib.	15 [2] , <i>lege</i> [6].
	51	12 à , <i>deleatur</i> .
	ib.	42 CII. <i>deleatur</i> .
	55	24 (a), <i>lege</i> (b).
	56	1 & 2 arbitratum , <i>lege</i> arbitratum.
	64	41 & 42 poscet , <i>lege</i> posset.
	70	32 utrumque , <i>lege</i> utrumque.
	73	19 fascià , <i>lege</i> fascia.
	ib.	39 m , <i>lege</i> pem.
	78	in titulo De quibusdam de varietatibus , <i>lege</i> De quibus- dam varietatibus.

Errata marginum.

Pag. 52	ad latus parag. CIV. adde in margine. Primum genus occiput supra aperturam sup.
16	CXIII. 4a. additio. Extractus infantuli ilium , <i>leg.</i> extratio infantuli collum.
63	CXV. 3a. additio. Extracti , <i>leg.</i> extractio.
82	CXL. adde in margine sanguinis effluvium.
86	CXLIX. adde in margine motus & quies.